

翰林童內方先生文

鑒序

天下名山大川多矣富莫富於
雲夢清莫清於瀟湘奇莫奇於
太嶽自古寓賢若賈誼司馬遷
杜甫柳宗元蘇軾咸得助於山
川之秀故其藝為文章擅當時



傳後世况生長其地地靈而人傑者耶我

師內方先生童公當

世廟龍興與龍湖張相公洞野
廖學士俱被選入翰林侍從
經幄

世廟視三公猶從龍
柄用先生乃以讀禮請告遵晦
里居盡讀古人書究心當世之
務思以光輔

中興建萬世
而賚志以逝可勝痛哉先生賦

類賈誼文類司馬遷詩類杜甫
文之稍後時調者間出於柳蘓
之間故其富者視雲夢清者視
瀟湘奇者視太嶽三楚間稱獨
步令子光祿君守履彙其遺集
若干編諸體咸備授立校之立

弱冠卒業太學先生實其
諸生明年遂成進士五十年來
酬知無地猶未能鋸梓以傳愧
矣愧矣僭為序

萬曆己丑仲夏吉旦
賜進士出身資政大夫南京兵

部尚書叅贊機務前南京禮工
二部尚書侍

經筵預修

會典門生翁大立頓首撰



內方先生集



卷之一

諭祭文

經筵講章

憲廟樂章

四言古詩

有樂畊也三章章八句

思誠

寄母弟士登諱承芳別號復池

留臺贈黃侍御

卷之二

五言絕句

王夢竹三陟永懷

一齋詩四首

明妃怨四首

哭沈孺人十首

題南厓子十景

送天台陳汝學分教南城便道省母因奉訊

霞山師丈

六言絕句

夜二首

五言律詩

送溫生

雲洲

送李景陵

夜坐有懷因書所見

七夕對雨四首

避暑

榴花

送鄭老

過館陶

送朱瑞卿尹奉新

送劉先生提學山西

黃氏父母雙壽

安生世醫

郊齋隆興寺次張文邦韻時鳴吾同賦一首
鄔丁生者誦其令徐君政績請予紀之表以

茲詩

畊藉二首

閣試同江詹二子晚出左掖

贈童上舍遊南雍

積雨樓中

贈別高將軍

竟陵雜詩十二首

黃州贈王稚欽夢澤子三首

彭黃門海棠一本異花

送郝生還絳

郊齋大興隆寺二首

題扇面

夜坐聞雨志喜二首

謁陵同廖翰長出郭

田龍觀陪黃倫二侍御午飯

雨中送 駕和研岡五言詩二首

聞眷長左先生歸自安義詩以候之

奉送犀浦先生赴越四首

哀 冲太子輓歌二首

過慈恩寺訪陳憲卿二首

酬傅師程寺中見寄諸作兼訊近况三首

送王千兵南還

送劉生

送蕭生

懷孫子有作

送劉生元秀還沔

江漢留思卷四首代友人

十六夜魯二峰宅待月和胡后江二首

鄭生杉竹溪書屋

送龍大渠宰太和

送姜斗臣佐曲陽巴陵人

送王生歸温

送王應祥赴銅梁縣幕

暑中雨霽同兩兄二陳納涼憶野仙

舟中別劉鳴玉

題劉翁湖汀

送王先生歸 覲

聞王胡二郡博九日東樓登高憂中興感四首
江漢留思

贈史生

贈王將軍初度

贈丁子載

送張用和歸江漢

秋晚為劉學正乃父八十二首

送王敬與卒業南雍

送王臣儀卒業南雍

始謁 興獻陵二首

遊九華山 四首

早春郊園即事十首

曉赴松林中

過吉祥寺

郢州風雪積日阻舟江郭述懷三首

多蠅有感

舟中懷黃王二翰長

回峯寺次清里

始泊巴陵風雨輾轉旬日舟中跼蹐兼多愁
思詩以寓懷

鴈峯寺

靈川曉思時將過桂林二首

劉元秀讀書玄妙閣

示吾宗二弟

送外兄李將軍赴粵

送趙揮使還楚

北堂壽意二首

滴泉為倪子

羅母慈節

遊覽王公園域因成輓章

舟中別諸錢者

贈吳竹齋

賦得牡丹兼別雪菴羅君

舟行有懷竹齋友梅雪菴松巖四君

雪菴詩贈羅君舟中作

竹石一首贈仰君許石泉所圖

石柘

彭澤懷陶令

小孤

天枉閣夜赴王使君宴二首

清谿守風望山中松檜率爾遂往二首

采石吊李白

宋醫官雲峰和洞野

劉梅溪歸自蜀中

徐虛白戶侯每於書中寄訊且承索文久而成通賦此道意

送黎大章同知合州

送余將軍還貴閩

世茲相過邀余小集余以明日直講不能赴齋中靜臥聊致茲篇

卷之三

五言古詩

送歐陽子還竹谿

奉次陳高吾西歸韻二首

水曹宴集頗申往懷悵然命篇聊答雅贖

孟冬河舟燕集都護陶子倡云泛鷁遵鴻渚

余喜而足之紀一時雅事

贈閔中劉生

松巖詩

感述三首送陳伯瞻入齊省觀

王繩武樓中翫月作

城南逸樂為景陵呂佩之題

太嶽遊覽十首

梅南

送同年張永清出刺濟寧

送王真陽之官

送劉符卿代祀 遼國

奉和楊用修太史于役之作

春日玄明宮游眺同何熊二子

送周式之令虞城

贈汝國相葛公

永齋

移居城南庭幽室靚神愉目曠言憶同好寄

示茲詩

述別五章

挽胡母

送劉先生提學山西

於止亭

心愫詩為張黃門乃叔作

讀書翰林覺日新之益喜而有作館課

送陳渠軒尹仁和

贈楊大行惟仁二首

奉送雙泉先生自民部郎擢傳 襄邸

書饒足之號梅峯卷

翠軒安宅卷為崇德博魏鳳作

壽桂洲

送琴溪唐君出宰武寧

正菴詩

考牧詩贈洪洋館長

玉峯

題扇面

贈南司成白山倫公

登峴亭為江公新構

題江公再新習家池亭原無題有小序

原倡附

贈史秀才

鶴僊謠

奉題 唐承休王復齋

秋日趙信臣宴集限體賦夏菊分得山字時

葛子中黃才伯倫彥周彥鳴吾同作

送李嵩渚還郡

乞菊一首

春日曲

病懷十八韻

過洞庭

七星岳岳在桂林

詠西陂白路

雲樵先生分教於鄧爰贈茲篇意匪述別
哭劉毅齋因次為韻語不加點綴度幾
送陳君自太學出宰德興

七言絕句

題丁夫尹菟菜

凍澌五首

送張君賢典計壽邸三首

奉和趙洪洋通政上元宴岱屏第四首

榮光圖四首

送度原無題

贈後峰陳子

錢生卒業北雍復改南余既與之進惜其別

獨貽之詩重知遇耳

送吳中胡應元入南雍

送楊西濱入鄒

送陳二自越歸楚

約吳鵝塘遊迎恩寺四首

別徐尚敬二絕句容縣司訓

別王天錫往教密縣

武穆王祠在巴陵

聽鶯曲

清明偶書

贈僧月岳

城上秋興

遊玄妙觀

扇面一首

擬宮詞二十首

秋日再擬宮詞十首

曉渡玉河橋四首

杏林曲贈林翁二首

和歐梅贈酬之什為趙子玉

馬當

卷之四

七言律詩

車駕發 京師奉

聖母率 后妃以行是日天宇澄霽群情豫悅

沙河候 駕時以

國家圖書館 NATIONAL CENTRAL LIBRARY, TAIWAN, R.O.C.

聖母在道

上御龍威冠披金鎧以導

行殿早朝

諸陵陪祀

天壽山茶和

聖製四首

贈雍生

送見晚先生還閩中

送謝簿赴儀真

梅庄

送杜先生判九江

侍車駕臨雍有述

壽劉母奉次石齋相公

送劉司訓之嘉定

送新都繆司訓

送陸經府入閩舉之後兄也

黃才伯席上贈余崇一使蜀

贈何子

早秋即事問試

送羅典史往文縣

十六夜興隆寺黃倫二子席上翫月限韻

秋獲喜晴閣試

送陳生還長沙

奉次晚節園韻上九峯孫公二首

寄贈張補之侍御病還為母

早春朝天宮習儀

元日試筆

和費鍾石元旦早朝

春日賜燕午門值雪用鍾石韻志喜

大明門觀駕

人日

奉和桂翁新賜內直廬韻二首

介翁席上喜雪用行香韻

奉和喜雪一首荅蒲翁

鏡光閣眺雪有作

再和二首

秋日舟泛

扈送 敬皇后梓宮用王前峰沙河行宮韻

入山望壽宮用前峰韻

甘几山司空席上奉贈

謝子宅燕集贈席上諸彦

張氏挽詩

送陳子赴昌邑

溝西書屋

送劉梅溪

東村晚眺卷

七夕館中

九日漫成

黃鶴樓

登大別度鐵門關

舟中作寄王魏縣二首

竹鶴軒二首

壽龍湖學士

贈南陽劉令

壽天馬陳翁八十講之祖也

梅園紀游

晚過礮谷因見其與鴻漸書

送龍令赴昌樂

送太傅毛先生歸吳中

送傅僉憲入滇

病中暮春有述

送張國信還巴陵

留題天寧寺二首

劉孺人挽詩

五月五日

五日尋馬子不遇

三泉挽詩

送張使君

送周使君入閩

侍御倫子携弟歸覲余以世講之誼兼有同

館之好不容亡言病督愁寢筆札罕就聊

贈茲篇用伸別思耳

兩都僊史卷

送黃邑博赴高安

昌平宿劉諫議祠

和太傅毛先生留別韻

憂旱

即席贈二倫

壽涯翁太夫人九十

漢濱夜泊

舟中贈高將軍

賦鄒山人雙溪卷

玉臺飛雲

慕萱

蘭溪送易載菴還山二首

送王雲樵入鄧

青雲接武

即席和魯二峯萱花

贈王夢竹次前韻

贈蔡練江次前韻

贈二峯次前韻

贈胡木橋次前韻

送高伯東

夜聽高子吹簫

沙湖別史生

臨清公署夜興七首

行經項公祠

送荊州張千兵經漕運南歸

夜讀籌邊諸疏感而有述

和託翁兩宿浣花草堂

送託翁還山用韻

秋日水南前峰見過用前韻

春日課士簡同事諸公

喜雪

慎獨樓

五日

陸少石卷

送張鴻臚禮之歸省江陰

柳塘

內濱初子往副滇臬弭節江鄉秋日戒舟薄

游漢澁道路伊邇題詩奉招

早秋西齋

西齋對雪

送陳醉菊歸鄂因訊令弟

漢陽別陳戶部

送黃生還閣皂山中

送學士孫先生攝篆留都

贈雪峯鮑子

洞天訪道圖

寄東野僊兼致二郎消息

夏日游大佛寺和黎公韻

再和初大叅

奉和序菴閣中詠蓮四首

奉和桂洲九日邵園四首

鴻臚余君有親借老在堂君既拜官南寺將

過家奉觴而壽之固人生至樂事也其友

鮑文光道其事且丐詞焉余因賦茲篇致

韻豔耳

鍾沂山以至日壽余偶忘賀詩以補之

送斗菴出叅貴州

送趙洪洋

送羅經歷之廣西布政司

送學士東廓鄒先生攝篆留都

寄壽可山周君六十

寄壽竹軒盛君

送陳尹覲畢還竟陵

送沈生佑歸杭

贈友二首

送李五堂之豐縣用韻

寄訊石雲菴

送南司成龔雲岡

送管平山巡撫山東

送徐木仲刺乾州

和載菴詩四首

送趙君判蘇

送別駕張君赴開州

即席和黃上舍諫便面同年朱中書送歐

陽紀善赴汝府

別吳生宇還慶元

四月八日偕龍湖宮贊

棊酒見款留此以述三八

送杜二府赴沔陽

送張君經歷滇藩陽峰之弟也

送王岱麓遷山西督學

送張陸泉通判嘉禾

送陳進士羽卿南陽推官

蒲翁席上贈水南殿撰奉使德藩兼便道展

覲和三渠原韻時同館俱有作

送鄭希周守澤州

送陳經歷遷台州判官

褒典光潛為袁大尹作

遊廬山東林寺

遊九華山化成寺時韓太守以正張別駕

寬同行

遊齊山

過天津望海口

野泊

登博望山亭次韻呈竇明府

至前一日過承休王復齋

送張犀浦方伯入粵

宿龍虎潭

出江奉次家君子時上元明日也

江行雜詠四首

食鱖次老杜鯉魚二首

友梅為王生

江夜聞鐘

賈太傅宅二首

春江二首

雍王故宮在衡州

清湘道中

風洞山在桂林

棲霞洞

在桂林七星山下云鄭冠鄉遇日華月華君於此

送僧鶴峯還山

九日城上作

踏雪四首

登岳陽樓

南岡

南岡席上有贈

芝蘭

賦吳氏素扇

九日焦林二首

鄧氏慶源冊

團江寄三曹

沙湖留題圓通寺

清溪夜宿懷齊秀九華諸山

即席贈龍湖李侍御出按浙西便道省觀

送王中川攝南篆例贈一首

又代李龍湖一首

以方集



卷之五

七言古詩

送謝先生分教定遠

薰風亭

贈王承之

三十一

贈劉敦復時乃翁梅溪分教蜀川

贈夔弟

同叅知江公納言劉公都護余公漢江泛
作

送王萬戶轉運還沔萬戶余妹壻也

四懷詩

霍山謠

秋堂夜試燈彩聯輝喜而有述呈同事諸
子

詠雪禁體

卷之六

篇

采菊篇贈火子名伸揚州人監生

劔閣篇

關洛篇送白貞夫

白雪篇贈初子內濱

蒼梧篇寄顧東橋先生後翁

今昔篇別西巖子

雪鴻篇送夏生周還嘉興

朗月篇八月十五夜作時方待對京師

織女篇

夕霰篇

駐馬篇

踏雪篇送李將軍還河

秋潭篇

北征篇

磐石篇

金闕承恩篇送趙知縣

民政篇贈梅子

司理篇贈方子

修篁篇

辭

水調歌頭辭七首

解舟辭

卷之七

樂府

秋胡行五首

燕歌行二首

善哉行

上留田行

猛虎行

夷兵行

潮陽太守行送鄭長溪

兵書匣行在永州

觀察行送邢北岡

折楊柳

贈友思歸行

陶生行

憶桂行贈馬翁

覽秋行

三山行為平厓林子從父作

苦寒行十首雪夜作

今昔行送許立東

歌

瀛洲醉學士歌

漢江歌十首

城陵磯歌

清湘歌

翠竹歌

粵南歌賀高將軍

秋浦歌送劉亦敷赴東流主簿

雲樵歌十三首

沙頭歌四首

竹居輓歌

張山人儼松亭歌

好古先生輓歌并序

張翁輓歌并序

徐州萃墨亭歌

武夷權歌四首

勤王凱歌四章

吟

登山吟

思越吟送上庠洪子歸杭

文

悼湘文

卷之八

賦

感別賦并序

觀仙壇落花賦

石齋賦

閔水賦

嘉志賦

桂洲賦

東征賦

奏疏

寶瑞并頌

請告疏嘉靖二十一年三月

問安疏嘉靖二十二年正月

養病疏嘉靖二十二年三月

卷之九

箴

博文堂箴并序

頌

詒謀頌并序

迪儉堂頌并序

國家圖書館 NATIONAL CENTRAL LIBRARY, TAIWAN, R.O.C.

序

南橋趙翁雙壽詩序

贈衛使韓公應并序

壽余母李孺人八袞序

壽太師桂翁六十序

送朱兩崖序

送東川歸隱詩冊序

送王郡博序

送崔東洲序

叙次濱

壽曲塘歐陽公八十序

蘭谷序

奉贈大中貴龍山黃公還 朝序

贈虹川曾氏景大壽六十序

同志錄後序

贈高上舍文翰佐上海序

送梁西橋分教成都序

賀封君環溪王先生聯壽序

序聯壽賀職方胡翁

湖廣壬午同年會錄序

送張龍湖先生擢南京吏部右侍郎序

壽羅峯序

奉贈大宗伯毅齋孫公便道展謁先祠還

朝序

壽太師柱翁六十序

叙次濱

卷之十

書

谷柯雙華書

與殿學白菴豐先生書

與總督劉松石書

答顧東橋書

與黃卓峰書

奉張羅峰公書

復毛東塘書

復周光載書

與宋巡撫書

與余方伯書

與胡寵之書

招田雙峰書

九我遺思詩序

江漢留思詩序

贈趙將軍被簡視事

序杜子入滇

金關承恩序

蓉池序

送大行徐子校士還朝序

壽少司寇五華楊公七十序

贈大夫敬齋王公褒績序

賀王母董太宜人榮壽序

奉贈郡侯孫塘吳公擢副河東序

鰲峰類稿後序

戴星集序

劉生欽諫序

贈東川李君宰衡水序

原交送蘭臯邵君令長壽

賀柳塘詩興序

序世業文

陳風

衍壽

復熊南沙書

與張龍湖書

與王鼎文書

雜著

陳風

衍壽

明樸

原止

得失論

平南雅

國家圖書館. NATIONAL CENTRAL LIBRARY. TAIWAN. R.O.C.



內方先生集卷一

賜進士出身奉議大夫左春坊太子



子兼翰林院侍講纂脩累朝寶訓實錄

兼脩國史經筵講官前司經局洗馬管

國子監司業事沔陽童承叙士疇甫著

賜進士第兵部武庫司主事第童承契

鄉進士 第童承夔校

賜進士第榮祿大夫武英殿大學士太傅兼

太子太傅吏部尚書安陽門人郭朴

賜進士第資政大夫工部尚書新城門人張舜臣



NATIONAL CENTRAL LIBRARY, TAIWAN, R.O.C.

進士第通議大夫治郎陽都察
完古副都御史南皮門人賓全校
光祿寺監事不賞

南京戶部郎中廣西慶遠府知府孫童遂先
北京上林苑署丞孫童振先 庠生孫繼先
白孫舉入童孫朝晚學生登科 全刻

諭祭文

嘉靖二十三年歲次甲辰十二月乙丑朔二十二
日丙戌

皇帝遣湖廣等處承宣布政使司分守荆西道右
議戴邦正

諭祭左春坊左庶子兼翰林院侍講童承叙

曰爾以明敏之資該博之學甲科振美翰苑輩英
史局分曹編摩維謹經緯進講啓沃良多歷任成
均儒師得體屢持文柄藻鑿式精載晉宮坊仍兼
殿講久勤侍從茂積賢勞向用方殷頃俞乞假壽
未滿德用不竟才遽報訃音良切悼惜特超常典
遣祭有儀靈爽如存尚其歆服

經筵講章

亦越成湯陟丕釐上帝之耿命乃用三有宅克

內方集卷一
即宅日三有俊克即俊嚴惟丕式克用三宅三
俊其在商邑用協于厥邑其在四方用丕式見
德

這是周公立政篇周公戒成王以用人立政之道
上章既言禹之籲俊此復舉成湯言之亦越是繼
前之辭陟是升丕釐是大治三有宅是居常伯常
任準人之位者三有俊是有常伯常任準人之德
者嚴惟丕是敬思而大法之周公說成湯自諸侯
升為天子凡惇典庸禮命德討罪無非天命湯能
奉若之是即大治上帝之光命也然天下之

湯一人所能獨治也故左右大臣有宅常伯者以
長岳牧有宅常任者以任政事有宅準人者以司
法守允此三宅實能就是位而不曠其職也夫大
臣固難其職尤難其人使非預儲而素養之其何
以備非常之用故天下之俊有可以長民者使備
長伯有可以任事者使備長任有可以守法者使
備準人凡此三俊實能就是德而不浮其名也成
湯慎用大臣如此然於三俊所言所行則敬思而
不忽大法而不疑故宅者得以効其職俊者得以
著其才由是賢智並用登于至理其在于近則商

邑之衆未易齊者無不協和以成歸極之治其在
于遠則四方之廣未易徧者無不大法以觀建中
之德書稱成湯表正萬方期彰信兆民詎不信哉
周公身為大臣而其告君必及于此蓋以成湯之
德望成王也 臣嘗用是而論之君人之道立政為
先立政之道用人為切所謂用人者非人人而用
之也亦在乎慎擇大臣而已故預儲素養者所以
致其簡畀之重嚴惟丕式者所以致其倚任之隆
蓋必如是而後用人之道盡天下之治可成矣故
曰君人者如天運於上又曰人君勞于求賢而逸
于得人其謂是歟仰惟

皇上

聖敬日躋

智勇天錫固以丕釐之功成丕式之治矣然猶慎
簡老成圖惟治道其於大臣行以殊禮任以至誠
而考課之典申飭之令於群臣尤惓惓焉是以內
外大小之臣無不奮庸禮樂刑政之績無不畢具
百工允釐而兆人永康也商周之盛又何足云中
庸曰為政在人取人以身修身以道修道以仁此
用人立政之本也臣愚以是為

今日獻

憲廟樂章

迎神

於穆憲祖德純業昌寬仁誠孝累熙重光荆楚底平
嚴祝于袞袞崇聖哲顯登俊良廣牲大禋是肆是崇
清廟有嚴陟降洋洋

初獻

清酌既薦萬舞斯陳

訂謨垂憲

明德維純吉蠲

外稷肇禋于春來假來饗於昭

聖靈

亞獻

維皇詒燕宣昭世德孝孫有慶績承丕業曾瓚具
陳籥羽在列我享我將庶幾申錫

終獻

裸將既舉旨酒思柔俎豆靜嘉維羊維牛亦既右享
維神之休精裡匪懈福祿來道

徹饌

烝衎我

祖永賚思誠登豆既徹祀事孔明祝啟備舉肅雍和
鳴報以景福壽考且寧

送神

神馭旋只鳳舉龍騫假哉

憲祖陟降在天闕宮奕奕祀禮莫愆緝熙純嘏于千萬年

四言古詩

有樂耕也三章章八句

有倬維穰草樹鬱蓊春陽載熙疆旅既同亦執厥功
我稼迺豐有稻有秬以輸我邦

有冽維泉厥流濺濺落舍孔良漑之澄源織羽翺翺
嘉穰芊芊載歌載遊欣我有年

樂胥維翁亦服其耕嘉遁林立允辭組纓君子有子
為國光矣君子有酒酌彼觥矣

思誠

渾渾玄化茫茫聖途太極闔闢萬彙一趨探源濬流
執綏貫珠葆貞會宜言司其樞維思曰睿慎之須臾
動契靜遊乃與天俱豐豐君子欽茲訓謨

留臺贈黃侍御

森森留臺稜稜直指肅奉彝章丕振遐軌

其二

溫恭君子望隆德徽我彼豸冠簡自虎闈

其三

明命是將法守靡假希宗文紀馳聲公雅

其四

詎曰乘駮寔惟埋輪前彼凜秋庶幾發春

其五

留雖在南其聽則通繩枉糾邪四方所矚

其六

辟雍周旋諒子夙心金石弗渝惠我德音

寄母弟士登諱承芳別號復池

自汝不見于今六年音塵伊邇道路迴遭我有門戶
汝則周旋我有田園汝力靜

執嫂之喪封樹維虔筑筑我鷄提攜哀憐豈曰鴈行
手足連綿於惟先公積德罔讐生我二人接跡比有
我實不肖無以光前鸞坡逐隊虎闌抗顏汝雖未顯
榮聞頗宣宗族慕義鄉閭稱賢於惟世德于焉克全
我聞在昔名閥相傳儒素是守清白是堅詩禮攸敦
節行維先弓冶之子箕裘匪指我日斯邁有華在顛
位浮望淺屏棄則然江漢之上沱潛之間一丘一壑
維意所便維我及汝共此粥饘作詩示汝涕泣

卷之二

五言絕句

王夢竹三陟永懷

趙底何聞寂夢寐見容色手澤豈不存傷哉此心盡

其二

慈烏啼夜月萱草折秋霜長壽今雖隆遊子徒徬徨

其三

涼風起中夜惆悵荆花落友子在遺編孤燈照虛箔

一齋詩四首

湘漢幽棲客乾坤此一齋柴關當絕巘蘿幌接重階

其二

山巖太古意齋臥白頭人
檻繫函銘
雲引風塵

其三

茅屋浸潭月荷衣染洞雲
開籠梳鶴髮研露點猿墳

其四

焚香開禪戶改席坐楓林
杳靄千山色冥濛萬古心
明妃怨四首

遊馬黃塵湧胡笳黑水賒
漢家薄命妾無語泪琵琶

其二

落葉愁憐病征衣瘦却春
強來胡井照翻媿畫中身

其三

堪愛黃金貴媿妍亡定形
曾將買藥賦空悔薄井

其四

月浸長門夜霜凝漢苑秋
向來愁絕地猶勝嫁氈裘

哭沈宜人十首

明月照清景春風吹豔枝
空庭人不見腸斷去年時

其二

高齋靜䟽綺素壁懸鳴琴
經春不啓匣無人知夙心

其三

入門何聞寂獨立時徬徨
華燈照故榻羅幃生舊香

其四

東髮諧嘉止殷勤二十年自君之去矣憔悴見華顛
其五

門祚本衰薄兒女復癡嬌思君不能言垂首時空搔
其六

出門事簪紱歸來問雞黍忽忽不見君彷彿聞君語
其七

月出臨廣除兒女自學拜牽裾壹何誼我心獨如塊
其八

家本儒素君來嗣徽音布裙猶在篋澣濯見

其九

鄰媪羣相過泣涕不能語向來施予心功果今在汝
其十

禮佛燈猶在教兒書尚存經春人不見花落掩空門
題南厓子十景

南厓子抱器遵時執節守志讀書謝塵結藻

紉芳即其幽廬攬夫嘉景於是而藏修而游

息而詠歌而居處所謂物物而不物於物蓋

於貞觀之道庶幾矣其景之目十余各綴以

小詩南厓子推而進之仰以觀天俯以觀地

中以觀萬物無非景也余也鄙願與之遊鴻濛棲澗以盡大觀亡言之妙如何

龍湫三百丈瀉出洞庭秋卷幔巖雲濕開軒海月流

右龍泉

振鷺迴巒淨烟霞拂羽翬斜陽下林薄紫翠落巖扉

右鷺嶺

筇筓橫煙艇鷓鴣立浦沙江空人不見款乃月初斜

右漁歌

躋蹬捫蒼蘚牽蘿斲翠雲長風吹木末人語隔林間

右樵語

粉堞連山郭高樓鼓角鳴星河搖岫幌應為報

右城鼓

秋夕更漏長簷楹挂星斗夢回海色明何處蒲牢吼

右禪鐘

野市諠入境東林起炊烟山深餘鳥雀地僻寡輪鞅

右市烟

月出照溪水明珠落玉槃天風忽不發獨立人

右溪月

涼飈撼喬松瓊琳振蒼莽箕踞發嘯歌悠然嗒清響

右松音

閉門秋雨繁
苔莓生徑曲
朝來入倚疏
佩衣上新綠
右宮色

送天台陳汝學分教南城便道省母因奉訊霞
山師夫

典教官應童遊才爾獨良南城何逶迤吾道自輝光
絳帳春風滿斑衣畫錦芳霞翁如枉問迂拙愧門墻
六言絕句

除夜

除夜林觴慵舉鄉心遙憶瀟湘梅花一枝夜雨楚雲
里春江

其二

寶鼎香飄彩勝華燈光照屠蘇韶華暗催客鬢羈懷
極對妻孥

五言律詩

送溫生

壁水三年客青衫萬里人蟠泥懷壯志觀國羨嘉賓
袍染天邊雨舟停江上春雲霄憐暫去廊廟會攀鱗

雲洲

坡上霓初散洲邊雲自浮房櫺隱仙霧衣桁上寒流
雨濕蕪葭動沙明鷗鷺求惆悵伊人遠臨風想溯游

送李景陵

雙鳧辭上國八駿憶南天翠幘啼青鳥黃花映彩旃
游雲看楚徼落日渡湘川騰種河陽樹勞若但一年
夜坐有懷因書所見

蕙館誼晴折瓊籤報玉樓張燈暗香冷吐藥翠烟浮
金粟圓仍碎蘭膏膩不流因占得錦字未慍大刀頭
七夕對雨四首

賓館霏涼雨嘉辰悵遠遊流螢看不定絳燭坐添憂
寂寞楊雄閣棲遲王粲樓遙憐天帝子茲夕嫁牽牛
其二

上國風霜動南州山水長琴書淹薊國花燭夢瀟湘
畫鷁迴南粵金壘壽北堂太夫人以是日生星稀烏
鵲散比翼願南翔

其三

岑寂棲京縣淹留獨閉門斗牛渡河漢風雨泣蘭蓀
團扇傳新句長門憶舊恩卷予藏拙久司巧謝天孫
其四

宋玉悲秋日相如卧病身燕花憐此夕湘水怨騷人
雲護江東蹕烽傳塞北塵涼蟬思幽楚正爾憶鱸專
避暑

鬱蒸何大劇溽濕旅愁縈曲檻流螢散空階積潦平
經旬絕輪鞅兀坐傍欄楹遙憶昆盧上憑高聽雨聲
榴花

築臺移衆藥當檻著榴花獨倚層軒日分明蒲樹霞
色連瑤草豔影帶綺窓斜遲爾同吟賞後教小逕渡
送鄭老

鄭老迹名久身居雲水鄉心閒富丘壑地遠遍林塘
酒熟隣翁過禾登稚子忙秋來荷葉綠散髮味滄浪
過館陶

曲瀨綠洲迅孤村夾渚長陶丘容倚棹雲水各蒼蒼
晚渡漁樵急寒江草樹荒乘槎憐歲晏擊楫向斜陽
送朱瑞卿尹奉新

地接洪都重符分上國新山川宜茂宰桃李照青春
賣劍奮初燒彈琴鶴自馴思君隔彭蠡早晚到通津
送劉先生提學山西

風采劉文學西行擁彩旃唐風悲蟋蟀汾水憶樓船
舊重埋輪客今開講道筵青衿滿深雪引領首陽巔
黃氏父母雙壽

上國思親日南州獻壽辰高堂雙白髮萬里一歸人
未信桑榆暮還看歲月新綵衣休繆繆成孝在榮親

安生世醫

岐黃已緬邈茲理秘不宣如何越人後亦有安期仙
昇上雲霞起壺中造化旋金丹倘醫國後爾問玄玄
郊齋興隆寺次張文邦韻時鳴吾同賦

避俗棲蓮宇追驩屬暮晴爐薰依幌細篠色傍池清
鍾磬飄香閣雲松鎖化城英朋傳綺翰嘆息旅魂驚
其二

禮樂後郊兆幽陰聳鬢毛晚風朱閣靜明月紫壇高
璋瓚追趨迥冠裳對越勞踈狂慚獻命獨夜擁青袍
鄔丁生者誦其令徐君政績請予紀之表以

詩

不見雙鳧鳥遙棲百雉城期年勞茂宰桃李絢新晴
堂上朱絲靜花邊皂蓋行安陵昔豺虎來暮有歌聲

畊籍二首

籍畝鑿輿降春高淑氣新遐阡屯彩仗天章護朱輪
躬稼真明主班推總近臣豐登在祇袂歆豫徧神人
閤試同江詹二子晚出左掖

接席揮彤管聯珂下紫薇掖垣餘晝漏閤道斂晴輝
風靜宮花落鴉啼省吏稀九霄一回望霞影動春衣
贈童上舍遊南雍

吾宗神秀者邂逅帝王城忽復此為別孤雲江上行
金陵傳虎踞壁水繞鷄鳴好養冲天翼還來棲玉京
積雨樓中

積雨連朝晦樓居暑未收寧論霑濕好祇為鬱蒸愁
簷溜衝簾落窓雲入棟浮風流江閣興騎馬欲尋遊
贈別高將軍

鐵騎來燕闕牙璋拜漢宮歸途荆樹北壯志玉門東
匣隱純鈎劍橐縣繁弱弓終軍年更少早起貳師功
竟陵雜詩十二首

秋來夢澤水淅淅入簾清灘淨鳧鷗媚岬高禾黍鳴
行辭三筮遠臥看五華青况有美容發翛然無事

其二
五日逆迴浪今乘別港流涼風起木末高岸牽孤舟
渚雲濕不捲黯澹芙蓉秋欲采遺所思遙遙溪水頭

其三
放舟漢水曲風起激清波處處垂蘿竹家家雜鶴鷺
美人折鮮藕白露濕織羅欲往隔煙水空聞宛轉歌
其四

聞有曠世士高居夢野臺草堂環綠竹蘿逕繡青苔
忽抱澧蘭思坐乘姝水未伊人在何處斜日楚雲開

其五

泲水曾為沚畊業此地稀魚龍日逐擊江漢獨崔嵬
今我重遊地風煙異昔時不看村樹裏蔬蔓繞荆籬

其六

憶日辭供奉淹留阻舊鄉朝廷多大計吾黨愛趨踰
未返金門轡長懷玉殿香擬裁大禮賦獨媿拾遺章

其七

古岸誰家屋才臨曲港流門前雙碧樹籬外一漁舟
羅蔓啼幽鳥汀花狎野鷗桃源疑此是祇恐誤重遊

其八

昏黑投前渚程迴路轉迷鳴鏡驚水鳥燒竹子落
坐待蘆花月來懸芳草堤夜涼不可寐嫠婦向江啼

其九

江闊浪不歇改舟紅蓼灣風吹岼草短愛此漢水閑
野鳥踈籬外柴門深竹間秋未有加思絕勝剡中還

其十

豈是懷沙客聊為鼓柁遊雨懸荆樹暗雲抱楚江流
密篠弄幽色寒虫鳴素秋遙憐草堂客白髮釣玄洲

黃州贈王稚欽夢澤子三首

長憶金闈彥江邊學釣魚偶乘青雀舫未造白雲廬

石洞蘿煙細松窓水月虛碧山如有約從爾卜巖居

其二

鳳閣揮彤管金門捧皂囊如何去宛洛忽復臥瀟湘
萬里江湖迥千秋蘭蕙芳雲鴻刷秋羽天上看高翔

其三

君懷子猷興况有仲宣才乘雪舟能放登樓賦獨裁
雲懸夢澤遠江抱楚山迴知尔幽棲北茅堂秋自開
彭黃門海棠一本異花

錦里靈光潤雕闌淑氣鍾高霞散芳樹異萼剪春容
蝶訝幽香澹蜂疑彩豔濃丹霄鶴鳳侶回首憶仙蹤

送郝生還絳

藝苑樞趨舊仙曹羨譽聞終軍英妙日慷慨自超群
袍染彤墀雨家臨絳水雲秋風一鶚去矯翮在河汾
郊齋大興隆寺二首

肅肅郊齋靜琳宮正發春素車逢肇祀玄服奉休辰
景福瞻天近神功繹祖新未陪璋瓚侶彷彿聽韶鈞
其二

獻命崇郊兆端居托梵林鐘聞絃殿曉輦憶碧壇深
對越通靈顯陰幽感帝歆小臣慚一獻明命况難忱

題扇面

休沐竹林賢相將雲水邊開鑪摘松葉落日起茶烟
地遠無啼鳥山深空暗泉幽期踐真境端坐會冥詮
夜坐聞雨志喜二首

三月憐甘澍蕭蕭近綺窓枕邊能打屋竹裏漸鳴淙
入夜聲逾細衝風勢不降青燈自忘寐幽興滿湘江
其二

澹日霾長合深春雨乍聞寵添孤篠色碧染綠池紋
過檻霑花絮穿浦濕鷺群明朝看舉趾憂惻賴吾君
謁陵同廖翰長出郭

祇役隨金馬揮鞭下紫宸幽期綠出郭淋景漫依人

曉嶂青逾遠春楊弱未勻應憐滯京洛終日浣緇塵
回龍觀陪黃倫二侍御午飯

結駟龍城外停鑣鶴院初雲霞生畫壁龍虎繞丹書
僮煮青精飯盤行紫蕨蔬况陪周柱史猶勝到華胥
雨中送駕和研岡五言詩二首

春祀瞻

陵廟宸游出

帝城豐隆扶翠輦屏翳抗龍旌柳色迎鑾細鶯歌向
蹕清寢園佳氣合馳道瑞烟平沙軟千官擁泥香
萬騎鳴精裊勞

聖主數傍碧山行

其二

法駕開雲幕

慈闈擁萬城社烟隨采仗谷雨落青旌春豫流鮮澤
皇游覽太清沾衣知寵渥潤物感昇平山繞鑾輿
淨泉當帳殿鳴傳宣戒龍舸還汎玉湖行

聞春長左先生歸自安義詩以候之

楚蜀傳經日江湖解印時先生自瀟散世路本睽
舊業楸枰局高情鸚鵡卮君家棠棣好應共賦新詩
奉送犀浦先生赴越四首

海檄管炎裔藩侯屬僑才遙持漢使節去上越王臺
波浴亭前日春回嶺際梅蠻猩應拜舞憑軾問蒿萊

其二

百越秋風渺三湘暮雨寒浮槎非遠別浴日是奇觀
澤被珠厓迥功標銅柱寬海山樓倚徙時復聞長安

其三

五嶺羊城外三山蓬海中旌旌未漢使島嶼盡華風
戶翳枕柳審庭垂薜荔紅翻思黃鶴侶極目望秋鴻

其四

畫舸乘新水清秋萬里過鷗鵬遙徙翮溟海不揚波

番客輸文貝山徃稅里禾莫愁氣侵在從此布陽和

哀 冲太子輓歌二首

垂輪昭景瑞主鬯得元良日表真龍種雲游忽帝鄉
長春空絳節大本自華堂悵望

皇心切山陵帶夕陽

其二

喜續宗祧重驚看冊謚隆卹恩崇震位靈駕肅春宮
香護猗蘭月神游緹嶺風龍旌歸隊道執紼盡臣工

過慈恩寺訪陳憲卿二首

隱几炎蒸日瀟條南郭心聞君訪支遁遣興到雲林

臺迥饒山色堂空惟鳥音更怜携勝友水檻幾憑臨

其二

暫懸空王境還論靜者心樓臺依內苑山水似東林
雲外花闌影松間風鐸音向來憑檻地清賞憶遙臨

酬傅師正寺中見寄諸作兼訊近况三首

憂旱

皇心禱崇霄禱上玄連旬足其澍四野變芳暎花發
宮雲濕鶯啼御柳鮮三農多忭舞

聖主更祈年

送王千兵南還

楚塞軍麾動江臯祖帳臨路辭三遠遠望九

送劉生

為客淹芳歲談兵激壯心別來玄館空
白沙孤棹發黃鶴錦帆留獻玉人爭識凌雲氣欲浮
蛟龍驚得雨鷓鴣看橫秋予亦乘槎去相期楚水頭

送蕭生

汝向岳陽城孤槎十日程昂霄看彩鳳長價識青萍
春樹連天末晴瀾接太清登樓盡雲夢從此小蓬瀛

懷孫子有作

憶在京華日翩然暗鳳毛父知同桂玉今已駕劉曹

湘水懷梁傅江籬怨楚騷喟予多蹇拙南望岳樓高

送劉生元秀還沔

瀟灑劉文學名家出沔川獨懷三楚壁屢泛五湖煙
壯志曹王上高情海岱前乘龍應有日萬里看聯翩

江漢留思卷四首代友人

開府歸燕甸揚麾發楚峰問竒空有字欲叩已無鏞
別思看湘水儀刑望岱宗何時長載酒虛薄愧難從

其二

已布周南化還題塞北勛覽輝憐鳳去作賦怨蘭芬
寒立門前雪晴看江上雲縣知不好武終擬振斯文

其三

漢江饒化雨易水餞長城豈但興絃誦應知富甲兵
草連夢澤遠人接華山頻惆悵樞趨地瞻依無限情

其四

解舟辭楚澤移節傍燕臺已奏朱絃調還紆武庫未
雲中瞻少華天上望三台培植慙桃李春風敢後開
十六夜魯二峰宅待月和胡后江二首

秋蟾流素彩晴麗屬茲年林薄生涼景星河斂暮天
虛欄初連色皓魄乍虧圓昨夕登樓興清觴此更傳

其二

入夜瑤臺靜揚輝玉宇寒臨軒懷隔夕促席縱清
頗恹羅煙密誰憐桂影殘中林繞烏鵲應借一枝安

鄭生杉竹溪書屋

林烟環碧篠溪雨帶芳漪知爾耽幽尚歸未慰夙期
戶倚成均篋窓介太乙藜傳經吾所愧問字幾多奇
送龍太渠宰太和

銅章岩再縮遴選向炎州飛鳥桑榆道彈琴洱海秋
邑當南詔會山入點蒼幽聞遣征蠻將供需足壯猷

送姜斗臣佐曲陽巴陵人

邑佐郊圻近風仍燕冀存彈琴隨令長綰綬侈

內方集卷二 十六
君恩郭倚太行曲堂開北嶽尊相將愁送汝烟柳滿
都門

送王生歸溫

肅肅橋門靜樞趨爾獨勤傳經憐白髮問道愛玄文
去憶燕關月歸尋鴈宕雲離群秋正秒落葉雨紛紛
送王應祥赴銅梁縣幕

年少才名舊今看作幕賓官階知己屈應祥當授經
衛知親老
政譽喜聞新巫峽秋濤落峨眉春嶂陳勿云茲
小應有望蘇人

暑中雨霽同兩兄二陳納涼憶野僊

別鄉關迥遙憐親故未偶同披豁處况是舊時開

其疎慵報

何時尋竹塢煙景共徘徊

舟中別劉鳴玉

湖國淹春序追遊爾獨勞開軒頻倒屣飛筆共揮毫
別意靡蕪草相看鸞鳳毛孤舟泛修渚風雨暮蕭騷

題劉翁湖汀

湖上鷗群劇汀邊水色鏡茅堂環竹樹沙逕雜蘭荇
課讀歸閒館尋春過野橋有時携侶伴共泛木蘭橈

送王先生歸觀

九日抱叢菊贈君歸北堂秋容照晚翠露氣凝青香
宮袍綉舞袖御醴浮稱觴躊躇感游子春草憶江鄉
聞王胡二郡博九日東樓登萬憂中興感四首
九日憐清朗東城藉豁軒登樓雙沼淨背郭萬家誼
林密平穿隴園延遠抱門勝遊傳雅蹟應為倒詞源

其二

高樓留勝躅藝苑速閒寮豈有牛山淚聊為蟹郭招
停觴遲月早卷幔看雲饒坐愛風林外平湖夾小橋

其三

東樓目誰知西閣悲竹煙稍舊籜籜露滋

閉戶長其約清心自養羸那堪抱哀淚望隴雲垂

其四

林臯停返照樓閣動新涼共有携壺興寧為落帽狂
田蕪多屨蛤賦急半痠瘡知爾憂時切憑高癡舉觴

江漢留思

持鐸騷人地揚旌帝子鄉無緣肅衿珮何處望宮墻
離索愁鸚鵡瞻依想鳳凰暫勞停使節應擬坐明堂

贈史生

史生何沈默記誦日以新誰知坦腹者乃是乘龍人
詩書本玄酒日月如流塵子其慎明德慰汝白髮親

贈王將軍初度

南極映長庚，轅門細柳橫。
青尊寬酒興，絳燭擁詩兵。
甲冑看勛業，芝蘭見弟兄。
高歌對明月，不盡鳶蘿情。
贈丁子載

長待公車詔，翻成梓里旋。
遙携九闕月，歸泛五湖煙。
白髮高堂近，青萍寶劍懸。
他時潞河水，重繫孝廉舩。
送張用和歸江漢

本是松蘿誼，天涯見汝親。
峩京闕盛，恢豁壯眸新。
澤國漁樵業，江鄉雲水春。
柴門明月夕，為語白頭人。
秋晚為劉學正乃父八十二首

楚曉秋如洗，叢蘭花正芳。
谷煙拖晚翠，臯露浥冬香。
紉佩騷人遠，授琴古詔長。
幽期時共會，采擷到江鄉。
其二

白髮有幽尚，秋林卧碧霞。
滋蘭澧浦近，結舍漢江斜。
杳着雲山屐，長追澤國槎。
南枝開上苑，為爾播芳華。
送王敬與卒業南雍

金陵原勝地，壁水重賢關。
千里觀光客，秋風鼓篋還。
朱絃清廟靜，白日講堂閑。
况抱荆山璞，終歸玉笋班。
送王臣儀卒業南雍

此闕觀光日，南雍卒業時。
絃歌聽䟽越，衿袂擁臯比。

夢野鄉關迥湘江詞賦奇
鵬聊養翼會見從天池
始謂興賦陵二首

窈窕山林路蒼蒼玉氣長
夜臺留劍履晚殿肅冠裳
褒美崇河間推尊邁懿皇
遙聞蘋藻使日日到宮牆

其二

昔暮曾聞聲舊今瞻廟號尊
萬年勞啓聖千里頌維藩
秋庭有遺像霜松夾寢園
翠華會展謁漢輦到江村
起九華山四首

香岫雲門裏藤蘿逕轉餘
塔藏舍利寺倚石蓮花
拄杖臨蒼蘚焚香卧絳霞
塵緣如可息山下欲移家

其二

蘭若開舍利芙蓉削玉峰
披雲聊息駕隔嶺忽聞鐘
僧臥中林月猿啼萬壑松
登山思屏迹吾已愧行踪
其三

天近雲為帳山圍錦作城
偶未尋寶地獨坐聽琴聲
松落芝田細泉流石壁清
老僧翠微裏習靜悟無生
其四

貧遊隨勝景延賞及斜照
塔磴盤盤曲山扉暮衣分
華開千嶂錦泉出五溪雲
已愧烟霞侶空憐猿鶴群
早春郊園即下首

春入丘林早融風積雪消
蒼皇抽細籜苑柳變柔條
着履穿芳徑支筇度野橋
其五
吾豈敢多病負清朝

澤國平蕪長鄉園遊子歸
蹉跎青鬢改潦倒素心遺
種秫供為酒滋蘭欲製衣
春未饒勝事隨處蹋晴暉
其六

青春忽受謝次第物華變
歲中田泉脉萌芽出燒痕
開心麋鹿共生計薜蘿存
莫恠謀歸蚤吾將此避喧
其七

登臺豁幽抱憑檻俯清郊
沙際看鷗浴松間喜鶴巢
鑿池新引澗結屋旋誅茅
樗散隨吾分何煩作解嘲
其八

卜築湖村靜樊花繞舍春
采椽聊葺舊初服近裁新
鷗鷺雙雙媚鷓鴣隊隊馴
夜耒三尺水買棹學垂綸
其九

暫辭金馬署來就碧山居
生事烏皮几多情白簡書
松江開小墅背郭買新畬
岩桂攀援在後渠咲標標
其十

小隱林皋寒清熏臺名館深松楸十年夢湖海一
生心人耶柴關迥烏啼羅洞陰青門事寥濶吳次爾早
其十一

抽簪

其八

屏居未禁掖卜築向江鄉開徑須求仲為園學辟疆
烟霞棲路遠鷗鷺結盟長采藥歸春渚衡門掩夕陽

其九

積雨淹春序新晴真不孤墻根牽葛蔓屋角喚鳩雛
敢望丘園貴應知山澤癯經旬長却埽無論愧潛夫

其十

謁告忽邁歲閉門春草長艤遊修屐齒卧病檢醫方
舊築莓苔逕新開辟荔房寄言鳳池侶珍重佐岩廊

曉赴松林中

高軒遵水曲小隊入松林流霞穿雲細重岡赴壑深
山藏園廟靜江抱石城陰未展恭趨禮聊驩曠望心
過吉祥寺

實地巖巒景珠林臺殿崇門開對江迥磴絕與雲通
昔幸懷先帝偶經思遠公藤蘿不可到鐘磬亂山中

郢州風雪積日阻舟江郭述懷三首 亡其一

其二

乘流理歸棹冰雪漢江程露濕少人跡低回饒客情
岸雲迷郢樹野水斷江蘅家近仍留滯黃昏鴈務驚

其三

風勢夜逾逼，濤聲吹更迴。榜人嚴繫纜，羈客廢啣盃。
頗恠魚龍鬪，轉愁巖樹摧。阻歸英畏險，知媿濟川才。
多蠅有感

青蠅喧白晝，當暑益煩疴。祇為趨炎急，那堪引類多。
穿裳妨黠污，隔戶巧經過。空有歐陽賦，營營奈爾何。
舟中懷黃玉二翰長

謬附金閨籍，慙隨畫鷁旌。連朝希見面，思爾若為情。
海岸迷煙島，花潭狎水鶯。秋清波淼淼，擬共濯塵纓。
迴峰寺次清里

野寺尋春暇，花開鷺嶺紅。孤舟憐泛泛，破袖訪空空。
閣倚雲林上，笙吹水石中。峰迴江宛轉，寂寞鎖龍宮。
始泊巴陵，風雷雨雹輾轉旬日，舟中跼蹐兼多
愁思，詩以寓懷

偃蹇瀟湘水，停舟客思多。愁來尋紙筆，睡起問干戈。
雷送風濤壯，春如雨霰何。孤蓬坐長夜，倚劍望乘槎。
鴈峰寺

鴈別衡峯去，空江但寺樓。千山關塞月，萬里洞庭秋。
海上音書迥，湘南帝子愁。霜鐘催暝色，嘆息此經過。
靈川曉思時將赴桂林二首

榜人戒明發曙色過江稀鶴與松為伴山因雲作衣
未須愁瘴地况復近親闈桂嶺諸峯秀行應上翠微
其二

江上嵐初霽山中日欲生林深聞鳥弄波淨見雲行
水石平生趣狎牠此地情遙憐桂峰上冉冉白雲輕
劉元秀讀書玄妙閣

虛閣回朱碧懷幽駐翠微詩書封玉檻鐘磬雜金徽
燈火清精罷雲松俗駕稀欲附朝陽鳳丹霄頃刻飛
其二

睥睨丹丘接煙花上峇幽銜縣月浦夜幔卷鷺湖秋

妙思聞松鶴神遊泛斗牛青藜夜相訪談笑摘星樓
示吾宗二弟

吾宗有二秀少小見芳姿並過城西館雙鬢憐耳垂
讀書能徹記問字更多竒何日池塘夢萱餘春草思
送外兄李將軍赴粵

出祖臨江路提師向粵城千峰森劔戟萬里擁干旄
鳥道披雲上蠻獍負弩迎還應建銅柱遠繼伏波名
送趙揮使還楚

北觀瞻龍關南征繫虎符牙璋輝日麗上劔切雲孤
李牧千人傑班超萬國圖將臺看拔鉞蚤晚候天弧

北堂壽意

春暉昭至德霜節表貞賢白髮逢初度青鸞下九天
舞迴萊子袖香動菊花筵甲子從前紀旋驚又十年
滴泉為倪子

雪竇開珠液松巖隱玉泉香分石洞髓細隔絳河煙
和露沾花嶼隨風入錦川涓涓秋月下千里潤芝田

羅母慈節

懿愛留春草高操見栢舟義方孤子訓伉儷百年愁
萱背花猶在霜闈月自流懸知動綸綍更擬看簪
遊覽王公園域因成輓章

才似相如麗官於郎署高平生重然諾義氣本賢豪
座上留珠履雲中起鳳毛我未君不見松栢暮蕭颺
舟中別諸餞者

放舸清漳曲相將枉衆賢浦風逗迴岫汀雪照斜川
勝餞慙高謁清歌感別筵中流勞擊楫共指玉門烟
贈吳竹齋

羨汝江湖客風流迥可憐高情出塵軌鎮日臥江烟
頗解醉中趣時叅靜裏玄玉泉饒水竹長繫釣魚
賦得牡丹兼別雪菴羅君

春臯通淋氣幽谷散高霞不闕雕闌色今開水國花

雨色含粉拆風葉捲香斜頗恠青蘿掩相思隔內家
舟行有懷竹齋友梅雪菴松巖四君

竹檻幽含雪松窓靜對梅憐君相得意同是後凋材
尊俎高情洽江湖妙語陪歲寒如可結乘興為重來

雪菴詩贈羅君舟中作

疏軒通顯氣幽谷發春烟已解塵生白應知靜有玄
雲屏琪樹亂風閣綵珠連愧返山陰棹懷君白雪篇
竹石一首贈仰君許石泉所圖也

補之真御史今弟亦名家搥筆裁新玉清風萬畝斜
翠苞含露葉錦石臥江沙持贈梅花侶冰霜共歲華

碣石觀滄海枯槎渡漢津長流雲雨潤故與雪霜親
戶立孤標迥庭繞翠黛新將軍有幽意蕭颯入秋旻

彭澤懷陶令

行經彭澤城緬憶彭澤宰秫由多燒痕霜菊悴已改
空山抱癡宇夕日沈秋彩孤舸截江風邈然思千載

小孤

仄嶼穿雲霄鷺濤颭海霞孤松前代寺片席九江槎
嵐撲巖樓潤波喧石磴斜中流一騁望吳楚各天涯
天柱閣夜赴王使君宴二首

飛閣俯江麓高筵敞夕曛碧牕流海月朱拱散秋雲

潮向尊前落山當郭外分登臨不盡醉明發又離群

其一

揮筆開丹閣燃藜上碧霄層軒孤月淨尊酒萬峰遙
露氣橫秋水江聲雜海潮因之動遐想况復對王喬
清谿守風望山中松檜率爾遂往三首

避浪聊停楫看松忽到山攀蘿憩雲窟躡石度晴關
樹擁寒泉細風鳴秋草閒由未有幽抱日晏不知還

其二

繫舡上江麓忽有步虛情陟嶺尋雲去披榛繞澗行
樵人拾松葉稚子摘山櫻獨坐青霞裏風泉隔樹鳴

其三

長島迴嵐淨高江返照垂偶耒翠微裏坐看白雲遲
洞口人稀到松苗手自移何時能卜築咲與九華期

采石吊李白

白也不復作空懷大雅賢沈酣供奉畧放逐夜即天
采石弄江月青山卧夕煙風流今在此雲樹一凄然

宋醫官雲峰和洞野

岩抱岐黃術幽棲江漢東碧霞蒸海月翠嶂挂晴虹
采藥靈踪杳還丹紫氣通偶耒朝帝闕處處頌神功

劉梅溪歸自蜀中作此奉候

內方集元。卷二。二十七
憶去南溪日京華有贈篇空傳司馬賦獨學子雲玄
阻絕四千里睽遠十六年歸來問結社清興滿湘川
徐虛白戶侯每於書中寄訊且承索文久而成

逋賦此道意

平生不好武老去獨蕭然室向虛中白棋從靜裡玄
衰晚饒詩思清貧乏酒錢懷君不能賦空望沔湖烟

送黎大章同知合州

舊抱荆山玉今分首郡符官階五馬並行李一琴孤
水向瞿塘落雲從棧閣敷茸霖隨別駕沾灑偏荒蕪
送余將軍還貴閩

提師萬里外獻壽九重前耆舊襄陽重勛華楚後
傳爐熏沾御座旗影擁行轡更上憂時疏兼聞出
塞篇

宜山以崦嵫相過邀余小集余以明日直講不
能赴齋中靜臥聊致茲篇以代面語耳

蕭散臺端客經過太守家短牆扶密篠曲檻抱繁
花促席情應洽衝汎興未賒齋居懷二妙斜月挂簷牙

卷之三

五言古詩

送歐陽子還竹谿

昔遊展良覲鬱若芝蘭親豈意多乖離飄轉如遊雲
君臥襄江汜猥予遊帝閣鷓鴣庶自託所嗟鸞鶴餐
一朝假羽翮邂逅漢水濱交親誼彌篤志初道逾申
揮絃聆遺響躡履奉休塵峭閣每同踐高懷時共陳
抽毫賦綠水挈漿泛青蘋倏焉倦遊衍返車西入郛
管瀆變夏木今往澹秋雯別作會何長我心浩無垠
舊雨杳莫即暮雪難再乘朱輝本無價驥驤寧易馴

內方集卷三
顧子崇明訓相期雲漢津

奉次陳高吾西歸韻二首

抽簪辭南服蕭艤奄西務
鳥岩松飛迅颺臯蘭冒行露
詎惜彫芳華所憂變直素
物理互崇替元機倏來去
屏迹超人徒息駕向煙樹
純誠固不渝得失自所遇

其二

翩翩雲中鷲矯翮獨橫鷲
一朝歛羽翼林薄淡秋露
舒哉自有會君子慎衷素
布昔召片言復以片言去
鞅踐幽境抽絃息嘉樹
勿云桃川深倘與漁父遇

水曹宴集頗申往懷悵然命篇聊答雅贖

肅艤奉嚴程牽維滌泗瀨
流湮故渠新溜乘初汰
昔滯勞佇延今往利攸邁
美人抱貞期長跼愜良會
開軒羅清觴遊園接飛蓋
春序時既中襍節奄已屆
綠藻冒池陰朱華散堂背
茂林何葱葱豐草亦芟芟
撫景發清歡興謠寫深慨
夕暉浴踈幌惠風颺輕帶
改席登崇臺吹燈坐虛籟
瀼瀼寒露零歷歷衆星瞻
高誼申綢繆雄辯徹幽晦
憶當結髮初猥踐京邑
薄劣荷英盼引接出流輦
岐路多乖離志業盡荒穢
茲夕何盤桓勝地得披對
揚彩照瓊瑤吐芳襲蘭蕙
龍性詎易馴鸞翻本難鍛
君髮倏已摧余亦非曩態

江郡憐持麾掖垣慚委佩許身既違時
况清泰
修執諒可遵明德期自愛黯然別須臾佇立瞻海岱
孟冬河舟宴集都護陶子倡云泛鷁遵鴻渚余
喜而足之紀一時雅事

泛鷁遵鴻渚開宴集魚梁寒溪漲新汰朝樹銷微霜
川修浦烟淡野曠臯露涼初暎散平隰流風激頽岡
江郭久云別田廬猶未荒臨睨諧夙願休澣荷

今皇緬惟辭丘壑矯跡陪岩廊廻翔編摩署委蛇成
均堂薦直
殿講席載綰宮采章獻納愧匪德翊贊
無方十年縻豐餼千里懷舊鄉謁告忝

俞命馳傳資寵光壠楸肇茂庭萱且豫康

朝典頃逾肅邊謨茲頗揚稍藉人事戢彌使我心降
慰勞感故侶賞眺頻相將鳴柳綠辟芷珥蓋依江蘅
羨魚綸每垂射鵠侯亦張度曲奏哀遂列坐飛清觴
馴鷗榜簾狎嘉菊羅筵芳筆瓢自欣適童兒况尚羊
顏氏本獨樂點也聊復狂夫子委義命達人知微彰
小隱諒匪拙巧宦寧足臧高情且撤豁須卜行與藏

贈閔中劉生

劉生賢豪徒况乃將相子揮劔辭里閭投簪傲朱紫
周遊萬里道結交一世士時望岐山齋蒼茫白雲起

松巖詩

孤松麗清漢迴巖起中阿亭亭揚寒飈岩岩激頽波
霜柯既偃蹇蘚壁亦嵯峨豈無雲霞姿附彼絲與蘿
幽嵐媚深谷風聲清且和公子樂愉曠托跡時嘯歌
攬彼五粒枝藉此千丈莎披雲散膏雨斲洗清河
雨以潤蕉卷苓以蘚沉疴詎留小山桂兼謝金門珂
悠然慕高節因君欲未過

感述三首送陳伯瞻入齊省覲

玄雲散微霰感烈吹我袞軒車集郊隰餞贈懷永傷
送子遠睽携泰岱鬱蒼蒼風伯儻先路玄冥復抗旌

朝發薊北門暮宿齊魯疆逍遙躡丹嶠蒼海端可梁
矢言從子遊儻遇棲霞生修坂裂層冰我馬玄以黃

其二

豫章挺竒幹亭亭青雲端閱歷豈不久搖落悲歲年
君子有遠志軼軻何足嘆趨庭止東郡駕言登泰山
仰瞻北辰樞俯觀東海瀾雲霞散寥廓上有黃髮仙
瑤華發瓊枝照耀容色鮮喟予淹跼踏東望涕沾翰
想似在白駒冲愒復何言

其三

畧短別復促臨岐重歎歎芳歲倏以凋黃鍾轉仄飛

與君本同林翻然各異棲山川眇修闊何以慰睽離
楚璞嗟見別齊瑟悲遭嗤所願慎明德勉旃勿復疑
天風起高翀雲霄以為期

王經武樓中觀月作

岩岩雲中樓萬萬詞場妙華燈薦廣筵蘿月開朗照
庭柯撼微颺曲池駛清徽洞戶敞以閒迢迢引奔峭
薄漢哀鴻流警露孤鶴翹涼襟歎秋夕慷慨發清嘯
綺翰揮素毫朱絃激清調物序倏云改聚散期未
緬懷湘川湄沿月足齊釣

城南逸樂詩為景陵呂佩之題

結宇起人境屏跡歸城南
珍禽嚶灌木文魚駛洪川
雖無代耕祿亦有負郭田
戶脫羔羊屐門絕車馬
灑灑墳素理峨峨衿佩賢
橫經析玄旨啓匣奏清絃
時携童冠侶披此春服妍
入歌考繁章出詠浴沂篇
俯仰無俗累徜徉有餘閒
詎知珪組榮但謂丘壑寬
更生老校書子雲貧草玄
跡隨鹿門隱地近桑苧潭
昔賢諒可媿雅節羨獨堅
遺式在鄉井垂休賁林泉
何當謝簪紱相將入雲煙

太嶽遊覽十首

內卷三
靈峯標奧區周覽振遐跡眷茲平生懷結我同心客
理攬濟洪川驅轂遵廣陌豐林散蔥蒨疊嶂排芳巖
幽禽出谷遙穠華傍岩寂修巖開清妍麗景照顏色
相將愜勝遊况乃諧良覲面當撐藤蘿嘯楚雲瑯

其二

曰余敬夙尚頗負水山癖自嬰簪綬牽煙巒阻攀陟
江漢侈秀靈太嶽擅竒絕日承澣沐恩稍憇沱潛國
命駕事薄遊升高覽玄極振衣躡丹梯揮毫拂青巖
詎云探幽遐聊以酬宿昔憑虛俯塵寰萬里徒徧

其三

岩峩望靈岫逶迤度仙關松蘿自虧蔽澗壑相溷浹
石徑迷復通出入蒼翠間鸞鵠時翱翔杳靄非人寰
雲霞迴零色群鶴何斑斑山祇豁朗照為我開心顏

其四

仙關入窈窕玄宇森琳瑯羽客披霞裾清梵鳴相將
邀我坐璇室開筵飯青精真仙不可遇遺物頌尚方
感之三嘆息白髮何由蒼筍輿去登陟歛忽超鴻茫

其五

文皇昔締構玉虛本經始岩阿儵開張棟宇忽中起
瑤壇簇雲松紺殿結霞綺紫峰既峻嶒玄谷復迤邐

噴岨七十二俯伏周八面盤旋萬里餘一一羅簪弁
中天盪雲霞下界激雷電仰瞻玄極尊彷彿靈光絢
列宿翼軫分元精虛危煥時維霽色新森爽秋毫辨
西挹太華峰南顧衡峯現乾維接冀都坤軸開楚甸
望秩往代嚴丹堊今獨冠眇余切冲襟追遊躅層巖
夜卧翠微巔不寐遲清旦展禮乘初暎環睇逼清漢
寥沉疑馭風飄颻訝生翰太和藉凝虛靈禧丐垂眷
敷衽嗽孤衷 宗社願終奠

其十

弱齡志孤迥薄遊事揮霍攬結匡廬秀采掇九華蕝

至今江湖間彷彿空翠落祝融與泰岱經行眇雲嶮
山祇似相招夢寐見鸞鶴耨耒道襄樊結侶登大嶽
靈境諧夙心玄覽申曩約宮殿鬱舳稜壇宇互聯綿
玉虛浮金銀紫霄凌崖峇五龍盤煙巒南岩架林苑
晶熒太和宮天柱倚碧落蚴蟉龍騫的落芙蓉削
萬里結英精千崖照鬆麓茫茫化人宗煌煌

文祖畧洞天誠有無茲山信焜嶠白日馭赤蚪青旻
正寥廓

梅南

玉律改東陸錦樹抽南枝靈根託三園鮮葩耀春曦

絳房拆丹萼翠篠承紫蕤染雪飄井幹蒸霞絢吳魚
條風動陽彩華月流春姿伏檻憐綴錦臨閣思燃藜
朱鷺飛翩翩赤螭蟠徙離豈惟敷霞霰終焉調鼎薦
芳妍諒不渝貞純矢相期

送同年張永清出刺濟寧

矯迹吳門彥分符魯甸遙風塵五馬去海岱一麾搖
汶泗流芳澤龜鳧建錦標杭檣諸郡會創病到時消
事何逢迎懶詩於簿領饒龔黃應不忝賀季可能招
曉騎喧周道春楊挽脆條輜軒懷
帝闕祖帳集王僚叔度知來莫何人為采謠

送王真陽之官

茲地本窮險林深豺虎張改邑復建侯
皇澤何汪洋倏忽荆棘區化為桃李場王君負經綬
馳譽重江湘一朝捧除書墨綬綰銅章雙輪發燕甸
行春汝水陽種花滿山郭彈琴不下堂要令詩書俗
盡革彼斧斨往哲百遺猷為政固多方王喬稱仙令
豈獨鳧飛翔君子達治体譬之琴瑟張題詩送茂宰
清風起周行

送劉符卿代祀遼國

晨駕飭徒旅荆楚鬱迴遭矯迹蒙嘉運銜命奉明禋

豐澤先睦親齊稷在幽玄朝發易水干夕宿鄂渚津
薄采盪藻芳竿瑟浩以繁鏘鳴振琳瑯剡揚光靈
忽焉尋清執紵軫遵修川雲夢何遙迤澧浦秀蘭荃
執禮繁淵微眺遐紆勞煩逝彼鸚鵡曲陳此黍稷篇
奉和楊用修太史干役之作

開春發燕甸望秩奉周禋行辭承明廬餞傾朝寺賓
振策揚文旟揮竿激哀纂惠風散微暄海色照離尊
岷嶠詎云遠皇靈重敷陳揚旄感水若沈壁向江濱
禮洽德既普誠通福自純旋軫睨舊疆稅駕從所安
川嶽眺金馬鴻波汎玉輪勿為乘梓意逢此華浴春

發携在祔後庶以慰朝昏

春日玄明宮遊眺同何熊二子

曠懷馱塵軌結駟薊門東張讌憇真境霞綺浮菁葱
迴巒抱魄碗孤嶠森龍窠雲壇煥寶殿風鐸喧琳宮
金龕碧文書丹鼎蒼玉龍珠絡骨暉閣綉縠交疏窓
灑光照碧海紫氣騰瑤空我歌吹玉笙跨鳳遊蘭風
我歌采瓊芳逍遙縣圃松邈茲無修翰攬眺登靈空
東西望泰霍秀氣排美容樓居蔽霄漢冷然遐想通
安得步虛子歛儵趨鴻濛

送周式之令虞城

虞風遺縣邑茂宰此停驂落日夷門外青山宛洛中
鶴書行過汴馬首獨看嵩彭澤秫初種河陽花自紅
琴琴不出戶飛鳥獸翔空治豈三年久才非百里同
君行向河洛予病憶崆峒海內慚知己天涯嘆轉蓬
梁園詞賦地莫惜寄詩筒

贈汝國相葛公

藝館躋鴻賢群髦奉以趨終朝理毫素傳經探道腴
去為王者師馳驅燕趙塗揚旌濶漳水策馬過鄴都
陳思眇何之賓從跡已踈英明委綺翰菲茂悲躊躇
行行去京國京國去未迂王宮峻以深攝衣步行涂

周旋重保傅謹獻况乃摛文而積縞雪高堂雲氣舒
願試授簡才無後薦桃媛不觀江都傳惟羨廣川儒
永齋

夙齡奉明訓結駟造高堂迤邐趨天庭跼蹐遡江鄉
睽離溘已緬沈鬱竟靡章躡嶠睇雲蒸懋樹聆鳥鳴
聿來歲序流眇默執跼長昔羈繫輶軒遐矚眄梓桑
華纓雖攬結素襟彌涕傷孝思紆以繹倫矧揭乃明
德恒利攸往類錫符靈祥

移居城南庭幽室靚神愉目曠言憶同好寄示

茲詩

猥子獻甘泉待詔瞻明廷抱疴久棲跡漂泊嗟浮萍
城中富車馬馳沓如流星黃塵翳九衢白日亦昏冥
豈無羅綺華妖豔徒芳馨東鄰沸管絃淫蕩難為聽
倦茲非所懽歎惋衷靡寧公子雅敬客館我城南垆
伏檻窈窕入天草何青青簾櫳映嘉樹烏爵行中庭
明月入我牖薰風亦冷冷慢惟張几榻琴書羅素屏
北牕且復臥起步夕露零邈茲懷義皇寂寥門戶扃
願言招子雲對此草玄經

述別五章

白泉子為司馬郎中守道信節糾仇汰枉遊

覽圖藝涉遠嗜奧與余有交驩之密俄而出
刺閩越辭近即遠離群棄舊白泉子迺懷其
耿亮慨然請往臨祖執轡靡有踈局余感其
誼爰申贈章匪戀睽携意表成言而已尔

探毫理柔翰寄弄在金閨中道展良觀媿媿諧所期
揚珂踐清軌接軫出天逵感子赴時役忽復遠別離
晨駕發城夕稅遊海隅川路豈不迥搖搖傷我私

其二

我私結車勞薄送潞河干春華抽遠條文魚躍清川
覽此不復樂登高望九仙浮雲翳皦日前路眇迴遑

觀瞻雲中鴻矯翮何翩翩

其三

翩翩從此辭息駕三山都三山何詰屈海氣鬱以紆
桃李冒朱華曖曖羅廣除之子持郡章政簡民務舒
飛蓋引清觴賓從咸歡趨丹巒麗雲際嘉月流海隅
揮翰激清絃簿領日以祛休風被郡國榮名振天衢

其四

天衢峻以玄重關嚴虎熊羆雲霧朱陽鴟梟號中逵
志士憤國仇拊劍光陸離捐身赴閭闔安知狐與狸
氣槩摧太華志欲補天虧川迴山復迴垂阻空倭

飲此不忍言涕泗橫交頤

其五

交頤涕泗零今當遠行遊清時縱遐軌履坦懷前憂
夷險各有時行矣慎自修君子厲遠志烈士卑近謀
冥鴻奮高翔施翮徧九州鷦鷯息蓬蒿委翅濁水流
順時愛芳景努力策微猷德音幸不違庶以終好逑

挽胡毋

結髮侍君子中道嗟轍軻偕老有定名千載矢靡他
肅肅奉明德穆穆髮已皤仰視日月光俯事機與校
匡廬飛雲表滉漾彭蠡波鑿此耿耿懷孤操共嗟峨

庭除何絢爛玉樹振高柯辛苦四十載物色玄纁多
懿節付太史看紀栢舟歌匪直詒女刑永為四國咍

送劉先生提學山西

悲風起高林萬物含素秋垆壠曠無人孤禽自鳴號
鳴號求其匹我心何憐憐將子城之隅輶軒遵道周
玄冥抗丈旗白帝亦先驅汾曲冒寒華首陽表雲岫
天子播玄化周旋盡英流夫遠駛騏驎清廟縣琳球
蟋蟀謁朱絃緬懷陶唐憂不惜垂旒期但願寡好述
采采黃金與子締綢繆若亮秉淵素慰此心

於止亭

高齋植喬木鳥飛集其顛飛集自朝暮刷羽何翩翩
達人愛體物結亭當樹間芝栢連葑僚躡牖隔通闥
朝聞群鳥出夕見羣鳥還覽物嘆於止眄柯忽怡顏
主人秉國鈞肅肅大猷宣進止廟廊深退止亭亭
圖史紛矩矱俛仰儼聖賢息蔭成小隱開軒豁大觀
鳥啼感群動廣庇貽所安於焉供元化坐令
皇運旋豐培在茲木永為四國翰

心素詩為張黃門乃叔作

日昔捐五色懼為紛麗遷孔氏守其白汗涅常自鮮
穆穆齋心子宜契忽忘筌葆貞性自靈履坦道彌安

內方集卷三
華英以時舒雕繪非我妍玄白有故尚絢素適所先
皎皎詎云緇顯顯已無文寒月浸圓京春潭開紫煙
萬態含渾淪遐哉象帝前

讀書翰林覺日新之益喜而有作館課

猥余蓬廬士矯迹翰墨林追附金閨彥出入秘閣深
秘閣峻且玄文案儼前陳佔畢理毫素申章遡皇墳
匪為雕蟲藝姬孔邈與親雖慚璫璵姿所期追琢新
浩沔川流駛悵悵成混淪穆穆緝熙聖明德躋純玄
君子崇大雅清軌亮可尋失得在時命珪組如浮雲
願滿飲河腹永諧焚舟心

送陳藻軒尹仁和

濟瀆竟陵澤江漢交翕止在物稱楚材時賢盡
飛騰推付陳聲光動朝市少崖滯周南君茲寄百里
去滄浙江潮坐飲西湖水逢迎日馳騫薄牒復堪委
君才何冲融隨事得肯繁忠勤更不渝格物固其理
騁駟既歷塊康莊自茲始奮庸期勵翼勛華重業梓
余益摧頽引領望諸子

贈楊大行惟仁二首

結軫適并冀凜秋氣寥沉伏草鳴寒蛩潦清流焮發
念子趨王役絕塞阻華別太行何盤紆嚴霜冒旌節

浮雲自西來我私鬱忡懣

其二

忡懣復何言沈思日以修旋軫寧爾親舊鄉且淹留
出嬉東海涯入奉高堂羞臨睨固云樂靡監貽所憂
行矣勿媿戀未終君子仇

奉送雙泉先生自民部郎擢傳 襄邸

峩峩荆楚英傳經稱孝先出宰馳賢聲脫穎滄海壘
再奏王門績晉擢粉署員老成贊邦賦耿介超時賢
禁死日出入奉職何精虔

明王本懿親襄國

帝所憐眷茲弼亮臣妙簡宸衷淵朝紳惜鉅儒宗室
資維藩君行重感舊令德勤敷宣曉曳朱門裾暮登
醴酒筵抽毫賦雄風授簡歌梁園古來一國相所貴
刑政平請看董賈才清德垂遺編

書饒足之號梅峯卷

余從學士洞野君聞蒲有芙蓉金紫之勝歎
慕最久饒足之氏未京復為余談梅山與金
紫相迴互掩映其西有梅師之嶺其下有梅
灘梅湖夫梅木之堅貞者也是以君子比節
焉嘉境載念夙懷遂發聊作小詩付之為他

日浦遊話柄且與洞野訂盟也

嵯峽梅峯高乃在蒲山陽上有瑤華林先春播
歲蕤姑射姿鬱律羅浮香嘉味和鼎實孤標傲冰霜
古來稱仙葩託根况江湘東連芙蓉秀西攬金紫光
地迥植自竒鸞鵠時翱翔主人有幽尚結屋梅林傍
登岸望太清折盡思鴻荒余亦雲壑姿棲踈阻江鄉
擬泛陸溪棹沔鄂恣尚羊簪紱日以淹岩崖徒相望
芳樹恐銷歇歲寒那可忘寄訊碧山君為掃白石莊

翠軒安宅卷為崇德簿魏鳳作

伊人既縣解劍鳥闕榛荆封樹豈不崇鬱鬱
至杳開紫巒泉深流更清至今軒樹中積翠猶晶熒
揚哉胤子賢瞻依涕交橫平生丘壑思結構心怍慙
劫來墓門芝五色垂雲英無乃純誠通造物生光精
理因有昭格而况無德貞遂令江漢間赫赫揚休名
胤也卓犖才縮綬惟鳴琴勃哉樹嘉績庶以榮所生
至瑞不在物吾嗟望斯人

壽桂洲

中興逢廿載上相際耆年運洽貞元後時熙弼亮前
群仙趨洞府顯氣接台躔粵自長庚降于今甲子旋
高翔凌碧漢麗藻振茅荃瑣闥瞻依切封章獻替先

教揚歸典則沙汰幹機權整假汾陰節俄清塞徼烟
廟儀稽禘禘 郊祀辨壇墀翊黃淵裏契恢張

祖制傳清華詞苑貴啓沃講帷專彤管揮金馬黃麻
草木天 秩宗仍峻絕典禮更精虔聽履星辰上垂
紳日月邊倚毗諧眷顧端揆宅英賢紫殿師資迥青
宮保傳聯九重需雨露四海藉陶甄畫接咨詢密時
承賚予駢瓊恩開窈窕寶澤構迴遭蟠繡焚香看醴
章秉燭宣廷紳瞻赤舄中使捧瑤編道與臯夔合才
無願牧全坐籌無寇雲入告有顛連吐哺延時哲藏
行蓋衆憇元功歸上宰黑髮儼神仙桂擬靈椿秀洲

憐丹嶠圓金盤羞內膳玉醴酌芳鮮南極明河漢東
瀛變海田緘傳青鳥使囊授赤松篇從此歌平格千
齡奉 御筵 扈聖登元弼匡時起俊賢

送琴溪唐君出宰武寧

昔余貳成均寡薄藉匡翊典計何繁勞洞澈具清識
豈無敬與嘉一一多綴緝遂令掌記署巋然橋門蹟
自余忝東寮君亦宰岩客去此紳冕徒遠作簿領書
小國雖寡民六事固交責烹鮮有遺言所貴在安集
君才本牛刀剗裁謝紛結要使操縱宜庶幾撫字拙
茉蕪甌應塵單父絃可拭茲地瀕江山况復近彭澤

高賢迥莫攀風流未云滅請看廬山雲彷彿

正菴詩

達士秉淵尚雅德敦儀刑幽棲白雲里迹落世塵
端居有遺軌高標無俗情典墳日為侶矩矱時自程
委命謝鞅抱道躬耘耔幹蠱求世德燕翼垂家聲
龐公遠城府太丘表鄉鄰清風激鄙懦遐舉入幽冥
遙悲冢木拱徒誦泉齋銘

考牧詩贈洪洋館長

廣塗結層冰積霰被行輶抗旌發京邑餘御遵道周
僕正本近僚吳都亦名州淮甸啓沙苑龍駒產江陬

羨子伯樂才無藉方舉求兩服稱上襄七緇供大蒐
講馭及玄冬臧徒乘素秋胡騎頓陸梁邊烽連燕幽
徵兵出良家考牧盡名駒騶裏自超軼疆圉生貍貅
侍從雖云遠勲業終能收憶昔伯冏命乃事八駿游
所嗟轍跡遙徒為僕御謀
天王本淵塞懋德勤交修

玉峯

玉峰鬱岩峩竦峙在南州素光照林麓顏色浮巖陬
縞霞綠岫出雪練抱溪流陰陰璇洞敞粼粼瑤華綽
根托藍田壁德庇荆山璆連城未為價作佩良足儔

願言慎雕琢永保充琳球

題扇面

雪落楓林暮江寒釣艇孤破籬印歸虎斷葦集飛鳥
雲濕群峯暗天遙一水逋垂綸自停漿傍岸欲穿蒲
暝色沉煙浦寒水生凍鬚歌當暮山白坐對野梅枯
江上柴山近歸來携錦鱸

贈南司成白山倫公

英賢樹鴻業肇跡滇海濱夙齡冠時彥擢秀翰墨林
翩翾鳳姿美蚴蟉龍性馴端操中架獲汎覽徹丘墳
棲息承明署載崇賢門細旃何宥密皇猷重敷陳

眇余忝世誼躡履奉清塵石渠應奎章金匱煥堯文
珥筆抽瑤編聯珂復接茵流芬藉蘭蕙垂光枉瓊瑛
肅舫忽南邁秉鐸歸成均金陵鬱岩岩壁水浩粼粼
教行善逾長師嚴道彌尊胄子仰后夔群儒宗陽城
沕穆菁莪風披拂豐鎬京予亦攝膠庠抗顏寡儀刑
臨雍邈高軌鳴鐘思洪音詎傷踪跡睽所冀模範鈞
嘉惠倘不渝庶恻心恻恻

登峴亭為江公新構

滌游理輕艦遵渚睇崇巘飛蓋陟新亭妍暉展嘉翫
緬懷叔子賢豐碑杳難辨人代詎可期感此發浩歎

勝跡復登臨茲言豁幽觀臺使敦遺風榛蕪敞輪奐
桂棟開華軒芝榜揭清翰古今垂英標山川藉遐眷
明發乘流瀾煙林一迴眄

題江公再新習家池亭 原無題有小序

習家池故有亭堂江公為書天鏡冰壺揭之
亭楣而名其堂曰澄暉復即北麓建八面亭
後為屋三楹將祀習鑿齒杜子美余請先祀
習郁杜審言配以二公因僭名亭曰芳漪祠
曰懷詰并紀以詩

天鏡疏鴻漾冰壺澈露霽勝麗懷往踪激渟鑿方沼
冠蓋紛過從岩麓頻汎掃曠哉襄陽公日醉習池道
流風今在茲千載垂遺藻鄙余未崇賢因君事茲討
高轂聊追攀清觴共傾倒水風何粼粼雲日亦皛皛
堂闢澄暉勝亭構芳漪宵休軌紹前修潤澤遍豐草
余質慙衰遲君才羨夭矯撫景各躊躇為別成浩漉
臨眺酌清冷申誼寫襟抱

原倡附

祇命向南瀆離群感西河英僚篤久要同聲鳴相和
廣筵開秩秩飛爵引僣僣披雲敷別藻揆日促濳珂
晨裝搖朔易夕駕極岷嶓還轍陟駿原擊汰凌鴻波

流瀾玉輪泥杳靄青城阿丹誠薦蘊藻玄韻諧松蘿
臨睨自為美契闊誰云過遊鱗樂靜渚迅翼懷安
興彼緬焉情陳此勞者歌

贈史秀才

將府時嬉綵儒宮早曳裾藍田生寶玉秋水出芙蓉
年視終軍妙才凌子建疎謝庭多玉樹鄴架富詩書
字問玄臺切經橫絳帳初懷謙保貞素執約抱冲虛
勵志雲霄迥藏珍江漢餘窺園古所戒長為惜居諸

鶴僊謠為杜母太夫人壽

吾聞藐姑射縹緲栖靈仙吸風飲玉露披服毛羽鮮
綽約若處子膚理何嬋娟憑虛控白鶴飄颻徹雲天
海嶽三萬里欵倏恣迴旋脩然駐羽駕忽踵中峯巔
喬松蔭丹嶠華月凌紫煙象帝本無語混沌詎知年
顧見下令威縞衣振翩躚高翻刷瑤圃圓喙喙芝田
三鳥非所羨雙鸞何足憐惟為羽族長結彼雲水緣
麻姑問真訣金母寄真詮幾遇蟠桃宴頻驚滄海乾
造化誠小兒天地相延綿

奉題 唐承休王復齋

隆陰晦氛濁微陽啓嘉明玄竅躍群環朱芡萌弱莖
織春媚融景積晦開飛靈標迴玉律轉氣布葭管鳴

冉冉歲潛改欣欣物將榮周旋剝復理緬邈天地情
生人均受氣戕斧時交嬰真機儵以喪大道豈不平
聖愚各操舍隱微分濁清夜旦絲異趨寒暑恒冥成
明王何疊疊洞測玄理精出誦庖犧義入與姬孔程
沈真懷省約冲虛勞奉盈陳思富柔翰河間垂烈聲
葯房列湘秩芝榜揚鴻名曲沼徼清證重階耀華英
伊予來京闕迴遭眇孤征謬忝大禮使適值初陽生
弭節踐朱邸授簡登前楹梁園有雪積楚岫無雲橫
陳辭跪敷衽佇望空屏營

秋日趙信臣宴集限體賦夏菊分得山字時葛

子中黃才伯倫彦周廖鳴吾同作

英朋展良觀高譙及餘閒飛除沐涼景崇軒納遠山
傾觴薦寒華灼灼雙金環昔散朱陽艷今滋夕露園
攬葉揚清芬餐英駐頽頽物改歲云晏愛此流景閒
送李嵩渚還都

皎皎謫仙子爛熳富珠璣佩符沔水干五馬雲錦輝
鳴琴舞孤鶴衙散久吏稀搖筆和白雪擊漿酣清暉
灼灼樹桃李澤國生芳菲劫來奏承明夜燕露未晞
日邊彩鳳鳴雲際山鳧飛驅車下燕臺閃閃雙朱旂
淮陽諒匪薄潁川仍借歸枳蠶寧久棲會言啓黃麻

緬予龍門客卧病靡所依悵然夢鄉國所願與心違
忽聞夫子去霧雨生春威

乞菊一首

秋菊有佳色敷榮航齋前群葩逞芬郁諸品羅芳妍
主人日暮來撥餐英駐顏顏時維秋序中露淨霜月圓
東籬委疎萼南山迷曙烟

春日曲

春日耀晴景明晦如轉園朝出扶桑海暮入崦嵫
朝暮有常期即去何時還

病懷十八韻

獨抱文園渴誰傳寶笈書避喧宜謝客習靜愛深居
伏枕昏鐘寂開帷朗月虛墻花入疏牖風葉蓋修除
留滯驚秋改幽棲與物踈空縣沙苑馬不曳鳳池裾
愁劇憎詩廢閒多覺氣舒腰羸頰促帶髮短豈勝梳
鍊火思丹鼎齋心折野蔬存神常閉户行樂獨緣渠
菊蕊連霜掇松枝入洞鋤金莖空悵望玉液定何如
未信臺駘崇聊憑盧扁祛門臨高士駕夢繞省郎廬
敢謂心非石真成質似樗燕臺懸駿馬沔水憶嘉魚
綵服嬉春宴蘭橈泛早渠加餐能努力此外復何餘

過洞庭

冲融通瀚海，嘘噓蕩乾坤。吳楚浮還圻，瀟湘萃欲吞。
風翻青草渚，霧隱白沙村。鷗馴雲天闊，龍矯日月昏。
三江終到海，千里亘亡門。鮫室深吹沫，芳洲淺露痕。
晚霞檣鷺沒，春漲野濤渾。汗元多恠歸，虛詎有源。
孤萍感鄉國，一葦涉油汙。東海初浮蜃，南溟欲化鷗。
鵬來悲賈誼，龍去望軒轅。汨水靈均節，蒼梧妃子魂。
橘林垂晚實，蘭畹托孤根。澧浦芙蓉遠，君山砥柱尊。
川邊求傳說，槎上泛張騫。戒懼中流省，虛冲利涉空。
空慙賦江海，更欲訪崑崙。

七星崗在桂林

一爲睇仙嶠，嵐蕩浮菁葱。地軸抱魄魄，斗杓森龍從。
只測湘離水，纏連蒼梧峯。峭壁鬱歲蕤，歌逕臨崆峒。
珠樓架河漢，玉檻圍豐隆。觀泉訝金徽，窺洞疑璇宮。
捫蘿客迷返，緣雲路潛通。鹿卧芝壇月，鶴歸松徑風。
履高視迺危，步虛思彌冲。邈矣拱極心，懷扎浮槎翁。
洞中日月華，千載還瞳矇。

詠西陂白鷺

步緩沙疑篆，翎踈雪作衣。霜谿荷萼矮，秋潦鮒魚肥。
獨宿時驚伺，低窺忽漫飛。纖纖入雲小，振振隔江微。

淺瀨衝波立寒葭
冒雨歸過湖波共
眇別渚月同輝
驚棹棲江柳衝魚
上石磯白鷗雲水
闊獨鶴海天歸
南浦新梁穩西雛
舊事非金丸悲折
翼一飽觸之欲
雲樵先生分教於
鄧爰贈茲篇意匪
述別亦宜

相惜耳

揚舲發漢浦弭節
在斯谷將子赴城
隅改馬遵水曲
澤蕙冒繁葳岸篠
抽衆綠闕闕夏禽
嘯咽咽涼蟬續
朱陽節未變圓景
光已復迢迢宛洛
遊子行一何速
陰陰廣殿深藹藹
青衿肅朱絃激雅
瑟鳴球振清玉
庭柯散桃李園葵
雜雜首宿時當春
服成童冠相與逐

晨哦崆峒雲夕踐
蒿少麓舒嘯驚鳳
鳴吐辭憶蘭蕙
聊用豁襟抱寧知
厭梁肉誰能載酒
過醉即騎馬出
不作滄海鱗徒抱
荆山璞我心良弗
違爾音或見

哭劉毅齋因次為韻語不加點綴庶幾情實

嗟公及先子舊為
同升客意氣本投
合聯曹復接
出入相提携傾倒
見肝膈暨公攝符
臺先子臥林澤
余時忝翰苑往往
承款接自余失所
怙繫纜石頭側
公為留都卿出吊
淚沾臆別來今幾
年音塵頓乖絕
方聽巖廊履遽返
尊鱸國昨者季子
來惠我書盈尺
猥余匪后夔教胄
固其耽詎意歛儵
聞儼然在衰絰

公也何所之回首異今昔世誼豈不重使我心慘惻
緘詩當東芻且與遺孤別

送陳君自太學出宰德興

昔君師黌宮遷轉來璧水峩峩集英寮詵詵趨國子
弦誦隆至仕經傳析玄理事變頗不常出宰向百里
諸生失所歸君亦艱飄徙揚舲潞河干節鄱湖洑
簿牒自此繁民務重張弛官師雖異凋謂教本同軌
勿云編氓愚聰明出庶士歲寒山岩岩樂安江瀾瀾
君其慎所之青毡時復視

七言絕句

題丁大尹莧菜

莧菜新齊承露團野人采擷慰朝餐能添繞席
色好貯高門白玉盤

東澣五首

卜居東澣園林肥水繞雲環石更奇為愛松篁多晚
翠詎隨金谷醉蛾眉

其二

芳樹雕欄曲徑斜碧雲深處度年華春來麋鶴渾無
事白日閑庭卧落花

其三

曲臺小院饒花竹
邃宇重軒列畫圖
東澣別來春寂寂
寤主人非是戀金魚

其四

望益軒前菊半黃
挹清亭外碧蓮香
主人解與花為友
晚節清姿一樣芳

其五

雲鎖松門石徑深
偶因明月動鄉心
漢儲未決商岩策
閒却春山十里陰

送張君賢典計 壽邸三首

夢野堦前慶歲華
平生詩禮是傳家
衣冠喜駐鄉人節
鄉土欣連漣水涯

其二

壽邸輝煌接玉京
懿親為善勝東平
先生此去人應羨
紫殿金門曳履行

其三

董生曾作江都相
賈誼長沙國更貧
夜半豈無宣室問
漢庭還儼策天人

奉和張洪洋通政上元宴岱屏第四首

月館星橋春爛熳
仙才麗景晚招携
歌鐘十里喧侯

第燈火千門照御堤

其二

帝子樓臺春事饒
星毬火樹映青霄
香分玳瑁芳樽
倒花滿鬢能翠袖飄

其三

上樽新賜鬱金壘
仙管遙鳴弄玉臺
泚景偶逢惟不
夜綺羅結隊畫圖開

其四

鰲燈鳳炬夜連輝
畫棟雕梁看啓扉
金竿已留仙
玉盤仍出內家稀

榮光圖四首

羅浮爛熳一枝春
華月祥煙意象新
影落天邊朱鳳
翮光連海上赤虬鱗

其二

閉色含香春滿林
雪花霜葉未應侵
丹心一點無人
識千里月明湘水深

其三

姑射仙人醉紫霞
瑤池阿母種桃花
長安春信年年
寄不是孤山處士家

其四

讀易樓邊清影孤
小窓滴露更研硃
何如月裡花飛
錦點破先天太極圖

送友原無題

故人遙別楚江頭
春水滔滔夢渚流
明日片帆何處宿
宿鳥聲空滿綠楊洲

贈後峰陳子

雲夢微茫草樹平
岡巒曲抱漢江城
主人門巷開寥廓
時有煙霞向日生

其二

江靜峰橫戶牖新
牙籤錦軸鎮相親
山中應有蛟龍窟

窟雷雨先驚二月春

錢生卒業北雍復
改南余既與之進
惜其別而

貽之詩重知遇耳

昔年騎馬樅陽郡
潛岳皖峰羅翠屏
爾去名山空悵望
奇雲秀氣拂青冥

其二

爾家桐國推名閥
年少賢闈見爾才
鼓篋兩都知有得
朱絃清廟正徘徊

送吳中胡應元入南雍

蘇湖聞道古多才
對爾能令青眼開
觀國獨從霄漢

去凌雲獻賦幾時來

其二

十二瓊樓天漢濱紫雲紅日擁仙人若君不是乘槎
客萬里何緣得問津

其三

金陵壁水舊賢闕鼓篋談經羨爾還冠珮三千盈六
館回琴點瑟得追攀

其四

吾道江河萬古流真源湏向此心求盧前王後俱沈
溺好向中流自在舟

送楊西濱入鄒

二十年前鄒魯地相思今復送君行海風舊是昌平
邑聖道遙瞻曲阜城

其二

青袍紫綬佐琴堂况復遙臨亞聖鄉湏向泰山瞻氣
象更將遺俗化虞唐

其三

洙泗河濱考牧勤驪黃牝牡錦成群塞淵應賞清朝
政蕃息真收絕漢勳

送陳一自越歸楚

故人北來京國秋黃花白酒重淹留醉中猶憶舊游
處鵠嶺龜峰鸚鵡洲

其二

燕京冰雪十大強遊子南歸關路長却從吳越探奇
蹤載煙花入故鄉

約吳鵠塘遊迎恩寺四首

長愛朝英多野興年季出郭醉春光何時載酒同山
寺纖月奇花滿畫廊

其二

有約尋春春已深物華時序總驚心金鞵遙指

路十里春臺祇樹林

其三

二月經過花信稀高眠長日對春暉東林只在城南
地與爾同尋勝事歸

其四

潛玄不見樓中客空負迎恩寺裡春奇卉名花今正
發品題應憶采芳人

別徐尚敬二絕句容縣司訓

徐公持鐸下朝端三峽山高俯碧湍縣僻莫嗔羶座
冷鄭虔曾是廣文官

其二

若家漢上本清貧三十年來始發身會見山城盡絃
誦巴渝風動杏花春

別王天錫往教密縣

相逢京國愧傳經將子春風滿驛亭細柳無勞繫旌
旄中原髦俊望儀刑

其二

密縣遙當河洛勝王生舊是漢江才登臨時復嵩山
頂咏月吟風爾獨裁

武穆王祠在巴陵

武穆祠前湖水深松杉岸上護春陰潺湲遙自
去流盡中原父老心

聽鶯曲

江上遊人自怯春岸容山色晚來新桃花半逐東風
落葉底黃鸝似喚人

清明偶書

江上逢春為客久雙眸纔向雨中開忽驚楊柳柔條
綠知是清明節又催

贈僧月岳

荏苒招提四十載飛揚掛錫為生涯苦行不離殼漏

子憑君且謝優曇華

城上秋興

城堞層煙秋日沉空江魚鳥漫同心
翻嫌楚客悲蕭瑟冷益寒香晚翠深

遊玄妙觀

閒携權友上春城忽到瑤壇聽玉笙
門外綠羅人跡少一林斜日正啼鶯

扇面一首

盧花楓葉半巖秋雨歇風微江自流
鴻鴈一聲人寂寞滿天涼月在孤舟

擬宮詞二十首

椒風前殿夜還開花映簾櫳月映苔
忍聽傳聞過抽身走入暗中來

其二

不分金河白藕花自慚憔悴舊容華
夜深女伴攤錢罷閒看流螢度碧紗

其三

御街羅襪不生塵宮草宮花刺眼新
謾說三千多寵幸就中誰是取憐人

其四

曉向君王賜賞還長街一字佩珊珊白頭宮監呼名
姓換入迎春第幾班

其五

君王勤政日宵興私語憂勞恐不勝恩詔選隨供奉
數殿頭儀注未全能

其六

不眠常問夜如何殿角風鈴響漸多記得一聲河滿
子低佞燈下學人歌

其七

誰說靈犀一點通分明僊島隔塵踪君王詔幸倚

殿一派笙歌出九重

其八

娥眉掃罷去朝天正值官家例散鮮見說羊車隨
到不教中使口宣傳

其九

風咽銅龍漏點頻君王終日罷遊巡自從少小通
閨籍寂寞長門春復春

其十

春回宮柳綠依依不省天顏只尺違夜夜花前斜
立月明閒數塞鴻飛

十一

御爐香篆裊後視綉戶瓊窓夢不迷長樂鍾殘金
冷達童簾捲玉繩低

十二

服事君王不計年含羞常在御屏前內家最重穿針
會此夕爭誇得巧先

十三

獨倚宮門待月時呆思風動漏聲遲嫦娥多少傷心
事說向人間恐未知

十四

淡粧宮樣對菱花雙臂斜封舊絳紗昨夕御前新賜
幸敢將恩寵向人誇

十五

新秋涼露濕華清自譜霓裳坐月明驚起夜烏棲不
定一聲啼亂第三聲

十六

傳放晨衙逐隊回相將同看牡丹來內園自是春先
到嫩綠枝頭爛熳開

十七

羅衫重疊淚痕乾夢入巫山一霎難寄語御前諸畫

史君王曾要繪圖看

十八

笑對粧臺袖拂塵宮扉長掩復誰親閒來學卜金錢
事細把榮枯問鬼神

十九

飛燕雙雙語盡樓強隨宮伴戲藏鈎君王何處醉坐
管不解宮中有許愁

二十

宮中行樂未云央不在昭陽在上陽多少才人新
選一時回首望恩光

秋日再擬宮詞十首

長秋宮掩夜蟲號寶篆香銷月色高睡醒自嗟還
嘆相如詞賦亦徒勞

其二

夕殿陰深暑氣微隔窓螢火弄輝輝機中織就山
樣欲獻君王補袞衣

其三

曲院迴廊月上初風吹桐葉響階除宮中掌使傳宣
急淡掃娥眉上鳳輿

其四

萬戶千門秋氣殷
龍輿消息斷
知聞漏聲偏到粧臺
畔坐對殘燈欲夜分

其五

三三兩兩不知愁
結束羅裙學打毬
傍晚忽聞天樂
近分明只在殿東頭

其六

黃金閣子白銀盆
浴罷那勝珠翠繁
明日御前輪入
侍相邀同伴一温存

其七

宮街飛鞚走黃門
傳說君王在杏園
自有一般人

宴後無語又黃昏

其八

瞳眈曉日上金鋪
獵獵秋風戰井梧
賜得金錢無用
處閒從女伴聞樗蒲

其九

玉階曉雨濺窓櫺
怯冷移身向畫屏
盡日捲簾無一
事閒教鸚鵡誦心經

其十

官家檢選六宮人
分賜金釵一樣新
昨夜貪涼眠未
覺乍驚宣喚只疑真

晚渡玉河橋四首

禁衢月落曙烟開
橋上喧闐車馬來
萬戶歌鍾連鎖
閣五雲宮闕護蓬萊

其二

紅葉綠藕玉河秋
兩岸朱門列五侯
朝來飲馬橋邊
過寶絡珠纓照碧流

其三

霜駟朝渡赤欄橋
柳葉荷盤露未消
九陌鍾聲出長
樂君王應散紫宸朝

其四

百尺飛梁烟霧生
雕闌玉竇綺羅行
御溝月露空初
興駐馬垂鞭聽水聲

杏林曲贈趙子玉

萬樹春風文杏開
谿山十里錦成堆
道人書引神仙
虎爛漫花中采藥回

其二

種杏從遮仄逕斜
竹筇芒屨蹋飛花
林中亦有金光
草掩映春生五色霞

和歐梅贈酬之什為趙子玉

意氣歐梅本自儻
龍圖翰苑接天香
不新何傳嘉

興酒筵基梓憶小齋

其二

白頭人去冷芳叢猶記清尊共晚風勝事千年空麗
藻却念長望兩仙翁

馬當

一片秋帆萬里航小孤東下接彭郎九江十月濤如
雪更說前山是馬當





七言律詩

車駕發京師奉

聖母率后妃以行是日天宇澄霽群情豫悅

聖主春遊朝帝寢翠華曉發奉慈闈珠星璧月

開黃道鳳輦龍車出紫微鷓鴣三千隨鎧仗貔貅十

萬擁旌旗晴曛共喜纖埃淨王氣遙瞻列岫輝

沙河候駕時以

聖母在道

上御龍威冠披金鎧以導

瑤池幢節引青鸞八駿先驅紫氣盤金甲含風明繡



卷之二
卷四
袞赤龍浮日動華冠百寮鵠立行宮散萬騎雲屯御
道寬 帝子空中扶輦下澗花巖艸總承歡

行殿早朝

別殿遙開三月春翠微深處覲 楓宸 陵園初

奎輿駐雲谷遙瞻象魏陳扇影隨分 鳥雀爐烟細
引傍松筠遊歌自幸遭逢地獻納空齋扈從臣

諸陵陪祀

駿業鴻圖仰七宗碧山金殿闕遺弓十年雨露 白
心切萬壑松楸御氣通香引楮黃遙肅穆筵開牲醴
總豐融小臣對越聞工祝龍馭雲駟陟降同

天壽山恭和

聖制四首

九重雨露暢初腸 帝謁 陵園羽衛張翠輦表行

慈極慰玄宮雲鎖 初靈康山還龍虎連層漢泉落

瓊璣接大洋致孝已看齊舜德陳常應擬徧周疆

其二

聖藻傳來竭肺腸况逢 園廟緝儀張須知帝孝隆

裡祀豈為宸遊事樂康列寢正當天北極群峰直瞰
海東洋瑤圖寶宅雄膏漢赤縣神州盡圍疆

其三

肅奉明禋竭寸腸祥烟瑞日景開張
祖宗七葉垂功德民物千春戴阜康
殿上袞衣瞻穆穆靈駕見洋洋
况逢姪姒邊陪地聖孝皇仁動漢疆

丹巒翠嶂轉羊腸法駕遙臨綿繡張
帳殿香分天表近松楸禮洽
聖心康闕排虎豹環燕闕地壓旃裘
鎮海洋豈但渥恩周畎畝更將神武鎮邊疆

贈雍生

尋幽徧訪乾坤勝乘興還為京闕遊
山水平生總奇好風光隨處即滄洲
短袍高幘天涯客紫鯁青蓴江上秋
惟羨張騫到河漢煙書雲篆滿仙舟

送見晚先生還閩中

落魄平生鄭廣文春風仙袂日邊分
萬山閩越驚為別千里鶯花愁送君
天上鳳毛堪瑞世秋來驥足定超群
那知獨有莢衣客望盡壺関日暮雲

送謝簿赴儀真

風流遠佐王畿宰佳麗遙傳此地靈
萬古江淮歸枕臂百年宣第有儀刑
鳴騶頻過瓊花觀綰綬行辭玉樹庭
擬向池塘夢春艸還期如練賦江亭

梅庄

主人別業羅浮下一樹琪花隔檻垂
墜雪飄霜它自得澹烟寒月鎮相宜
尋香歲歲憐春早索咲朝朝出戶遲
不見逋仙花已落空餘鼎實付孫枝

送杜先生判九江

少陵詩賦動長安南都旆楚徵寒地
擁帆檣迷曉日山連城郭倒晴瀾
江湖玉馬陪旌鉞霄漢雙雛憶鳳鸞
豈謂思征戰地到時民物藉餘歡

侍 車駕臨雍有述

春日鸞輿駐辟廱百年禮樂慶遭逢
表冠謁帝先三老警蹕行天扈六龍
宮廟移時瞻色咲講筵開處列

笙鏞即着豐鎬歌思服不數禰門萬姓從

壽劉母奉次石齋相公

金母崑崙依日月仙郎閭闔振風霜
白雲歌動瑤池曲青鳥書傳帝子鄉
千歲蟠桃開碧海九霄寶婺映華堂
遙知停節稱觴地仙籙還携漢殿香

送劉司訓之嘉定

楚鄉舊重滋蘭客吳會今憐秉鐸遊
此去山川逢勝地且將風物慰窮愁
青氈坐對吳門月春服行歌海畔洲
劉向何時歸漢署館娃宮外一登樓

送新都繆司訓

熙伯南開講道筵獨憐萬里擁青氈錦江曲抱龍門
險赤岸遙連石鏡懸攬滌舊傳騷客賦揮毫新試浣
花箋儒宮况近楊雄宅衿佩何人問草玄

送陸經府入閩舉之役兄也

二陸舊傳南國僑九仙今藉士衡才閩闕山色烟中
出蛮海潮聲島上來白日幕堂人吏靜青春江閣畫
圖開荔枝軒外無人跡三月桃花滿釣臺

黃才伯席上贈余崇一使蜀

琅函遙捧漢宮仙萬里揚旌棧閣前錦水烟光開
嶂米門花影落春筵蚕鳧城外時臨眺丞相祠前

泊船南海明朝停節地可無人問子雲玄

贈何子

何子翩翩閩內賢腰橫寶劍拂秋蓮仲宣歌賦人堪
誦平叔風流自可憐病起揮毫留寺閣酒酣擊筑指
秦川青雲共躡丹梯去白日生翰泰華前

早秋即事閣試

木落天高亭榭哀秋聲何處逐人來鵲知巧夕應先
避菊待清霜尚未開涼雨乍疑侵枕簟飛花故欲點
莓苔星流河淨京華暮玉露金莖憶上台

送羅典史往汶縣

遊雲萬丈秦關匹馬行
嘶芳草斑漢水東流浮綠
鴨蜀山西去擁青髮色當併地逢迎
少鶴舞高齋簿領閒何處行
春愛清景隴頭駐馬聽潺湲

十六夜興隆寺黃倫二子席上翫月限韻

楚客愁添一葉先
秋深賓館嘆時遷
藤蘿月上聊停
鳥殿閣風來正倚肩
圓景淨流仙闕桂靈光遙動梵
宮蓮星稀露白憐
今夕何處霓裳舞麗娟

秋穫喜晴閣試

刈稻秋原雨滿溪
餉農稚子聽村鷄
千家禾黍封珠
實萬壑風烟落絳霓
已辦鉉鎌隨返照
更看雲水弄

餘畦開筵漫爾依埃
國竹相

送陳生還長沙

萬里長沙鼓柁時
洞庭波浪晚參差
冷冷斑竹
廟宛宛垂楊賈傳祠
衡岳晴峰瞻秀色
燕臺春雨憶
龍池不須投賦傷
遲暮終擬題橋慰別離

奉次晚節園韻上九峯公

衙散人稀獨破顏
環堂松檜似秋山
千章紫翠雲
上一代風流省署間
隔水笙簧時瑟瑟
擎霜鱗甲故
斑斑知公經國多休沐
常向秋陰拄杖還

其二

五鬣曾移澗底松別來池館翠烟封台垣更聽趨朝
履靈囿還扶去日筇徑小晝凝春霰密亭虛晴護午
陰濃干霄實訝青牛氣巢雪慙希白鶴蹤

寄贈補之侍御病還為母

鵬搏擊元非志虎豹森陰獨上書綵袖遙牽菜子
笈文園今駐長卿車山中繡豸看迴馭席上仙桃
倚問慷慨終期酬

聖主留連莫擬賦閒居

早春朝天宮習儀

縹緲蓬萊接絳霄千宮虎拜肅清朝花宮淑景

動緝殿春曛彩仗遙角鼓沉沉鳴絳幘爐烟細細列

金貂三陽幸逐祥真長萬國均躡玉燭調

元日試筆

王正重紀開璇運淑景初移試彩旛萬戶歌鍾都邑
盛五更鼓角壯心懸漢廷獻賦還經歲楚障看雲又
隔年華髮愁添書劍外斑衣欲舞漢江前

和費鍾石元旦早朝

廿季王正逢昌運更向元辰拜
袞袍廷炬遙連珠斗麗爐烟直繞翠雲高萬方玉帛
來同軌一代冠裳引列曹侍從衰遲慚獻納願分春

色遍倪旌

其二

元會初臨萬國朝
律迴太簇斗迴杓
箭韶徐奏黃金殿
環珮齊鳴白玉橋
香霧曉浮千仗合
條風春轉九旗飄
滿頭珥筆年華換
歲歲嵩呼肅近僚

春日賜燕午門值雪用鍾石韻志喜

朔雪趨朝曙色微
詞臣侍宴盡緋衣
班聯玉笋來東觀
坐擁瑤階傍左扉
影落鳳凰迷綵仗
光搖鸚鵡閃朱旂
共懽三白占豐歲
滿袖瑤華未敢揮

其二

新春賜食鳳樓前
集霰飛靈拂曙天
授簡定應傳麗藻
閉門無復訝高眠
層城縹緲開琪樹
甲觀玲瓏入綺錢
共捧瑤觴沾潤澤
須知

聖主重祈年

大明門觀 駕

聖主南巡王氣浮
歸來含笑脫金鑿
六飛凱奏歌江漢
萬姓懽騰拜袞旒
香霧氤氳龍鳳輦
晴照閔闈上
龍旂韜戈戢矢遵
王路端冕垂衣仰聖猷

人日

去年人日風塵裡
今歲今朝正憶歸
忽漫天涯驚節

候邇來鄉國斷音徽
馮驩彈缺羈懷惡
季子無金春
事遠京縣棲遲空閉戶
獨看花鳥弄晴暉

奉和桂翁新賜內直廬韻二首

西內新移上宰廬
深嚴特許傍宸居
寶香浮篆遙依榻
蓮炬含輝靜迓除
月戶每瞻珠斗氣
雲旒頻檢碧文書
傳宣時復勞中使
前席歸來五夜餘

其二

禁中清切殿東廬
禮重師臣詔賜居
臺迥星河回碧牖
簾深雲月傍脩除
紫清長

奉瑤壇禮鴻寶
親裁赤簡書
好向萬間歌大庇
聖恩迥出玉堂餘

介翁席上喜雪用行香韻

禱雪壇開禁籞西
赤符親捧玉宸題
瑤華向曉知呈瑞
縞帶迎風慰望霓
共羨精虔能仰格
却憐惇獨未含凄
瓊觴珠箔同欣賞
簷外梅花影欲迷

奉和喜雪一首答蒲翁

郢歌梁賦總稱能
吟對高臺積雪凝
色借玉霄雙闕近
光搖銀漢亂峰層
門遊汗漫應同醉
閣倚空明詎

次滕暮捲疎簾懽不夜滿庭晴月勝華燈

鏡光閣眺雪有作

玄冬將杪時既昏白日黯淡霾風溫祈年禱雪
宸衷煩靈壇閔殿祠四垣寒飈入夜陰雲屯滕
晚恣續緒况復獻歲逢上元九衢車馬相呼喧鑿坡
有客長鬢掀聯裾並出銅龍門招提幽靚停華軒層
臺後迳積璐琨湖光島色互吐吞颺花颺絮如煙村
憑虛展眺遙無痕東瞰瀛海西崑崙貂裘不脫傾芳
尊金瓶綵勝連春幡主賓各醉鳴篴塢四座高詠才
翩翩揮毫授簡嗟兔園人生跼蹐虱處禪臨觴不樂
空騰奔蘭蓀搖落懷湘沅蹉跎未報

明主恩英朋麗景聊攀援浮沉儻忽寧尺論

再和二首

六出花飛剪綴能濛濛虛白望全凝雲連粉野
界月映瑤宮十二層姑射僊人思渡海盤陀梵宇記
遊滕滕縣志雪山盤陀石即飄蕭滿地還堪賞元夕
光涵內苑燈

其二

須知造化有全能獻歲欣逢瑞雪凝籬花
陣綺疏梅發影層層散鹽擬就池中結剪水疑從海

上滕說文水超涌也授簡獨慚梁苑客陽春欲和幾排燈

秋日舟泛

呼朋理檝泛晴洲草露林霜九月秋座繞華裾饒騰
事尊開叢蘓重夷猶十年故國萊衣夢四海蒼生
食謀敢謂江湖馳魏闕可堪寒鴈送邊愁

扈送

敬皇后梓宮用王前峰沙河行宮韻

鳳飛應逐鼎湖龍素仗靈輿出上宮四海久隆
慈壽養

三朝均戴

毋儀功霓旌黯澹瑤池月玉珮淒涼奈

浦風到處攀號隨執拂秦陵松栢暮煙中

入山望壽宮用前峰韻

曲嶺迴峰積翠開

壽宮樓殿倚崔嵬林懸日月浮金榜山擁雲霞控玉
臺鳳穴正當璿極下龍光遙度碧霄來萬年願効岡
陵祝八葉長承鬱鬱杯

其九山司空席上奉贈

五泉中丞出撫三晉用郊壇聯句韻

陽回黍谷曉風溫仗鉞遙臨紫塞門勛濟兩朝重睹
范才兼三畧更逢孫指揮定著張皇績保障應酬簡
注恩為報降王出河隴萬年中夏勢長尊

其二

節槩方嚴器度溫坐憑熊軾到轅門登壇共擬無雙
士推轂親承有道孫制馭重關昭

聖武保釐全晉戴

皇恩凱旋更迓中朝旆高會還傾北海尊

謝子宅燕集贈席上諸彥

華燈獨照矍逾席新釀頻流鸚鵡觴月露綺筵催暮
景歌鍾紫陌闌春光黃金漫說燕臺事白虎空傳
殿香喜遇洞庭湖上客翛然清興滿瀟湘

張氏挽詩

白眼舊耽南國勝黃金更洗北門憂人間已謝赤松
子槎上遙乘博望侯故館猶餘淮海月野棠空席漢
宮秋衣冠蚤見酬高義蘭玉還看有仲謀

送程子赴昌邑

夷歌蠻鼓迓芳洲野市江關帶碧流客過時多駐
檝王師去後不禁秋晴波鷗鷺翔官舸花浦雲山隱
戍樓畫戟瑠玕到沙岬寒潭無復毒龍遊

溝西書屋

壽溪水清春草芳公子臨水開茅堂青山隨影入蘿
幌黃花送香來玉觴鸚鵡鷓鴣狎几席蕪葭蒲葦浮

衣裳雪朝月夕自成興剖鮮折藕歌滄浪

送劉梅溪

南溪縣前岩壑深愛汝秉鐸諧夙心城連斷壁挂歌
樹門繞亂筠栖野禽高閣鳴絃晝寤寂萬山騎馬春
陰陰知君吏隱富幽賞日落歸來雲滿襟

東村晚眺卷

背郭孤村暮不囂野人臨眺髮條條陰崖雨露林塘
潤絕壁雲移海岱遙千里平蕪歸鳥雀萬山落日散
漁樵上池已煉丹砂竈緱嶺應瞻碧玉簫

七夕館中

牛女晴懸玉署輝經年靈駕會應稀重來碧漢填烏
鵲慙借青霞覆錦機月落珮環歸閣道夜深花露濕
仙衣人間天上多離思短草微螢奈爾飛

九日漫成

南國去年逢此日鳴榔伐鼓漢江湄比來獨抱登臨
興何處人歌落帽詩別泪故園千萬里多情寒菊兩
三枝物華搖落年華晚南望瀟湘有所思

黃鶴樓

黃鶴山前黃鶴樓斷巖急峽海門秋丹梯縹緲雲霞
細碧戶玲瓏日月浮遠樹平連衡嶽小高江曲抱洞

庭流禰生不見惟鸚鵡崔顥空懷日暮愁

登大別度鐵門関

大別小別俱名山巘斷瀾迴不可攀雲擁関門排虎
豹風來寺閣響潺湲盤湯汨汨江豚鬪絕壁冥冥石
蘚斑萬里長安川路迥且將吟望破愁顏

舟中作寄王魏縣二首

飛霰冥濛冬不晴濁河風浪嘆孤征迴想像神仙
尉寐冥何如煙水情村晚牛羊綠隴出沙寒鶴鶴向
人鳴空憐莫雪難乘興羨爾絃歌在武城

其二

江天水雪盡脩脩萬里樓船下紫霄常怪蛟龍媚幽
窟不嗔鷗鷺傍輕棹岸高徑昃疑山近木落林稀識
路遙滂擬乘槎慚博望却因飛鳥憶王喬

竹鶴軒二首并序

嘉靖辛丑七月既望余在竹鶴新居中夜起
臨軒看月愛其澄霽恨無佳客共翫明日用
韻為小詩約胡勳部陳薦士傅駕部暨塾賓
應薦士舍弟夔同為清賞酒酣漏下三鼓月
復當空因共起憑闌誦景亭之序歌赤壁之
章仰見太清滲沉浮雲來薄當月處輒有餘

絲俄而掩映五色交絢中白次紅次黃次青
次綠重輪疊翬狀如圓壁湏臾乃沒衆目咸
睹莫不驚喜意若為吾數人設者相與次嗟
而去又明日陳君以所賡詩來余亦嗣響并
邀諸君子同作用寫是夕偉麗之觀兼紀天
涯勝集他日再晤是亦一時嘉話柄也夫良
燕不常盛年易邁春華秋月古今所惜矧人
生天地蜉蝣倏忽要當振迅卓犖超逸凡近
期與霄壤共散若徒留連光景沈冥外物與
茲夕所翫曾不移晷者何異內翰唾曾劉右

軍齊彭殤言皆近達及究其所就則亦藝焉
已爾修能矯節君子託名不朽固自有道願
與二三同志勗之

曲檻小臺邀夜月蒼筠玄鶴更為群夢迴碧漢凝清
露影落湘江濕翠雲玉漏隔城還自數紫簫何處不
堪聞開尊忽憶鄉園客麗景臨風欲共分

其二

賒酒當軒成小集鄉闈朋舊自為群開簾共對三秋
月撫檻俄驚五色雲勝事天涯期盡興高歌塵世記
同聞招邀更咲題新句劇賞真看麗景分

壽龍湖學士

清華地望重儒紳暫佐南銓寵渥新端笏平明初拜
命縣孤此日正生申台垣佇售經綸志黃髮終歸社
稷臣榮壽一時傳盛事玉堂長沐鳳池春

贈南陽劉令

天王駐蹕江關廼仙令趨朝玉輅遙拜舞鳳墀依日
月仰瞻龍舸向雲霄碧桃滿縣雙鳧去綠柳通闌匹
馬驕手挽御河秋水碧隆中千里發枯焦

壽天馬陳翁八十御史講之祖也

東川老翁眉髮玄飄飄來往錦江邊偷桃未度三千

歲鍊藥今逢八十年仙侶綵鸞開洞府雲孫驄馬下
瑤天岷峨萃律逢相望歲歲青霞繞玉筵

梅園紀遊

將軍別業枕谿流駐馬啣盃水竹秋縹緲雲林隔村
巷參差鷗鷺散汀洲千岩日落無行客萬樹泉香獨
繫舟塵想偶消綠出郭不應人世有丹丘

晚過龍谷因見其與鴻漸書

嵩陽學士愛林丘堂下栽蔬野性幽睡起弱藤猶泫
露客來小院忽驚秋空憐彩筆題仙署獨寫雲誼寄
道流深苑舊傳司馬賦青門應謝邵平愁

送龍令赴昌樂

昌山翠擁越江濱，萬里揚旌豈弟臣。
丹橘黃柑此佳處，鹿啼猿舞雀漫巡。
雲封韶石冠猶整，春到靈谿醖自新。
江寇嶺苗輸款日，海天寥廓放鳧頻。

送太傅毛先生歸吳中

兩朝補袞星辰切，此日投簪鬢髮斑。
稠疊

主恩先大老，峻嶒歸興有名山。
海邊春服應行樂，洞裏丹砂可駐顏。
禮樂具瞻開濟業，尊鱸叵信夢魂間。

送傅僉憲入滇

霾雲陰陰卧不出，城西送君能獨來。
萬里蕙蘭今去

國一春花竹，此嶠盈江邊。
畫舸湘離熟，徼外蠻峰瘴霧開。
北望虎貔閭闔迥，懸知不愧長卿才。

病中暮春有述

索居遠道嘆羈栖，寥落三春碧草萋。
九陌鶯花車馬滯，三湘雲水鷓鴣啼。
劇愁閉閣惟便卧，多病逢人強寄題。
聞說上林餽雨露，一枝猶待玉駉嘶。

送張國信還巴陵

蕙蒨遙傳楚國芬，洞庭南去惜離群。
吹簫嶺下桃花月，鼓瑟祠前湘水雲。
高論九閭須售志，美尊南國可忘君。
繁華紫陌看花信，日暮巴陵路不分。

留題天寧寺二首

紺殿瑤臺控帝闈松門曉吹動香塵青山白馬尋幽
客繡臆羅襦聽梵人高閣鳴鍾參法侶長廊繫鉢飯
貧僧共來結駟名山下離思羈愁得暫伸

其二

清磬花宮度石橋忻陪妙躅滌煩囂鶴眠苔蘚碧目
淨僧誦楞伽祇樹彫七級塔連雙闕迥諸天龕映二
燈遙跼人欲聽生公法高座空堂漫寂寥

劉孺人挽詩

仙子乘鸞歸碧海劉郎顛顛泣桃林辭家猶憶依雌

曲寄內空緘秋浦音漢水春風思解佩楚樓朝雨亭
行雲空閨嘆息當時月猶送殘暉到瑟琴

五月五日

五月五日寒猶侵禪房寂寞簾櫳深石榴當堦花自
發菖蒲碧葉愁人心羈懷忼慨楚蘭賦尺素悵望雙
魚音遙想南巡萬乘樂龍舟競鬪吳江潯

五日尋馬子不遇

五日上房尋上客綠槐夾道不開門南州既有陳生
榻郊曲何煩戴子樽佳節每逢傷往事索居誰共賦
招魂風花明日猶堪醉擬接城南高士軒

三泉挽詩

六氣已成丹鼎藥三泉應接上池源交黎火棗春無限元里長桑道自尊手種赤松成琥珀身騎黃鶴到崑崙鼎湖白日龍飛去寂寞煙霞楚水渾

送張使君

鳳凰紫閣星辰迫鸚鵡芳洲山水賒吳楚今年勞駐蹕漢江八月動歸槎緋桃搖落開黃菊丹詔經過護碧霞郡國祇今多赤地知君停節問桑麻

送周使君入閩

青年佐郡誇閩越遠道揚旌下紫宸湘水游雲千嶂

碧海天蠻雨萬山春庭閒人吏梳丹鶴軒靜圖書護碧筠月嶼螺江徧桃李莫將荔子蹴紅塵

侍御倫子携弟歸覲余以世講之誼兼有同館之好不容亡言病督愁寢筆札罕就聊贈茲篇用伸別思耳

我緣病肺

朝應懶若為寧親病亦侵長夏駢駢驄馬去高堂熠燿彩衣臨離群共憶揮毫侶去國能忘諫獵心况有惠連同展覲好裁春草寄詞林

兩都僊史卷

御筵昔奉雙龍璽 帝里今遷九擯臚
觀國須裁平子賦 近家還食季鷹魚
雲霞古殿朝趨

闕羅竹春山曉 駐車超拜兩京俱
不遠鳴鞭應想紫宸居

送黃邑博赴高安

白眼來看京國麗 青氈今作嶺南行
端巖石掃傳經筆 高峽雲懸望海情
瘴郡可能渣叔度 酒錢應合有淵明
官齋騎馬歸來地 殿閣陰陰朱瑟鳴

昌平宿劉諫議祠

午時踰嶺瞻層嶂 落日城樓千樹林
立馬山川悲遠

議登堂棟宇自蕭森 卧當寢閣開輕幔
坐倚虛齋素襟 潦倒媿無遺策志 拜瞻徒有厚

和太傅毛先生留別韻

竹梧池館枕谿田 海國投簪興緲然
故里別來牽素夢 久明時歸去覺思偏
適憐北斗仙曹迫 早羨都門太傅賢
賸食萸鱸秋更美 白頭回望五雲天

憂旱

燕京閏夏旱既甚 麥卷禾枯林木黃
密雲含風祗自度 陰霾噴沙翻火狂
炎炎火龍長傍日 汨汨斑鳩空在桑
悵望川原惠鰥寡 欲歌雲漢迴稔祥

即席贈二倫

冉冉宮雲對不移
娟娟蘿月迥含姿
停珂促席驩無
那戀別含情去
獨遲日下雙鸞
辭禁閣夢中春
草長
清池送君擊筑
燕臺夕憶汝看
梅瘦嶺陞

壽涯翁太夫人九十

席上黃花間玉卮
雲中青鳥下瑤池
金尊猶憶先朝
寵綵服空懷故相
祠八座由來知峻
絕十年此去是
期願芝蘭庭榭多
重秀桃李門墻自
昔時

漢濱夜泊

三伏城居暑氣薰
薰清秋忽泛楚江
雲碧紋不動龜鼉

靜王露初涼蕙
蕙蒞芬孤舸自投
林下宿短簫無那
月中聞誰家水竹
能森爽結屋垂絲
擬共君

舟中贈高將軍

上將南征擁綵旄
詞臣相引泛樓船
湖村臨水晝長
靜夢月滿川秋更
圓羨汝提兵萬里
外何人回首五
雲邊憂時戀別俱
寥廓倚劔開尊對
碧天

賦鄒山人雙溪卷

幽栖愛汝雙溪深
夾渚迴洲千樹林
茅堂掩映二水
碧蘭舟來往孤村
陰中央自吸蕪葭
露隔浦誰憐鷗
鳥心主人雅意在
山水白眼自看青
囊金

玉臺飛雲

何處停車問大行玉臺猶繼汗青香雲飛楚臺魂應
斷影落湘南思更長寤寐幾番歌岵岵晨昏千里見
炎墟據誠有術能醫國忠孝誰人可頡頏

慕萱

湘月和雲隕太空北堂深夜靜簾櫳玉臺虛逐飛雲
望寸草難酬造化功滄海飲深遊子恨鰥居愁割老
夫裏闈門賸有遺風在綵筆拈題惜未工

蘭溪送易載菴遠山二首

旅食京華四十春長桑紅杏術通神

九重增秩恩光賁萬里還家樂事多

青山迎旅

主侯門稚子識歸人林深地僻幽栖處惟許烟霞伴
此身

其二

由來醫國重岐黃若抱仙方侍玉堂賜予每分天上
品傳宣時惹殿中香乞歸忽買登山屐長在藥房
藥房藪桂不須招隱士即防徵詔到江鄉

送王雲樵入鄧

春風郭外百花洲若向滄浪上小舟此去
馬平生詞賦擅登樓琴書蕭散襄江暮壇殿陰

水秋問字應知在天祿傳經還擬得浮丘

青雲接武

青春題柱憐司馬黃鶴登樓憶漢陽織女機裁雲錦
爛浣花箋拂彩毫香鳳毛已刷三秋駟驥足行超萬
里霜何處詳仙開綺宴芙蓉城裏桂花香

即席和魯二峰荳花

幽花淡葉霜應薄密篠疎藤蔓已加繞席清芬同野
藪滿庭蒼翠似山家逕迂篋小秋長在月麗風恬影
不斜首箱闌干今更勝楚山叢桂况新華

題王夢竹次前韻

三山烟雨仙踪舊萬里瀟湘客况加夢裡數著先世
澤覺來疑在此若家翠苞粉籜林塘靜雲絲風枝蘚
徑斜葭管無勞吹玉律籥韶應擬協重華

贈蔡練江次前韻

桐栢山中淮水涯卜居雲樹亂交加官當楚澤隱人
地輿在宣城太守家波漾碧紋連月媚烟浮素練拍
江斜濯纓賸有滄浪意錦水無勞問浣華

贈二峰次前韻

青山山中二峯紫岩花嶼葉紛相加知君意氣追李
白塊方園林謝家幽栖半畝雲散亂高吟千里江

橫斜即看觸石徧霖雨未許食霞淹歲華

贈胡木橋次前韻

嶺徼烟巒春賞劇江東松栢暮愁加長橋獨架清灘
水一木遙通野客家日落蒼龍浮結構月明華表墮
迴斜濟川已訝材如楫題柱應憐筆有華

送高伯東

卧病柴闥晝不扃井梧葉脫滿空亭門前自擬題凡
鳥天上寧知聚德星玄圃丹明詩欲就高樓雪落酒
初醒憐君忽逐山陰棹鵠嶺龜峰無數青

夜聽高子吹簫

虛閣夜傳鸚鵡杓仙人醉弄鳳皇簫軒庭
協湘水瓊枝泪未消白雪調高荆樹渺行雲
臺遙憐君一曲陽春轉絳燭青尊愧此宵

沙湖別史生

三載傳經愧講筵相從應賴起予賢由来學道須
妙豈但登科屬茂年燈火西齋初志勵盤飧遠市別
情牽明朝千里長安路為約看花到日邊

臨清公署夜興七首

紫薇高署絕纖氛粉壁雕甍開暮雲清廟獨憐絃誦
地空堂宴少吏人群樓中玉箭傳霄漏簾外金爐換

夕燠誰道旅魂驚不寐寒砧孤鴈月紛紛

其二

聞道茸州圍已潰黃雲潭月滿霜罨王師未搗鯨鯢窟上將猶懸虎豹旗鉄騎材官愁轉餉紫貂中使擁偏裨即防西海仍連結挿羽傳烽及此時

其三

健兒新殺雲中將胡騎長驅塞北塵遂使龍顏容代朔更聞虎旅出咸京推誠詎測

皇心厚不較應知廟畧神萬里風煙勞極日安危須倚近邊臣

其四

萬家樓閣抱城阿武帝旌旗向此過不見鳳笙吹別殿空聞龍舸駐清河水寒沙碧生冰雪攀榭歌臺長薜蘿共道于今游辛少豹房虎圈月華多

其五

九江曾汎木蘭橈黯黯風濤萬里遙彭蠡倒溼廬阜影馬當東接海門潮芙蓉別浦霜初落蛟蜃盤渦沫未消蠻鼓夷歌堪涕淚千家烟火半蕭條

其六

憶持漢節罷鳴琚千里風塵走傳車彤管久辭金馬

署綵衣空滯白雲廬索居鎮日惟看劍病肺無心解
著書鼓角不喧人寂寥清霜澹月夜堂虛

其七

寒宵鍾鼓動高城旅病羈愁涕淚生淮海逋逃慮未
復廟堂禮樂亮誰平大同新沒嫖姚祠國統猶煩龍
虎兵朔雪嚴風驚戢宴端居肉食愧浮名

經項羽祠

秋山廟貌識英雄孤塚寒蕪泗水東祭罷川原橫殺
氣神來棟宇幻靈風八千人去楚聲後百二圖歸漢
鼎中江上頭顱付隆準君王虛擬舞臺重

其二

將軍劍舄闕荒丘草木風悲落葉秋解使王師披素
縞却令亭長艤孤舟鴻門未厭三分業虎旅空驚四面
謳王羈蕭條總塵土海雲江樹迥生愁

送荊州張千兵經漕運南歸

將軍官是千夫長轉運舟從萬里來牛斗張騫成遠
客江淮劉晏本雄才帆檣國計秋時集尊酒鄉心
月夕開歸去風塵關路迥楚山蕪樹各徘徊

夜讀籌邊諸疏感而有述

烽火三關未盡收廟堂頻見議防秋樵蕪已後空

長技表餌雖迂亦壯猷
騎士湯誇身手健謀臣總抱
腹心憂江鄉牢落時彈劍
憑仗群公報虜讎

和託翁兩宿浣花草堂

岷峨萬疊暮雲生
兩入高城月未明
岷峨重遙連花徑
濕溪深斜帶草堂鳴
衝泥不捲扶筇興
乘漲還饒鼓
柁情一夜風湍落
松枯夢迴猶礙禁鐘聲

送託翁還山用韻

鮮組台垣秋興生
錦官山色望中明
花迎杖屨幾迴
發鶴倚琴書時自鳴
禮數

聖朝優老秩典刑
四海具瞻情草堂
莫漫開荜徑還

何星辰聽履聲

秋日水南前峰見過用前韻

高闕蓬萊翠靄生
虛堂秋色倍通明
花邊共喜雙鶴
集竹裡時聞獨雀鳴
黃菊橫斜聊遣興
白頭聚散總
關情廿年供奉隨
仙侶慚愧龍墀玉珮聲

春日課士簡同事諸公

辟雍禮樂弘文日
髦士衣冠課藝時
清廟未結
底碧壇紅杏發
新枝墨池香散
春風細筆
晝逢玉道治功
應有業獨將虛薄愧人師

喜雪

聖皇禱歲期三白元宰摛詞扣九玄共仰精誠勞午夜即看佳節報新年碧霄爛熳開銀闕滄海氤氳布玉田豈但陽春歸燮理鳳池還送郢中篇

慎獨樓

垂衣共仰 天王治開閣新傳

帝子勲王笈琅函歸壁府紫泥華榜動奎文閒披燕版承恩數獨抱 冲襟對典墳戶牖憑高瞻北極故亭遙隔禁城雲

五日

煩熱苦煎逼高齋散髮坐支頤祗有榴花當戶

發無數燕子傍簷窺宮衣龍扇那能必短艾翠簾爾為千載靈均一悵望秋風欲采湘江籬

陸少石卷

朱幡皂蓋謁明光畫省鸞坡繞建章委珮總乘玄會節連牀俱帶紫宸香鵲鷓喜見隨鷓鷖鴻鴈驚看接鳳凰同氣元非藉群從聯篇何必夢西堂

送張鴻臚禮之歸省江陰

寧親遙出都門道典屬新題譯史勲日下鷓鷖着色天邊鴻鴈惜離群綠袍故國歸清晝綵袖高堂望白雲莫為尊鱸發秋興燕臺春事正懷君

柳塘

綠漪新漲橫塘淨碧柳初齊曲岸長坐愛蘋風生水
閣卧看林影落繩牀浮鷗浴鷺元相狎飛絮垂絲總
不狂何用上池餐玉液已知瑤草發金光

內濱初子往副滇臬弭節江鄉秋日戒舟薄遊
漢漣道路伊迯題詩奉招

憶昔追趨聯禁闥邇來留滯各鄉關音塵乖隔十年
後雲樹瞻依一水間司馬更持炎徼節揚雄猶直漢
廷班秋風亦是山陰雪莫遣清宵鼓柁還

早秋西齋

落葉瀟瀟下轆轤涼颯瑟瑟動屠蘓露融庭草
亂月浸池荷菡萏孤開徑何人尋蔣詡閉門無論
潛天幽棲多病遠時序采藥烹葵得所需

西齋對雪

林空飜怪花飛綺臺迴應憐玉截肪闔色爭妍時散
亂裊雲薄日故蒼涼光連竹檻寒無影風繞梅窓暗
有香獨掩高齋生虛白更疑澹月滿昏黃

送陳醉翁歸鄂因訊令弟

憶昔同遊鶴嶺前重逢更在漢江邊平生轉覺風流
勝十載空慙官穀賢北海客來樽欲盡南州人去榻

高懸明年又是群仙會為報君家兩惠連

漢陽別陳戶部

江上清尊憐此夕山城月色坐中分
孤槎漫繫洞庭水疋馬行看少室雲
千里平蕪勞惜別百年勝地愧逢君
懸知明發應相憶黃鶴樓前共落曛

送黃生還閤皂山中

皂閣山前雲自生溪中龍卧石潭清
幽居愛汝林泉勝病骨遙思羅薛輕
子晉放鳧歸碧落安期賣藥到蓬瀛
還家如覓丹砂寄我在祝融峰上行

送學士孫先生攝篆留都

青宮翰苑切絲綸三十年來管沃臣
綵服久羈滄海跡細旃重曳廟廊紳
玉宇雙龍開鍾阜金闕迴瞻紫宸
南北清華均寵渥優才須賦兩都新

贈雪峰鮑子

十載相逢京國春重來瀟灑見丰神
平生雅興饒湖海鎮日經過總縉紳
家遠雲山應有夢地當塵市自無塵
芳尊野服行歌處疑是風流賀季真

洞天訪道圖

吾聞洞天三十六清虛無地不神仙
丹房璇室開都省玉檢金書闕上玄
欲向藜霄餐日月偶凌倒影躡

雲烟真松老鶴久何處知是希凝象帝先

寄東野僊兼致二郎消息

塢上松篁鏡晚翠庭前蘭桂發春華
遙思杖履尋清景更喜衣冠出世家
鷗鷺江邊波浩蕩鸚鵡天際影
橫斜野仙聞道年來興長抱黃扉醉碧霞

夏日遊大佛寺和黎公韻

旃檀遙憶梵王宮來聽三車演法宗
日落華筵開上界月明蘭漿繫昏鍾
林中樓閣迴雲影沙上鷗鳥護水容
總為松蘿更棄梓臨風不發意重重

再和初犬參

勝會庭憐投轄功一尊千里共祥宗
親交獨解舸客夢初迴夜半鍾
臺殿倚天開野色冠裳繞座衰容孤帆明發還相憶更上危樓十二重

奉和序菴閣中詠蓮四首

麗水清波颭午風台垣深處澤芝紅
古今注荷人謂一名澤芝
徒羨芳華迥天上寧知造化工
翠萼含曦臨貝閣絳房承露倚瑤空
委蛇六載絲綸地燮理先收茂育功

其二

菡萏晴搖閭闔風金盆玉檻照纖紅
恍疑神女凌波處詎識天孫織錦工
清影扶踈黃閣署幽香繚繞翠

華空荷衣蕙帶無勞緝四海今瞻補袞功

其三

紫閣芙蓉裊暑風秋清獨傍五雲紅香連睥睨栽培
遠色動采蠶剪綴工十丈花疑開玉井千年波欲繞
龍空芳敷豈但供吟賞草木欣沾聖亮功

其四

文淵窈窕芰荷風拂翠榮華墜粉紅天上歲旌通御
氣日邊培植有良工采芳詎擬浮蘭檝濯錦渾疑到
水空自是

君恩信汪濊金蓮頻眷贊襄功

奉和桂洲九日邵園四首

戚里遙開水竹園遊歌况是相君尊九霄紫氣
甸萬樹紅霜繞近村劍履輝煌乘麗景笙簫縹緲
層軒盛時已藉調元力寰海同歸造物恩

其二

高秋佳麗辟疆園相國追懽倒上尊長羨喬林開別
墅却憐飛蓋駐芳村菊含晚色元當檻鳥送幽歌故
傍軒不用褰帷門牛喘祗從擊壤識

皇恩

其三

名家結構枕郊園背郭環谿體勢尊賓主淹留乘暇
日旌旄枉沐到孤村踈花細草憐幽勝曲檻高臺藉
谿軒數向卷阿歌大雅共將馮翼谷 鴻恩

其四

碧山聞道有芳園黃閣今應奉 至尊暫假秋光停
賞宴却携春色徧墟村曲池風動芙蓉舸孤嶼雲開
群荔軒麗藻偶綠休沐興物華長荷品題恩

鴻臚余君有親偕老在堂君既拜官南寺將過
家奉觴而壽之固人生之樂事也其友鮑文
光道其事且丐詞焉余因賦茲篇致款禮耳

蓬瀛聞說三山景福履今逢并壽年天上赤松傳寶
籙雲中青鳥到華筵餐霞長羨吹簫史跨鳳應憐弄
玉賢况有宮裳供戲綵龍章行拜紫宸前

鍾沂山以至日壽余偶忘賀詩以補之

金石論交二十來華堂嶽降敞華筵灰飛律管陽初
動籌泛滄瀛壽自巡刺史懸車饒樂事香山結社盛
英賢廟廊岩穴踪無定且贈尊前海岱篇

送尹斗菴出叅貴州

粉箬八年司 國計薇垣萬里作藩臣旬宣應喜居
行省瞻望猶疑侍北辰楚徼滇門山勢險夷歌蠻鼓

內方集卷四
土風淳盡熊莫謂林簪遠賣犢須知村寨貧

送趙洪洋

中丞分袂勞持節父老開闕候使輶經術由來重東
觀保釐今復簡中朝嶠函遙擁金城險河渭平連陸
海饒聞道材官出三輔更提虎旅滅天驕

送羅經歷之廣西布政司

君從天上拜新除萬里風雲結綬初湘水遙停詞客
舫薇垣長曳幕堂裾好參荀息征蠻畧更章相如諭
尚書却憶舊遊三十載重岩風洞緲愁予

送學士東廓鄒先生攝篆留都

宮案新階饒雨露留都仙署勝蓬瀛十年經術禮
舊千里詞垣并寵榮拄笏遙瞻

金闕迥焚香獨坐玉堂清司存啓沃須儒碩莫道能
兼吏隱名

寄壽可山周君六十

幽操雅尚重鄉閭曾向朱門暫曳裾心遠自甘林
勝年來未覺鬢毛踈五湖波漾高人室三徑花迎長
者車聞道壽筵開幕景雪梅香動老萊祛

寄壽竹軒盛君

幽居開軒饒水雲琅玕十畝起人群頗無俗駕到浮

內方集卷四
三十四
逕賸有清風來此君鳳苞時曳丹山影龍籜長搖碧海紋知向歲寒持晚節梅花香裏醉春曛

送陳尹 覲畢還竟陵

五載花封惠澤多歸朝千里見鳴珂官箴書最從燕闕墨勅承

恩到汭河琴韻不須更舊調棠陰重喜發新柯鳳毛况有雲霄翮文采還增湘水波

送沈生佑歸杭

樞趨久聽橋門雨歸去遙瞻御苑春

聖代衣冠知不忝儒生事業轉須親潮來河激知龍

卧雲起天邊見蠖伸湖上風煙勞夢寐他時携爾
嶙峋

贈友二首

詩才準擬杜陵近風節遙看栗里親苜蓿盤空官獨冷薜蘿衣在篋常貧行吟每蹋栽花徑白髮時披漉酒巾莫恠行藏大樗散縱歌拚飲任吾真

其二

十年寥落廣文官歸向江鄉種澧蘭事懶著書朝未解醉能騎馬坐空寒林邊花絮隨行屐湖上風煙滿釣竿乘興過從須百遍不嫌倒着接羅冠

送李五臺之豐縣用韻

九重初拜王畿宰廿載翻憐國士群
村田久塞河淮水山郭全消芒碭雲
定擬官方酬夙志直從民牧繼前聞
雙鳧此去占重集疋馬臨岐惜暫分

寄訊石雲莊

湘江舊許能詞賦汴水今憐作典刑
知有堂階堪繫馬可無衿珮待傳經
河流近接孤城湧山色遙連草舍青
莫道地荒官更冷憑君為起草玄亭

送南司成龔雲岡

方采獨憐偕鳳侶人師今喜屬龍頭
地隆壁水儀刑

重禮冠經帟啓沃牧劍珮一時歸
道望詩書終日盛儒流觀風滂憶登樓
處極目江山王氣浮

送管平田巡撫山東

四海文章推吏部百年禮樂重清卿
畫熊忽問東方俗杖鉞遙辭北極行
闕里杏開春日麗東山松老暮雲平
幃帷莫道馳驅遠衮烏應勞信宿情

送徐木仲刺乾州

荆北詩書推舊闕湘南詞賦擅英儒
留都魯脫千人穎燕闕今分五馬符
漆水縈紆通漢時梁山迢遞繞蔡都
使君莫更嗔繁劇滿地凋傷賴爾蘇

和載菴詩四首

千里沿廵泛楚江，巖欹岬斷勢爭撞。
驚風颭水灘聲亂，落日貫湖帆影雙。
鷗鶴有時窺盡舸，雲山無數擁虛窓。
愁多客久成飄泊，倦對匡廬到玉缸。

其二

淡雲踈雨滿秋江，石瀨無風水自撞。
遠浦蕪葭時嫋嫋，盤渦鷗鷺更雙雙。
水邊客泛沙棠楫，山下僧開荔荔窓。
忽憶題詩在廬阜，洞庭彭蠡望如缸。

其三

彭湖接九江，鯨鯢鬪擊互衝撞。
波連碧樹珠，碎峰插晴雲。
劔戟雙長路，經年悲作客。
故園何處住，凭窓相過苦憶陶。
彭澤秩滿公田酒滿缸。

其四

火流露淨河，插江山寺寒。
鍾僧自撞壺，風翠苔每下。
人入釣白魚時，一雙溪邊水。
消石繞岬山，外雨來雲雨。
窓羈愁旅恨，暫披豁夜聲。
長嘯呼銀缸。

送趙君判蘇

眷羶人擁成均席，紫綬今參吳會符。
民社即看饒簿頊，講堂猶憶盛文儒。
登樓夜月涵滄海，行縣春風繞兵區。
聞道還來財賦竭，好分時雨潤膏腴。

送別駕張君赴開府

洪洋山前雪亂落君來滿地生春妍
瑕丘兒童候別駕濮水鷗鷺近官舫
詩書已推闕閣重簿領應意聲名賢
京華北望况隣近池塘有夢遙相連

即席和黃上舍諫便面同年朱守貴韻送歐陽紀春赴汝府

六年郡校憶如磋三載相從帝里阿
北闕恩光知不淺東平善事樂應多
晴雲遙擁燕山色春雨新添河水波
暫曳長裾向朱邸懷沙莫作蕙蘭歌

別吳生宇還慶元

三年劍珮重賢關萬里遙沾化雨還
人物扶三年黍衣冠燕闕祇須攀
江湖帆展春潮水雲樹家臨島山歸
去藏修知邃密夢魂長繞辟雍班

四月八日偕龍湖宮贊過宜山不值其弟出酒見款留此以遺主人

四月雲山出郭饒憐君結侶問東橋
鶯花有約榼棹庭院無人獨駐鑣
叔夜風流原放達子雲詞賦蕭條盤
食愛客知難第一局秋秭落日遙

送杜二守赴沔陽

澤國微茫烟樹平揚鈴搗鼓到江城
都非昔日甘棠

地君是當時杜母情波漲野湖春郭淨草生官舍晚
衙清魚龍寂寞雲夢遠惆悵鄉心繞旆旌

送張君經歷滇藩陽峰之弟也

藩垣萬里幕堂虛君至炎荒雁影踈金馬山前停去
節紫薇花裡曳長裾黔南風俗咨諏裡徼外烟霞覽
祀初春滿昆明池草綠夢回應有玉堂書

送王岱麓遷山西督學

金馬石渠同校理燕山晉水各睽離箕裘齊魯推名
閎衿佩河汾仰令儀舊俗猶傳讓畔國清風長振
微祠仲淹此去元經作好寄雲霄慰所思

送張陸泉通判嘉禾

海嶠春風江國迥楚江秋月陸泉孤平生獨擅湘灘
賦此去遙分攜李符腰壤祗今多莽草橫塘空復散
鷗鳧使君聞道催科拙出駕扁舟詠綠蒲

送陳進士羽卿南陽推官

平生知遇在文場鉅部今分司理章科重賢良稱士
價志存明允即官方城邊清水波流潤閣外桐山草
樹長莫向都臺惜遙別清風應上卧龍岡

蒲翁席上贈水南殿撰奉使德藩兼便道展覲

和三渠原韻時同館俱有作

鵝頭聯珮鎮相親
兩露長沾獻納臣
持節暫辭金馬署
褰帷遙發玉河濱
潘輿日暖瞻依切
魯殿雲深覽眺伸
莫向吳江重留滯
仙曹應逐鳳池春

送鄭希周守澤州

太行山色繞高都
千里提封此佩符
唐晉餘風稱儉朴
使君清德擅文儒
官齋訟簡圖書靜
民舍春回草木蘓
奏計他時應陟最
廟堂今正問流逋

送陳經歷遷台州判官

管從五嶺參戎幕
今向三巴判郡章
海內風塵踪跡迥
天涯霜雪鬢毛蒼
由來此地雄全蜀
况復平生重

故鄉為語荆門黎
別駕共將撫字卷
君王

褒典光潛為袁大尹賦

天邊遙度王喬舄
海上還尋葛令砂
奏計彤庭瞻日月
承恩丹誥捧雲霞
玄臺冠服悲衣綵
故里笙歌喜
遊來嶺嶠不煩重
露冕岩廊端擬更
宣麻

遊廬山東林寺

一徑結隊發江潯
拂樹捫蘿上碧岑
香霧平遮黑寒泉
細透石壇深
雨餘不倦衝泥興
雲起寧知出岫心
忽到東林媿真隱
虎溪蓮社一追尋

遊九華山化城寺時韓太守以王張別駕

同行

松崖石磴轉龍庭
 九峯芙蓉縹緲通
 高館虛連翠屏
 濕長林遙落綺霞紅
 千重嵐氣斜陽外
 百道泉聲亂
 山中勝地偶來借
 五馬白雲處處逢
 鴻未至九華
 玩花亭翠屏綺霞
 皆其峯名也

遊齊山

携壺結客上丹梯
 十里峯巒轟轟齊
 碧水已消蒼石
 峽黃花猶透翠薇
 堤巖亭水落參差
 見石洞雲深
 轉迷人代推移
 山未改滿前煙景
 夕陽低

過天津望海口

鳴簫伐鼓揚官舸
 曲岸迴洲波浪遙
 晴日帆開雲
 杪晚風人聽海門潮
 孤城樓閣含空濶
 萬里魚龍
 寂寥便欲乘槎媿
 羈滯蘋花深處羨
 漁樵

野泊

鎮日冥冥風浪頻
 孤村寒月更愁人
 黃昏進艇傍迴
 港古樹啼鴉綠去
 津行李獨衝江上雪
 遲迴應媿病
 中身遙看隔岸梅
 花動正想追趨禁
 閣春

登博望山亭次韻呈寶明府

堂房亭高當古驛
 短垣踈牖坐未清
 濃煙密竹斜行
 徑落日層岡曲抱
 城客裏雲霄勞騁
 望病中落愧

行卧龍寂寞丘原在惟有春與雨耕

至前一日過 承休王復齋

賢王池館接深宮別院開齋結構同金榜晚霞開爛
熒碧窓晴日照玲瓏榻留散帙香先動墻覆名花雪
半融更喜明朝回玉律巨羅應醉小春風

送張犀浦方伯入粵

揮海炎州憶祝融使君持節慰蠻戎三秋鵬徙扶搖
上八月槎浮牛斗中翡翠還應來異國鷓鴣無處避
長風荒磧絕島沾恩澤不數當時陸賈功

宿龍虎潭

帆落澄江帶夕曛水鷺沙鷗晚
竹遊子行程伴水雲王淑拖煙沈漢翠綠荷整露漙
湘裙修岑明月施殘黛淺水微風動碧紋

出江奉次家君子時上元明日也

燈火夜來春酒醒江上數峰迢遞青武昌依舊悲孟
德汨羅此去懷騷經誰應慷慨吊鸚鵡且復汗漫遊
蒼溟江離沅芷思千載繚繞山川歸翰屏

江行雜詠四首

畫鷁飄蓬楚澤潯雨餘芳草滯歸心風生南浦千江
浪雲合西山十畝陰獨樹清風臨野戶一帆斜日掛

陳林芙蓉寂寞芳洲遠惆悵江邊自楚吟

其二

漂泊空懷運海翰越歌清響峇江湍虬龍夜占千巖
峻風雨朝生萬壑寒煙織林梢看更遠月明誰夢
初安渚蘭汀芷年華盡長缺飄零醉欲彈

其三

澤三湘島嶼輕躋攀羸得雨初晴藤低古木猿偷
籬對澄江犬獨行山水未諧鍾子調廟堂已識范
甯登臨慷慨思千里回首汀洲落鴈聲

其四

湖海真成汗漫遊洞庭橘柚萬陂秋石衝巨浪若
險樹遶寒泉逕轉幽竹屋傍山雲滿戶漁舟臨水月
隨鈎湘江不盡東流意斑竹蒼梧起暮愁

食鱗次老杜鯉魚二首

稚子初煮鱗魚熟一箸春盤嘗更新已無鱗骨自可
口總為脂膏却陷身酒杯詩客臉初暈筒桶津人術
亦神底貢還充大官食萬里應慙橫海鱗

其二

漁舟煖棹楚江春浪裏鱗魚上釣新鼎俎尋常還餉
客江湖長大不容身獨憐丙穴頭顱迥未許南溟羽

異神玉筋金盤重回首更慚無處學批鱗

友梅為玉生

高樹垂垂散綺花窓寒徑曷亦從遮踈枝冷蕊風初
動弄影含香月半斜春信忽驚傳雪後鄉愁誰遣亂
天涯相看長作巡簷咲疑在孤山處士家

江夜聞鐘

珠閣昏鍾竹樹林晚風蕭瑟到江濤數迴嘹唳人
靜獨聽遠巡意轉深孤鶴棲雲寒自淚弘龍吹雨
還吟乘風欲到招提境月落山空何處尋

賈太傅宅二首

相逢痛哭為誰哀踈迹何人可作媒經國元須通達
士少年空負治安才遺文湘水悲蘭茝舊宅長沙掩
草萊搖落江山早濕地主人顛顛鵬飛來

其二

禮樂封章年少日鬼神宣室夜深時勃嬰數語交應
淺表餌千季策亦奇梁國馬嘶空自毀漢家火厝竟
誰知荒臺廢井埋春草落日唯餘烏鵲悲

春江二首

紅鱗絲濕水雲輕潦倒春風趁此行芳草有情空憶
別好山無數不知名低看檣鷺臨江語巧聽林鷺隔

岬聲泊近芳洲蘭菼碧滿山明月不勝情

其二

瀟湘春水片帆輕寂寥青山伴客行
帝子不來猶有淚騷人去後剩知名
飄零物序花千樹消遣春風
一聲嶺粵山川從此勝天涯無限別離情

雍王故宮在衡州

碧蘚斜封輦路遙宮中歌舞滂蕭條
鳳樓人去春亡主翠殿香寒雀自囂
零落苑花無復賞依稀宮樹半
為焦時伐其樹以給軍徘徊獨有當時月
深夜芳隴照寂寥

清湘道中

聞道湘中山水勝百年青眼為渠開
一雙白鶴雲中出百丈寒泉樹裏來
春漲野濤流澗瀨雨晴山月下
崔嵬美人迢遞湘江在翠篠丹楓起暮哀

風洞山在桂林

山界藤蘿複磴斜白雲携我躡谿笻
天風穿穴飄珠液山色滿樓飛綵霞
山有疊嶂松桂當將僧作主石巖
堪與客為家平生吟賞今應勝
亦重關黎護碧紗

棲霞洞

在桂林七星山下

複磴迴巖得暫登紫芝門外護蒼藤
瓊漿灑灑聲倫落巖壁玲瓏勢欲崩
松子抱棲丹頂鶴石床高卧白

頭僧碧桃花發三春雨玉笛聲沈五月水

其二

翠岫玄巖凌紫極碧霞深鎖月華宮空中若有諸峰
秀曠處唯應一竅通洞裏瓊芝培玉乳門前孤鶴伴
喬松臨風欲藉當時遂吹落離江月滿空

送僧鶴峰還山

上方鶴唳禪關迥遠障雲連法座高祇樹夜棲庭外
月玉泉寒馮鉢中濤雪深鷲嶺聞鐘磬秋盡鷄園落
羽毛魯叟瞿曇籠絡異不知何地是鳴皋

九日城上作

露華霜葉漸霏微萸菊寒簑楚鴈飛風日蕭條悲
昔江潭顛顛惜芳菲多情無那逢佳節高興何當遣
白衣悵望龍山堪酌酹江城短帽對斜暉

踏雪四首

雪滿西湖處士家灞橋清興在梅花雲連水國迷黃
竹風颭平川起白沙瀟洒兔園懷郢曲迢迢銀漢憶
星槎共君醉踏瓊瑤碎啼斷寒江幾樹鴉

其二

瑤城十二點群鴉澤國風光入釣槎寒鴈歸來迷舊
渚霜駟驕欲蹋寒沙瓊樓窈窕垂銀幌琪樹玲瓏著

綺花興發山陰明月夜剡溪何必到君家

其三

海上冰桃初放葢月中霜桂已生花光搖水郭三湘
舸白盡寒江十里沙未見早梅傳驛使更乘明月放
仙槎峻嶺不盡孤山興腸斷昏鍾與暮鴉

其四

銀河低接鵲橋鴉瓊宇遙乘博望槎白帝過時排羽
蓋玉龍飛處起風沙月羞艷態猶藏鬼梅鬪輕妖
放花授簡擬成梁苑賦籠鴉先到右軍家

登岳陽樓

總前明月千年主檻外波濤萬古狂始信空中有樓
閣也須范老此文章湖山寂寞憑臨小雲物依稀倚
嘯長更欲乘風向寥廓滿天煙雨下瀟湘

南岡

南岡岡上草堂成林木蕭森湖水清背郭遙看雲夢
盡開窓半見漢江橫秋來蘿薜綠塔細歸去見鷗傍
舸行魚蟹乍肥香稻熟一尊長醉菊花英

南岡席上有贈

黃鵠山前碧玉流白蘋花畔木蘭舟清尊聊醉軒中
月叢菊新開江上秋客裏可堪聞塞鴈愁中猶得伴

沙鷗長安不見空雲水何日聯鑣到鳳樓

芝蘭

妙品曾同出上方結根垂蕊共芬芳洞中仙去春初
長月裏人稀秋更香霞氣乍浮園綺酒霜風先動屈
平裳商巖澧浦俱寥落碧水青山空夕陽

賦吳氏素翁

露華風色滿江樓誰道幽人一握秋象齒初憐寒玉
碎刻藤潭訝白雲流清霜皓雪元相映素腕纖裳擬
共愁惟有班姬解相惜彩毫欲寫漢宮憂

九日蕉林二首

九日風煙逼暮秋江天羈思獨蕭颯白衣不盡黃花
興短帽聊為大別留萬里浮雲長日蔽百年壯志尚
須酬摧殘未惜蘭芳歇漂泊惟憂肉食謀

其二

秋盡江潭生濁流扁舟邂逅迥添愁紫薇省下前年
別黃鶴樓邊此日留山斷漢陽橫野樹水連鸚鵡荷
芳洲徘徊共有憂時淚淡淡蕩誰憐萬里鷗

鄧氏慶源冊

慶源波接楚江津紅杏長桑照漢濱前代衣冠垂九
葉故鄉尊俎重三賓洞中見說餘丹鼎畫裏驚看有

逸民共羨風流今更盛一枝玉樹照青春

團江寄三曹

漢皋月夕同披豁落日團山感別離畫舸忽乘秋水
去清尊空枉故人期雙隼江鶴盤渦浴孀孀雲林曲
領垂同是惠連詩更細想吟春草在湘湄

沙湖留題圓通寺

鑑湖深處有招提萬里秋濤碧樹齊落日諸天雲水
上百年高閣漢江西無數鳧鷗當檻浴有時虎豹隔
林啼停舟忽縱登臨目錦浪青峯煙霧迷

清溪夜宿懷齊秀九華諸山

秋浦樓臺迷樹色清谿波浪浴鳧雛碧巖星斗更初
靜絕壁芙蓉興不孤無釣可垂玉鏡裡何人曾泛翠
微壺扁舟一夕千秋思明月蕭蕭兩岫蘆

即席贈龍湖李侍御出按浙西便道省覲

李膺風裁漢廷賢天上時聞諫草傳繡斧獨辭京國
迥霜稜先動使輅前越山此去搖驄馬燕闕長懷捧
御筵歸覲莫投湘水賦相思應寄石梁篇

送王中川攝南篆例贈一首

宮采新階饒雨露留都仙署勝蓬瀛十年講幄推經
術千里詞垣並苑榮柱笏遙瞻金闕迥焚香獨坐

堂清司存厭沃瀕儒碩歸向承明奏兩京

又代李龍湖一首

漆園已信非凡吏楚澤元知屬俊才一縣桃花緣海
種九重春雨自天來明廷親捧琅函出潛壤遙將錦
誥開莫向松楸悲罔極好輸葵藿到三台



堂清司存厭沃瀕儒碩歸向承明奏兩京

又代李龍湖一首

漆園已信非凡吏楚澤元知屬俊才一縣桃花緣海
種九重春雨自天來明廷親捧琅函出潛壤遙將錦
誥開莫向松楸悲罔極好輸葵藿到三台

卷之五

七言古詩

送謝先生分教定遠

神龍昔日飛南溟赤雲紫霧翻江濤南溟諸縣先
拂攀鱗附翼多英髦祇今一百六十祀里絃巷誦皆
興起新豐故人安足云此郡淳龐稱

帝里天王庑定南服功千乘萬騎屯江東故鄉咫尺
重行幸特遶耆舊師黌宮吁嗟黌宮衿佩宗

薰風亭

雲窓水檻蘭塘曲南颺搖蕩蓮房綠玉萼金莖颭碧

紋鳩鵲鷓鴣穿花浴露濃
葉卷瀉珠圓菡萏飄香入
五絃簾開日出玻璃淨
隔水遙聞唱採蓮

贈王承之

王生王生何骯髒
布衣草屨洞庭野
孤懷時往夢澤中
一經獨誦衡茅下
年過三十猶未遇
紛紛誰是愛才者
金門大史玉堂賓
單車疋馬白且赭
曲巷往往駐輪蹄
開軒復為傅杯斝
王生王生奈爾何
由來世上相知寡
古今賢哲多輾軻
買臣負薪空自歌
卞和抱璞悲無賈
徒令美寶埋煙莎
須知器大不易售
時來麻臬成吳羅
君子達命復重義
遵時養晦毋蹉跎

負賤富貴各有分
豈忍汗漫隨流波
願生歛笑且委翅
憑將龍劍常摩挲

贈劉敦復 時乃翁梅溪分教蜀川

溪邊古梅色如鐵
老榦枯槎聳高節
一枝橫出秀且芳
粉萼丹房散晴雪
梅今陟植錦官城
新柯獨插漢江清
澹香踈影晚風靜
月落煙銷野水平
新柯老榦含幽景
千里相望隔雲嶺
欲寄應魚驛使
逢巡簷徒咲踈枝
冷霜華雪色絕
氛埃珎重南枝
且未開為報明年春
信早清標須占百花魁

贈夔弟

條風吹煙梅雨熱楊花片片如晴雪此時物榮土膏
動田夫踴躍蚕女悅男兒有志在四方耕者務農織
者桑汝今少小事鉛槧豈可怠情歸荒唐吾家由來
執詩禮世德科名迤相起汝祖秉鐸臨淮徐我翁建
勲當河濟祗今予年二十三姓名空在金閨寄蹇拙
知非獻納才踈庸徒抱岩堯志光揚門閥在汝曹汝
食牛垂兩髦池邊春草有時發堂下雙槐應自高
同叅知江公納言劉公都護余公漢江泛舟作
臨襄樊兮城崖我俯漢沔兮江逶迤叶澠漭兮流汰
崇渺兮巖阿集冠蓋兮狂情泛樓舫兮盤渦張芳筵

兮膾鮮鯉擊鼉鼓兮鳴銑歌風飄颻兮煙樹鷗鶴
兮紛駕鸞瀨肯肯兮激石岸濛茸兮披蘿眺鹿門兮
慕貞隱瞻隆中兮頌勳華叶思銷憂兮騁望悲哀郢
兮懷沙叶嗟世網兮羈束淹時序兮蹉跎奉

明恩兮休澣忽睥睨兮瀟沓群公枉兮嘉招料瓊瑩
兮頗醜雲靄靄兮晡日飈儵儵兮增波感茲遊兮容
與撫淑景兮惠和矢永保兮修姱託勝跡兮弗磨

送王萬戶轉運還沔萬戶余妹婿也

將軍畫舸蔽江來劉晏才雄衆所推轉運少年元建
即咲談無事數持盃三軍擊檝朱旂動萬艦衝風錦

浪開落日鳴榔鷓鴣曲秋風解纜鳳皇臺岸花堤柳
船窓靜畫戟瑀戈鶴鶴猜河內遠須經

國計關中神運濟時才勞君已報司農最謁

帝仍逢泰運迴天上祥光新日月雲中高闕舊蓬萊
應知慷慨酬

明主况復恩光落上台渭水橋邊勞鼓吹望春樓下
縱喧逐吾家信有乘龍客此日何堪仗劔回明到湘
湄春正發思君空折玉堂梅

四懷詩

大酉王子往僉晉憲作鎮平陽平陽堯禹

邵伯夷仲淹之所棲也聖賢之遺烈存焉

憲貞度舉在乎是是王子之志也作四懷詩

我所懷兮在蒲坂霍嶽踈峙兮河水混混嗟陶唐兮
無已編采椽斲兮茅茨剪將子行兮路遼遠嗣和仲
兮勞寅餞歌蟋蟀兮嘆於變叶尊堯之典兮俊德顯

其二

我所懷兮在河津載壺口兮鑿龍門嗟有夏兮無已
湮衣食侈兮宮室新將子行兮路阻深砥柱標兮狂
瀾平歌伐檀兮餘風純續禹之緒兮元功成

其三

口方集卷五
四
我所懷兮在首陽左王屋右太行嗟孤竹兮無已荒
粟肉飽兮薇蕨長將子行兮路渺茫植松檜兮冒雪
霜歌西山兮采芬芬崇伯夷之節兮清風揚

其四

我所懷兮在河汾媯妣澤兮大陸平嗟文中兮無已
陵中說廢兮無元經將子行兮路縱橫關荆棘兮坐
蓬衡歌汾亭兮志士民希仲淹之教兮王道陳

霍山謹送歐令紹說考績還

君不見衡山七十二峯何巒岈乃在洞庭之曲瀟湘
之干漢皇移封向江北但見祝融岫樓飛來霍岳相

選盤屏岡主人起南服藏修家住衡山麓一朝為宰
伯在邑恍如故里棲林谷岳神移後鍾休祥君來更
覺六蓼生輝光道化遠洽法令畢張政成報最朝明
堂聲名耿耿動

天子銅章再繒琴堂裡春日舉帷父老迎其棠滿道
兒童喜君侯騰稱召伯棠要使勲業長與衡石同碾

石

秋堂夜試燈彩聯輝喜而有述呈同事諸君子

神京八月開文場虎闈髦士眉軒昂秋堂小試紛趨
踏詞絳筆陣交騰翔漢史載酣傾夕陽燭華燈彩羅

高堂倬彼雲漢回天章炯炯星宿垂元光萬間劈破
 瓊瑤房千斛迸落珠璣囊病夫校理臯比張繞座矜
 珮成千行雙眸對此何熒煌况復彤管連青緗入手
 結曲蛟龍藏敷陳禮樂遵皇王恢弘化理登虞唐胸
 中虹霓出棟梁眼前桃李盈宮墻豈獨奎壁聯中央
 要令日月照遐方聖人嚮離垂袞裳黼黻治具需賢
 良鸞鷲鳳翥咸明揚清光咫尺升廟廊舒華發粹應
 相望照臨海宇開鴻茫經緯天地功無疆今夕何夕
 同相羊心驚目眩嗟非常青藜天祿不足量誰云李
 杜萬丈文光長

詠雲禁體

愁雲酸風暗欲流芳櫛窈窕寒蕭颼夜半寥廓魑魅
 愁隔簾恍惚氤氲浮起來踟躕更搔頭對酒不醅看
 無休初見紛緇散不叔須臾委積連山丘掩霞翳日
 炎奪昨天氣溷淖令人憂細入緯繡織且柔時復崔
 嵬嗟跼蹐飄飄凍合睥睨樓巧裁密綴成綢繆兔園
 芳髯汗漫游對此春思何悠悠因之感念及荒
 年淅水堆觸體凋瘵至今猶未瘳豈復堪此多
 吁嗟黃竹不復謳誰將授簡寫憶憂安得春陽

和風調

卷之六

篇

采菊篇贈火子名坤揚州人

杪秋氣寥寥寒榮媚幽姿移叢植軒楹清妍動階墀
滾滾泫珠露嫋嫋含金吹眷茲駐顏采掇慰所思
芬芳固異種斐亶寧後時攬之復躊躇聊以慰睽離
念子當言邁感物■過期惟人秉天彝濬發固其宜
幾會苟參差遲暮亦奚疑所以君子心堅貞勞自持
贈子比金石歲寒以為師將與松栢交勿使桃李嗤
揮手與長謔明月當前楫

劍閣篇

朱光沉西陸方舟發南紀行遊事遠道飲餞集華綺
流飈激潢潦清露冒繁卉鴻鳧刷纖翎崇蘭結寒蕊
秋氣鬱廖汭子行何迤邐解維滄海濱擊榜巫峽涘
遙瞻閬中山乃在巴西水劍門通井絡棧閣連越巂
釋此簿領憂諧彼林壑美濯髮滄嘉陵佇眄雙玉壘
珪璋奚足戀雲踪自茲始初服歆故廬遺思滿閭里
載歌甘棠詩聊繼峴山軌何以慰離憂修川浩瀾瀾

關洛篇送白貞夫

玄冬帝積霰夙駕事遠道揚旌度峻函光輝動騷

堯族自敦睦春卿富文藻珠璣陳素鏡瑤函和天旋
君本延陵舊裔出洛川妙少保既鳳鸞中丞亦龍矯
君今復炳蔚致身青雲表才儼治安雄末視賈生小
奉使伸遐矚臨睨豁幽抱關洛稱名區賢聖得論討
君乎慎大觀歸奉宣室詔

白雪篇贈初子內濱

白雪霏淅瀝遊子事遐征軒車集郊甸飲餞飛羽觥
躊躇各不發睽携傷友生玉鞭揮白馬金羈絡朱纒
玄雲起西北朔風凝堅氷林樹滃以淖幽禽向我鳴
昔驩結駟遊今悲驪駒聲君子敦道誼離析非所驚

內方集卷六
五
遭感式微軼軻傷素情對酒不復醕人各懷悃誠
之子歸漢溪弋釣川與陵豹隱山霧積龍卧岩雲興
而我方馳鷲遂為名所嬰遠涉慙無梁高騫媿繳繒
相去渺天涯日月淹升沉願言各努力邈矣登前程

蒼梧篇寄顧東橋先生乃翁

未識東橋翁夙沃東橋德二雛何聯翩賢關得同陟
鄙余時抗顏追趨見馴飭問之重咨嗟羨爾家學力
竭來辭將歸翁也躋壽域行行且斯須感此三嘆息
余匪陽城賢子具何蕃識瓊觴薦金醕斑衣照瑤席
矧翁負奇尚矯跡自南粵巖廊蜚英聲郡國奏嘉績
簪組胡遽辭林皋復深戢猿鶴相招邀杖屨遂遊適
清光動少微瑞色耀南極桑梓鎮尚羊蘭桂况森立
引領寄長謠萬里蒼梧碧

今昔篇別西巖子

束髮遊上京識君亦何早襟期藉披豁意氣各浩渺
精廬咨良會勝友集素好綺翰攜春華皇墳事幽討
猥余方振纓過從總傾倒一朝膺愍凶為別固草草
請君起聯翩龍群盡天矯西巖本卓立揚麾拔江表
逕廻金陵署為節歲將老音塵何邈然嘉嶽隔遠道
余茲久沉滯君來慰懷抱奏績升明廷非英書上考

神霄翔鸞爲鷹康莊馳騷襄追趨諧舊歡分攜怒如擣
相看激壯懷重逢首應皓慎矣平生言
雪鴻篇送夏生周還嘉興

飛鴻何聯翩燕關雪如手天寒冰花凝風高塞沙走
車徒候明發子行成抖擻束書入虎關彬彬總瓊玖
橋門春雨鳴魏闕晴霞縵菁莪俊遊中爾獨沾濡久
國器賴進琢洪鐘時復扣眇余耻抗顏安能別牝牡
舉比日趨承愛爾起予厚離睽倏忽間霜煙結衰柳
朔易良透遲川塗一回首琢重平生言太羨與玄酒
朗月篇八月十五夜作時方待對京師

朗月垂圓景崇軒納素輝尊開佳客遠絃激賞心適
流火回虛曜織雲擁紫微寒蛸傍欄語稿葉度林飛
玄鳥先辭宇黃花故倚扉天高過鴈鶩莎短走蚍蜉
哀角綠城起踈螢隔幔微長楊書未奏團扇事應非
穆駿留江郭邊烽達瑣闌終軍徒慷慨賈誼竟歔歔
蘭萎難爲佩絺寒未授衣楚臣悲木落漢掾憶鱸肥
卷幌圖書冷閉門車馬稀二毛感潘賦三徑望陶歸
彈缺何人問湘湄有釣磯

織女篇

明河飛瀉火星滅織雲流巧寶月缺露華梧葉輓轡

寒涼蟬高柳，秋煙結長安。彈缺午夜愁，微雲欲度禁。
垣秋冰簾銀，幌不成夢，仰見織女河之洲。鵲橋逶迤，
水瀾瀾，停梭漫渡。鵲橋水一歲一見，牽牛夫依稀暫。
得今昔，是由來會少，別離多。悵望東西，奈別何。可憐
此會夜，苦短腸斷，雲間第一歌。劍託雌雄，死比翼，覓
裳錦字，年年織，不如不稼河西。夫毋使別離，摧顏色。
歸來依舊操機杼，雲深霧重，牛郎渚。人生相遇自古
難，何必天邊有織女。

夕霰篇送確甫

今夕何夕，雨霰浙瀝。華堂夜深，明燭在席。子有行色，

我心如怒，如怒維何。念子實多，執子之手，慨當以慷。
嗟子純淑，金礦玉璞，楚楚其才。挾華播馥，深鈎遠獵。
淵停川蓄，操履孔嚴。霜寒冰肅，自子之出，夙尚頗。
馳驅正路，逐彼空埃。子以良悲，我是用開。伊昔君子，
秉德植行，隨域成能。隨時宣命，事期於集。職思其稱，
斯彼神龍，無擇淵雲。騏驥在陸，動必軼群。執一葆真，
揚光樹勳。子當盛年，早負修志。閱歷既深，風檢愈厲。
匪直時髦，實維國器。終焉允持，無往弗利。

駐馬篇

熊子之餉邊也，侍御林子何子祖之鏡光閣。

予與太史楊子適負茲約明日熊子來取別
追感往事重以離戚愴然興懷贈以茲篇

駐馬者誰宸杯門我醉蒙頭卧反覆茅簷浙瀝綺窓
白攬衣倒屣走復縮開門氣勢何光榮乃是地曹之
仙客嵩陽之墨卿握手升堂話知己一咲相看天地
傾自言別我何關塞萬里其涼賚大賚

玉皇親賜紫泥書赭纓赤駿輶車載吾聞終南綿亘
幾萬重太華稜層五千仞上有青丹金碧之雲峯地
軸天維勢飛迅太一都前瑤草芳總仙洞裏石月光
衆仙羅列不可到但見仙徒往來霞外搖琳琅文聞

甘涼乃在絕域地重關列堡無烽燧祁連燕支控玉
門黑水流沙繞紅寺青天摩挾崑崙頂冥濛况有崆
峒並黃龍乘龍王母歸青海黃河空潏滓男兒當為
不死謀不爾還為絕塞遊爾今將命向西去風霜萬
里生旄頭拉君顛君莫語豪雄意氣驚儔侶羨爾
逍遙真壯遊媿予落莫悲修阻昨君覽眺鏡光閤平
厓龍首同歡譖城西太史阻幽期予亦風塵滯佳約
騁望空虚才子情讎遊已負招提清更圖勝地再招
致豈意緬邈西南行君懷浩蕩吞冲溶君才卓犖藏
蛟龍盤胸萬斛珠璣落搖華千華煙霧濃梁園舊慕

相女賦金臺今接雲霄步已信貞心出悃忱况有高
懷入玄素論交時枉伯樂眎敢謂襟期重相似眺景
朝為觀寺遊開尊夕過鳴珂里祇今捧檄向邊陲彩
鳳飄飄下玉墀邊臣戍卒盡迎候荒墩野磧春風披
丈夫立志貴孤迥小試茲行還烟烟古來東西南北
人猶有勲庸在鐘鼎憐君遠道經年別七盤嶺上迴
車轍皂蓋翩翩白雲飛錦囊燦爛清霜結紫翠攢峯
拂憶明立馬題詩人盡驚過秦還寄賈生論度闕應
見青牛行送君明日城西路擊筑高歌衆賓顧易水
寒風生玉鞭一聲鴻鴈穿雲樹

踏雪篇送李將軍還河

燕京臘月風雪寒道衝後道冰嶮崦長衫大笠冒寒
至下馬僵立何艱難入門抖擻不相識鬢髮鬢鬢面
貌黑驚眎須臾知外兄上堂羅拜增歎息呼童炙炭
開雙尊凍醅入口不可吞咲予官貧供給薄悲君道
遠風塵昏與兄一別今幾載可憐跋涉容顏改來日
重聞消息安昔時親友今何在天涯此會誠不虞傳
盃共語悲且娛感君憶弟重相顧三千幽楚登危途
憶從獻賦棲金馬鄉人緬邈相逢寡暮誦瑤編秘閣
中朝懸玉佩彤闈下自慶身遭

明主新祗憶江南白髮親雙魚日日望東漢歸鴈遲
迢傷暮春

主恩未報何時去家遠音疏向誰語愁來看盡南山
雲安得回車兼叱馭兄本同根枝葉連見兄如在親
膝前坐久相對兩耳熱白日為我開蒼煙鬼兮兄兮
能暫駐倏忽經旬返歸路咲謔絲分旅邸驩離携更
怨長亭暮吾兄個儻駉驥群年未三十官將軍丈夫
立志在萬里慷慨終題麟閣勛道途往返無蹶躄
跨霜驅踏春雪擊筑還歌高漸離出門仗劍輕
相送躑躅易水濱殷勤寄謝高堂親揚鏹振策

顧惟有風沙隨去人

秋潭篇

錦衣張子善氏舊號快秋予中表弟也問義
於予予謂秋之為氣蕭瑟僚慄宋大夫之為
悲也而顧以為快則是以天地之摧敗零落
者自適非通情也近嘗偕子善登雨花臺望
江流如帶索迴澄澈顧而樂之因誦常建潭
影空人心王勃潦水淨而寒潭清之句乃更
其號曰秋潭夫烁金也水所生也潭又其幽
深者也故空清莫如潭而潭至秋尤冽空者

足以容也清者足以照也深而出之又足以
潤也而潭之時義大矣子善謙虛而文執素
守慤無貴游之習又方事鉛槧疊疊弗倦此
其志與其所造詎可涯涘邪他日為江為海
有必至者而莫非潭之積也以是命號不亦
稱歟子善覺慙然遂為之序而復贈以詩知
子善者聞之以為然否

秋來何地覓幽踪寂歷江潭晚翠重隔浦香分金齒
菡萏籬花簇玉芙蓉沙明雲淨劇飛鷺浪闊泥深護
蟄龍日暮水風俱淼淼獨從天際看晴峯

北征篇

高秋雲朔燧燧紅羽書夜入明光宮

天子臨軒親按劍坐遣制帥提邊戎桓桓制帥多雄
略曾向門庭事鎖鑰選才幕府盛文儒佇見

王師清大漠晨風八月旄頭昏元戎整旅趨塞垣腐
儒衰晚頗奮迅重書捧出黃金門古來憑陵稱北虜
搗穴犁庭昭

烈祖遺孽猶傳台吉名黠酋尚領匈奴部東鄰三衛
西三關就中時覘居庸山即防蜂蟻肆要結更疑猿
狖窮躡攀三邊舊號金湯固承平介冑皆紈袴糗糒

年年歎歲迫干戈種種徒文具受降城中多控絃河
隍郡裡無耕田天險一失障塞徒羯胡一出恣延綿
朝廷頃念邊需困帑藏弘開輸百萬挾纊恩過片語
溫變考思報千年怨材官結束盛鑿鑿健兒身手誇
貌貅塞旂直向燕支窟擒賊先梟可汗頭犬羊之性
本充斥黠颯有技徒騷繹志存剽畧勢倉皇來整部
伍歸跼躅墩兵嗜利隨陸梁閫將失律仍譁張賞刑
須令國典著戰守度使軍謨揚由來頗牧功奇岨羨
若千里專征伐旌旆遙翻瀚海雲轅門輝掩陰山月
安危知倚出群才麒麟傑閣連金臺捷書先傳老使

從為編汗簡光昭四

磐石篇

節彼磐石磷磷天門遙開降星結根峻極嶓岷虬鳳
踴躍猓躡舒華發粹含珍五嶽比德齊靈解玉醴涌
罇湔湔華池清冷引泉鱗羽遊戲藻蘋流瀾激汰盈
川解江海洶洶沂濤長瀨溘溘揚颿中流竦峙彌高
傑若崑崙建標解歆騰靈激填填靈雨冥冥靈露螭
龍翔舞連蜷浸潤下土敷鮮四海交通所驩解垂乳
詰屈如華複洞嵯峨掩霞瓊芝瑤草紛葩顏色下映
丹砂解中有寶璐輝煌言薦清廟明堂祇奉璋瓚馨

香鳴球振珮琳瑯穆愉愉兮神皇六都房顯敞璿宮
鑿者何人鴻濛君子樂胥在中顯光靈德咸鍾仰漱
玉液蘇維延壽萬年攸同七解

金闕承恩篇送趙知縣

文皇定鼎同文軌却向燕臺開漢時百二神京天上
雄九重飛閣雲中起衣冠萬國朝宸旒紫微烟烟
精光浮華蓋遙臨鳩鵲觀勾陳低護鳳皇樓象爰爰
卧襄江曲忽叩天門展遐矚致身已作滄海鱗論才
况抱荆山玉上林迢迢連禁門荔莢雉兔無維樊自
若典司在靈囿羽毛種種何翩翩羯來奏績動天府

百里仍煩宰畿輔賢勞方見馳聲名惠澤應看周疾
苦古人一命不易當君今早已諳官方擁蓋行春入
花縣焚香休沐登琴堂銅章黑綬人爭羨曉出都城
一燕甸馬上迴瞻雙闕遙瑞日祥雲簇金殿

民政篇贈梅子

石樓梅子之教雙流也貞志敦軌敷典迪德六年而
教成監司胥薦焉

詔徵之比至銓司擬拜監察御史

上命更試民命於是擢同知太平府梅子之行也謂
宮采氏曰山不佞賴士大夫得免罪於校茲

天子以山弗閑於治使辱近畿日惟忝明命是懼
山聞之政教異施士民異趨郡校異官吳蜀異習若
是乎其弗相諳也殆弗免矣宮采氏曰夫政教不同
而同道無間於郡校也士民不同而同性無間於吳
蜀也士民之秀也教政之先也子欲為政其在教乎
昔者先王因民之侈也為之賦以歛之因民之縱也
為之法以齊之因民之亂也為之兵以戢之因民之
淫也為之禮以制之四者政之大者也政也者亦正
夫民之過者爾然而六體一其變殊君子慎之而日
著小人撓之而日詘存乎人焉而已夫鉅眇羸縮

之數也低昂出入法之具也勁弱緩急兵之形也損
益沿革禮之度也故其經紀者有道焉猾胥黠吏不
能知也其推移者有權焉拘儒曲士不能行也故章
程焉以示也簿牒焉以稽也期會焉以約也非其所
以為政也是故振作鼓舞也而民興矣匡直輔翼之
而民率矣優游漸漬之而民和矣故猛也者其弊也
過君子濟之以柔寬也者其弊也不及君子濟之以
剛君子之於政也明其道焉已矣反其性焉已矣故
士民不異治政教不異功今子之往也致其志則趨
一趨一者順致其軌則風行風行者動致其曲則令

以公集元卷六
三
肅令肅者從殺其德則化孚化孚者洽政有弗成者
乎故雙流以教然而太平之政具矣太平以政然而
天下之治具矣此歷試之意也行矣勗之

司理篇贈方子

歎方子行之除建昌推官介李子段子而見宮采氏
二子曰方子久畜而晚洩厚植而薄發茲往也願因
以有聞也余既揖之入其眉宇稜稜爾觀其嚴矣論
議纒纒爾觀其達矣器度融融爾觀其馴矣則告之
曰夫理也者將以理已匪直為人理也是故嚴而馴
焉則不苛達而馴焉則不濫可與言理矣吾聞軒卷

七閩兩粵間其民性悍而才武樂爭而健訟理也者
所謂聽而辨之者也古之士師必稱咎繇其道明允
而已嚴近於允而其用則剛可以治悍達近於明而
其用則察可以解爭然剛而束濕薪有可得而撓之
者矣察而見淵魚有可得而蔽之者矣皆非馴之謂
也其弊長獄而滋訟盡委之於民性不可也古者有
野刑有軍刑有鄉刑有官刑有國刑非以樹威也惟
其允焉爾有辭聽有色聽有氣聽有耳聽有目聽非
以炫智也惟其明焉爾故嚴而允者善用其剛者也
達而明者善用其察者也然後刑成而教弼民耻而

內方集卷六
俗興不然聚之園土爲繫之桔拳焉其所懲者亦寡
矣抑吾子之嚴也者其操乎達也者其才乎馴也者
其學乎吾聞盱之地山川靈秀人物清慧故擅雄山
之時峻嶒而砥礪可以廣操沛麻源之流洄瀾而
紆可以廣才探盱江南豐之奧衍迤而博碩可以廣
學三者為政之道而學其本也傳曰仕優則學吾
懋焉豈惟迎刃於理脫穎於盱哉吾又觀其成矣

修篁篇送東竹趙使君觀察江右

修篁植崇岡清風何颼颼高標連浮雲芳根帶寒
歲蕤鶯鶯翔宛轉蛟螭游豈無桃李華遠與松栝

一朝升廟堂清貞比琳瑯竭來復移植榮陰庇南州
峻節自不渝託處非所尤君子抱修姱藐焉寡其仇
端操重遐軌得已復奚求及時宣令名隨地慎徽猷
贈子修篁篇聊用申綢繆


辭

水調歌頭辭七首

脫纓辭鳳闕拄杖到柴關正遇黃虞端拱海岳共清
 安金殿夜歸蓮炬玉苑春隨翠輦長醉醴筵還猶憶
 同遊處華簪挿牡丹展經綸調化育起彫殘却向
 鹽梅舟楫乞得此身閒綠野風煙淡蕩平泉草木扶
 踈舊約未曾寒何處修初服羅浮是故山

其二

樵嶼幽樓處湟溪別有闕却憶垂紳端笏朝野倚危
 安十載經綸密勿一代麒麟勛業收拾振衣還鶴髮



今猶黑髮心老更丹 傀儡場邯鄲夢任推殘占斷
藥洲花塢心與白鷗閒憶昔東書會去而今買棹重
來松籟尚清寒抱膝林邊月支頤海上山

其三

養羸親藥裹却跡掩花闌天上金莖玉露何似得歸
安四海功成調燮萬里心游澹泊早向赤松還旋覓
安斯棗遙尋句漏丹 鍊精神駐顏色起衰殘况是
羅浮只尺鶴老野雲閒朝飲瓊漿石髓暮宿璇房瑤
室七十二峰寒歲歲春宵月梅花滿近山

其四

綵鳳初承詔青牛又出關鐘鼎山林隨分惟取此
安上辦浮丘杖屨徧謁朱明門戶萬里羨頻還五嶽
參天秀重溟浴日丹 記趨朝歸紫閣禁鐘殘一盃
漁樵舊侶海畔咏歌閒林下紫芝黃蘗洞口玄猿白
鹿蘿月照人寒欲問平章事雲煙滿碧山

其五

南浮溟海檝北望薊門關不負主恩臣節去就總
為安香滿宮廷銼幣雲擁都城車馬應似兩疏還咲
采松花老時餐荔子丹 海上風山間月久闌殘百
歲流光倏忽何日是餘閒籬下淵明酒醉洞裏希夷

夢醒那復問暄寒少微牛斗外光動越王山

其六

抽簪辭秘閣祖帳出陽關喜見功成身退况遇

九重安却謝清朝伊傳去作 聖時巢許遙跨五羊

還洞鎖金芝草爐燒雲母丹 鏡裏容簪中髮未衰

殘不入鸞臺鳳閣始覺道心閒管領清泉白石長伴

青松翠竹一任雪霜寒應憶扶筇處青天月滿山

其七

歸來卧衡宇門設晝常閑獨倚南窓寄傲容膝

安乘興携壺植杖隨處經丘尋壑雲出自飛

春疇綠欣欣夏木丹 顧田園撫松菊半荒殘惆悵

心為形役宇內幾人閒且請息交遺世聊復樂天乘

化留去任炎寒賦詩臨曲水舒肅上東山

解舟辭

春曦破凍流江臯遊子辭鄉揚短舫悲離悵別酒不

醕楊纖柳嫩春風高榜人停柁縮長纜欲發不發心

透遲梅花半落生芳杜躊躇愁滿清江湄驪歌宛轉

琵琶嗔腸斷一聲啼鳥頻錦帆背日順風度岝上車

馬空逡巡雲夢城邊漢水潺湘靈祠前楚竹斑暮雲

萬疊月千里洞庭春浪衡陽山

卷之七

樂府

秋胡行五首

遊心澹泊富貴安足欽
遊心澹泊富貴安足欽
道高名榮君子所任
鳥獸雖樂爵羅在林
肆志者貧賤時
為梁甫吟式歌以咏
富賢安足欽

其二

驂駕飛龍車翱翔於八荒
驂駕飛龍車翱翔於八荒
周覽五嶽可以尚羊
濯髮咸池息駕扶桑
仙人奉延年永康式歌
以咏翱翔於八荒

其三

服食日月精遊神於太玄服食日月精遊神於太玄
保合冲和要道不煩鍊形駐色自生羽翰升降紫庭
凌屬崐崙式歌以詠遊神於太玄

其四

徘徊閭闔登陟太微宮徘徊閭闔登陟太微宮左排
赤豹右挾青龍三辰奠位列宿麗空照臨四海靡不
融融式歌以咏登陟太微宮

其五

思沐芳華采擷蕙與蘭思沐芳華采擷蕙與蘭芝生

汗塗不如草菅君子慎交小人偷安琅玕之實集彼
鳳鸞式歌以詠采擷蕙與蘭

蕙歌行二首

星流節變秋氣清霜露慘澹百草零商飆西來吟我
衿祥燕辭宇陽鳥鳴嗷嗷天外流哀音蘭閨窈窕朱
戶扃蕙帷瑶席朗月明佇望不見勞屏營曳裾躑躅
步黃庭仰視牛女縱復橫參廵斗轉河漢傾緘書未
寄傷五情江湖邈絕無人行含涕掩抑空悻悻願為
流波逐浮萍

其二

遠與君別天各涯長路聯阻未旋歸秋蘭被徑露
飛草木隨落流光馳長夜思君君不知會稀別促愁
如俄而來淚下沾裳衣援琴撫節彈清絲長歌度曲
哀音送調高絃激和者誰含啼歛怨非昔時明月皎
似星薄帷思君如月虧容輝攬衣出戶步莫移玉除
葉落露未晞羅繡繡帶涼風吹

善哉行

置酒高殿車填馬多繁音會舞柔曼且和解月短夜
長逝者如波何以解憂秉燭來過解二松柏崔嵬施彼
女蘿心所相矜則莫我遐三浩野川流止于中阿慊

慊君子惟以嘯歌四解相期泰山靈闕嵯峨中有仁
服食丹霞五解廣成羨門至道不頗授我神藥顏色光
華六解鴻飛翩翩安知弋羅保合冲虛可以靡他七解

上留田行

涕泗一何彷徨上留田居者粲粲衣裳上留田行者
裘回履霜上留田獨不念所生上留田葛藟蔓蔓施
于中林上留田枝葉聯翩如雲上留田傷哉莫知我
心上留田

猛虎行

猛虎何斑然飲我山澗泉一嘯谷風冽再嘯白日昏

剔牙怒其尾躑躅行我田我田不足卹所嗟在豪賢
彎弓思射之畏子不敢前疇能捋其鬚使我中沸煎
行告泰山靈滄海浩絲綿仰視隼黃鵠高飛眇翩翩
鵠飛不顧反淚下如洑瀾

夷兵行

肅肅觀君子金朱八桂先衡雲湘月遠雲邁况復奉
毋挈妹勤周旋片帆初上巴陵道楚纜吳檣鋪水隩
傳聞江上夷兵來驚形狼性多侵暴憶昔郴陽飛羽
烽燧高王臨赫蠻臨山猛中丞元老猶克壯但見
兇窺服喙息驚繹騷師還復濟沅湘水洞庭汗瀾

崩摧廓清已紓廊廟憂喧傳猶駭道路耳嗟爾夷士
雖勇驍異類殊種悍且驕國家養兵如養子何事
功復假與獠我聞捨攘重感慨予于拘掩勢狼
輕颺緩浪不可發棲遲南望真無奈我昔送玉京
我雲夢城中原豺虎避兵翼江漢羽檄聞縱橫江海
一旦嗟落魄遼邈炎荒近夷貉持書不見上林鴈拊
膺空念揚州鶴瀟湘美人那千里腸斷岳陽樓下水
風塵荆北悲仲宣阻絕夔西愁子美母兮勿憂妹勿
傷邂逅應看桃李香聽我狂歌且將樂更有簾舟江
波淼淼山蒼蒼

潮陽太守行送鄭長溪

吾聞潮人號殷富君也耿介懷冲素吾聞潮政健且繁君也簡易無苛煩移風易習稱善治峻節閔才驚俗吏循良行羨著專城盤錯應知別利器君不見二千石去一萬里路比昌黎更迤邐鳳城文物異昔時倚藉名賢世所喜從今島外儒風揚豈但溪邊鱷魚徙又不見海氣勃勃天風颼颼鯤翻鵬化滄溟不流好轉扶搖上霄漢莫道天南寂盡頭

兵書匣行在永州

驟雨急瀨舟不前推窓看山山蔽天崎嶇百丈絕巖

巔嶺疑鳥畏驚回旋隙處一片如掌平上有巨匣形依然四稜剝削斤斧鑄撐雲拄霧竹木穿相傳中貯蚩尤篇鬼呵神隲凋芳年上棲蛇虺草樹懸清湘下湧鯨與鱣行人欲取愁攀援時或怒引千鈞弦至今夫落荒厓邊湮鬱不使文字傳相逢恠歎看流連嗟誰構此跡已仙憶昔洪水未消神禹造五色已煉媧氏捐不然圮上老人袖書去空囊棄擲隨風煙不然公輸已老工師死遺技尚或留山川於乎神恠不可識殷勤寄問山中泉

觀察行送刑北岡

巖巖燕關高稜稜烏臺彥揚旌指旣越載道集道霞
埋輪亦何雄臣職本諍諫持斧入兩川山菁盡回煥
且攬東吳響風聲動畿甸畫舸時經過祇奉動
宸眷一朝副越臺金紫照竹石壑架飛梁岩雲宿
征鴈雅節爭嶙峋崇德豈道宴廊廟需時賢君才况
精練許國見襟期業勲重青汗馮唐老從臣慙愧何
由薦

折楊柳

長安二月春風襲長安萬戶花香入誰家樓閣起通
闌當牕楊柳柔條澀樓中少婦嬌可憐攀條攬芳艸

窓前紅顏綠葉宛相映人離物換悲芳年憶初生長
深閨裏掩殺垂綃羨旖旎玉鬟拂拭高唐雲花容掩
映瀟湘水十三學刺翡翠裙十七學織若蘭錦冰紈
霞綺當機分自憐蕙質還深處金屋珠樓會相貯寶
月瑤華不下堂龍香鳳炬猶臨杼搗來二十嫁夫君
詎意陽臺隔暮雲青春鏡匣慵相啓永夜篴篥那忍
聞篴篥鏡匣芳塵濺逾年未識夫君面黃金無計賦
長門輕紈空自題團扇樓上纖腰鬪曉風樓前楊柳
花濛濛去年曾折一枝露此日重看烟月籠去年此
日頻雕謝棄置光輝不復藉薄命應難結所驩微軀

未敢攀高駕貞心仰視碧漢秋十二巫山入望愁夫
君亮不衣黃裏賤妾何當賦白頭

贈友思歸行

南風拂戶庭柯蒼鬪人憑几懷江鄉鳶魚茫茫動七
澤水雲鼎鼎開三湘荆山郢樹總雄傑清夢年來驚
披閱就中者舊誰最賢鹿門桑苧稱幽絕翻飛黃鶴
樓臺高鸚鵡一去空煙濤烏林赤壁竟寥落惟有坡
仙泛舟舉酒沾青袍君才穎秀人爭羨三年粉署恣
歡燕鄙余沉酣金馬門衰殘更直銅龍殿新詩傳來
鸞鳳鳴鄉國頌使客心驚况復臨風送阿買便寄

臯蕙畝飄然獨着荷衣行

陶生行

陶生將種負竒質其貧履素惟謙虛橐戈不受將軍
印橫經惟曳儒生裾草堂竹牖交樹色閉門鑿壁藏
修力龍蟠鳳隱性難馴金礦玉璞人未識竟陵太守
海陵賢片言投合偏爾怜英眇長流國士上蜚聲迥
出諸生前去年我辭金馬署開徑惟君日相聚載酒
空慙門字人抽毫時羨凌雲賦邇來四海文教敷中
興禮樂登黃虞聖明每下跡躋詔鴻儒往往徵公車
祗今岩穴無散逸秋風况遇賓興日鵬鷲得時看迅

騰驤裹絕塵美奔軼男兒厲志堅且雄出處肯與流
俗同許身契稷豈徒貴勒銘鐘鼎須無窮連年已見
雍梁旱昨夕揆捨掃天漢廊廟雖餘康濟畧閭閻尚
起乖離嘆仲舒本負天人才賈生長切漢廷哀要使
顛連盡蘓息坐令玉燭照春臺林丘予卧經十載志
業摧頽毛髮改送君努力毋相忘萬里雲霄接滄海

憶桂行贈馬翁

君不見桂峰乃在五嶺前巖岫玲瓏日月暝垂蘿滴
乳飛香泉海郊南控蒼梧景湘水東連斑竹煙迴谿
峭壁不可以直上玉梁縹緲丹梯懸我昔乘舟南適

越正爾清秋桂華發酒酣凌兢登翠微風洞星巖坐
起忽恆疑身世即丹丘麋鶴招邀簞桂留彈琴時到
韶音洞作賦先登叠綵樓風塵一別今五載川迴山
深夢未改因君復動滄洲情桂枝茂翫邠能采送爾
乘槎下斗南猿啼鴈斷阻層嵐豸衣行映枕柳葉錦
纜遙牽鉉鉞潭人生勝地莫相負吊古尋仙無不有
明到壺天躡綵虹為問月洞雲扉相憶否

覽秋行

張君手持三尺素向我掀髯索題識病來屢審事藥
物縮氣垂頭無一字開圖忽覽秋意虛山寒水碧水

落初就中華桂雜短菊美容黯淡芭蕉踈茅亭閒敞
隔林數朱琴寂寂倚窓牖花外何人踐綠苔白衣為
送王弘酒我今蘭臺紫府僊卧病擁塞湘江邊地僻
頗恠少遊眺愁多自嘆長迤邐披圖如在冰壺裏况
逢落鬼張公子公子蕭疎書畫幽揮毫濡墨為君起
君家遠在金陵都錦衣世世執金吾能文不改故家
俗射策屢屈江東儒祇今下泛瀟湘舸楚雲漢水何
裊娜坐我西軒拍我肩酒酣意氣非瑣瑣君乎人生
富貴自有時折脇拉齒何足為李廣不逢漢高帝霸
亭夜醉無人知少時立志自慷慨平生勛業在南海

銅柱初標金紫榮乃知器大終須大男兒當求不極
名眼前襍穢誠足輕霜松雪篠保貞槩肯與腐草爭
華英君不見秋來百卉盡凋換何物青青捷竒榦豫
童連雲豈易成絲苓入地應難斷君乎此意知者稀
戢戢翩翩事已非收鬢歛翼且深蟄鯨翻鰲掣須橫
飛看君此圖發幽調窓前月色迴清照勸君不須展
玩發長嘯野狐跳梁山鬼叫

三山行為平厓林子從父作

朝望三山隅隆高散雲光中有松喬子飄飄蘭桂纒
矯志蹈虛廓遺俗遠自減服食瑤圃華仰漱沆瀣漿

容髮曜春歲延壽綏樂康乘躋追九仙游日滄海洋
飛駕翼兩龍歛儵造崆峒顧視四海涯局脊安足翔
之子秉玄尚軌路阻以長我思鬱煩紆煩紆靡所將
願言附風翮悵此遙相望

苦寒行十首雪夜作

凍雲忽釀西山雪入夜瓊瑤落鳳城十里御河冰不
散龍旂虎帳尚南征

其二

燕京仲冬雪始落裊雲停日更含風未安今作天
客高卧還聞塞上鴻

其三

燕京女兒嬌不顰雪花遙映靚粧新貂裘繡繻青
上不信關山踏雪人

其四

寒風初起塞塵多積霰沈雲鳥不過遷客敝裘秦嶺
外將軍半夜渡交河

其五

絳燭金罌擁紫貂侯宮戚館互招邀兒童掃雪還相
笑莫作冰山恐易消

其六

內方集卷之九

帝子鳴鸞獵騎迴雪中鎧仗錦成堆彎弓射虎誇名
將授簡題詩羨上才

其七

雪落陰山冰不消羽書遙起霍嫖姚秦皇漢武綠何
事莫遣將軍更度遼

其八

抱雪長安風雪時胡笳羗笛不勝悲寒鴻遠向江南
去泣盡瀟湘班竹枝

其九

寒夜孤燈彈缺初病來息馬復懸車雪深誰作梁園

賦鴈去空題北海詩

其十

滕六飛來雪霧黃山僵海凍日無光行人莫嘆
至昨夜西風已覆霜

今昔行送許立東

憶初弱冠趨京華與君出入隨塵沙時危事艱何踟
躑春風寒冥長安花重來邂逅隔廿載看君髮變余
顏改高齋夜語蠟炬殘回首龜蒙接滄海人生踪跡
如飄萍昔憂今樂無常形思親感舊淚盈臆當時往
事空冥冥憐君高義開芳席連夕况逢寒月白明發

內集卷之七
徘徊送歸客杳杳霜林遠山碧

歌

瀛洲醉學士歌

晉陽啓祥瑞圖協神堯御極群氛息濟世原歸龍鳳
姿開疆實造苞桑業唐國初承寶曆新秦邸高標天
策勲暫解秦韃出行陳旁搜墳典徵儒生城東大關
文學館英才盡入登瀛選曳裾躡履盛文儒訂疑發
難恣雄辯夜分直宿清晝同更番迭進延接隆瓊筵
往往陪飛輦珍膳時時出內宮玄齡善謀如晦斷世
齒五絕稱獨冠思廉勁節奪虓虎敬宗著作馳篇翰
辭家雜比雙鳳皇蘓卿意短名何長志寧藻鑑識羈

綬守素肉譜知宗祊希明元朗富才學文達穎達多
辨駁顏蘓李蔡各有能恩光禮數同優渥伊誰親此
筆力精紆朱拖紫差分明醉中意態更瀟灑宛如立
本初圖形滿街燈火紛相逐月斜斗轉朱門夜車填
馬湊縱喧逐始是承恩開宴罷前者垂首欲墮鞍後
者擽地如連蟻就中攬轡不能上僕夫共舉肩輿還
傾歎潦倒各歸去掀髯拂袖咸相顧蕭散寧殊金馬
門清華堪比玉堂署一時光寵誠陸離道途盡詫遭
逢奇君王功成就藩服招賢納士應何為衣冠十八
徒遺跡紛紛半是隋陳客敬宗一言禍唐祚志寧下
仙島豈徒爾披圖撫事空茫然

漢江歌十首

荆山郢樹照南洲江漢滔滔天際流神女不來雲雨
暮騷人一去蕙蘭秋

其二

沔陽之水接潛沱撥棹仍衝三筴波行吟詞客
去卧聽孺子滄浪歌

其三

竟陵城北山葱蒼上有野寺高琳瑯千障雲霞繞洞

山萬樹松杉佛殿長

其四

漢水西從嶓冢流蜀江東連雲夢洲有時蛟龍鬪風
雨恍惚疑是楚王遊

其五

清江抱村村樹齊水風不動浦雲低嬌女刺船深港
裡聞歌只在芰荷西

其六

十日放船苦煩熱白舫青簾奈若何沿江豈無好高
樹岸崩沙崩不敢過

其七

太白連夕太光芒當舡欲墮雲蒼涼祇愁塞北烟塵
起誰信江南民社荒

其八

漢水東連吳楚中陽翟賈兒呼北風舡頭帆擁浪花
白柁裏纜牽菱葉紅

其九

江白沙明雲樹紅打鼓鳴橈來岬東誰家女兒太癡
看郎刺舡高浪中

其十

午時掛席芙蓉渡薄暮牽纜葫蘆灣順風逆浪何意
緒開窓獨看江雲閒

城陵磯歌

城陵磯頭石嵯峨荆湘合抱流江沱上有巴川下吳
楚帆檣森削如蓑柯商人盡是陽翟賈揮金著綺紛
相聚岬邊爛熳水竹居捲簾時問商舡估合江勝覽
二樓樓參差俯瞰長江結構奇尋酒覓酒登遊客六
博泉盧輕薄兒青樓十二臨谿水掩蔽垂羅闥紅紫
翟家湖邊山似屏李公堤上花如綺芳洲宿莽輝春
臯白沙青岸隔烟靄驚風萬里不能到登傳直可定

一艘此中地勢天應造我來遊賞持所孝折得梅花
日欲曛山深忘却已陵道

清湘歌

湖南才子湘川裡閒與春風弄山水芳蘭已老孤纍
愁玉輦不還二妃死刺史書堂晝自開主人錫杖今
飛回寸月亭中鶴初放萬象閣上雲歸來巖扉石洞
烟霞鎖滴乳浮香花萬朶春湍溢涌百丈灘翠巘青
空森不頗樹倒崖欹鳥鵲驚時見蠻獠負弩行烟消
峰頂日初出雨歇山腰雲更生薜蘿老向枯松縛澗
花冷共幽泉落射工沙虱伺江臯飢虎窮猿嘯林壑

四才集卷七
十五
回首春江波淼淼七十二峰飛縹緲松杉十里楚客
行鷓鴣一聲山月小

翠竹歌

漢濱老人髮垂白茅屋柴門自胡空庭朝夕削琅
玕龍琶連蜷老鳳融公子愛幽寂駐馬遠傳論入門
恍惚洪園勝翠霧蒼雲滿院春翁方坐藁皇矩褐接
羅巾逍遙獨愛吹笙客瀟洒應憐騎鳳人憶昔孤根
託九嶷冷霞冰霜姿鳳鸞對對巢新穉翡翠朝朝栖
故枝仙人爛醉蓬萊境帝子遙憐太液池蒼梧迢遞
二妃死空林寂寞七賢徙花臺烟月悲王喬蟬谷風

雲憶邵子一朝移植到名園桃紅李白總無言三河
少年春服艷十萬丈夫兵甲翻碎玉鳴琮琤朱簾醉
鸚鵡晴搖兔苑風嬋娟夜泣湘川雨苞鳳初飛歲
新籜龍未老莓苔古開樽欹枕漢崢嶸神采颯颯凌
太清虛牕明月寒無影小院輕風夜有聲君胡獨知
此皎潔心相許直節虛中意氣清奇花名卉何足視
玉川子丹丘生烹香嚼翠冰雪瑩坡翁食後已無肉
子猷到處偏留情我昔抱仙癖對此拂塵纓長嘯孤
鶴舞一醉千觴傾題詩刻竹不歸去與君同結歲寒

盟

粵南歌賀高將軍

粵南風火飛烟起簡書半夜來千里中丞草檄細柳
營十月王師渡湘水漢上將軍飛岸軒金戈銀鎧到
轅門珊瑚鞭鞚黃金勒風掣牙旗湖海吞錦袍羅襦
橫瑪瑙寶劍韶弓勁秋草躍馬長驅虜盡驚提戈一
拍山應老營中置酒琵琶勺擢輸帳外亡風塵天王
縣賞待豪傑九重樓閣盡麒麟將軍少年功不伐定
遠威名滿胡越歸來暫止岳陽樓相逢且醉江頭月

秋浦歌送劉亦敷赴東流主簿

秋浦似湘浦迴合谿山幽青天張畫圖美人成薄

千里嗟飄轉吳江水落石瀨淺鯢鱓不盡冲夫力濤
激波翻有時展長劍掛空壁明珠淹泥沙不隨日邊
杏去種江上花搏擊豈少鷹鷂志簿領還當鸞鷟
擊筑別都亭揮鞭向郭里清溪倘遇謫仙人脫去
酒同驩噉古來賢豪徒多棲棘與枳漢有仇香晉有
鑿齒至今青史稱高士君子行遠聊自適

雲樵歌十三首

斲桂鋤松萬壑前山深鎖日不知還谿雲有袂裊復迴
磴蘿月冥冥垂暗泉

其二

內方集卷七
鮮結山中麋鹿群
澗泉深處獨揮斤
歌聲搖落烟霞外
望盡青山不見君

其三

陰陰蘿洞敞
岩扉萬樹千峰啼
鳥稀人在翠微歌
棧樓不知秋露濕
荷衣

其四

漢上先生白接羅
採樵常恠出山遲
已向咸池塞若木
更從縣圃折瓊枝

其五

何處老翁餐紫芝
清泉白石映鬚眉
偶逢不敢問名

氏且看巖頭一局棋

其六

短笠長蓑雲霧開
出山入山麋鶴猜
溪邊一夕秋風起
黃葉滿林君未回

其七

樵罷攀蘿上翠巖
仙人白鹿紫霞衫
相逢贈我玄玄術
金檢瑤編碧玉函

其八

會稽樵客不差貧
道上謳歌去婦嗔
一旦佩符歸罷日
馬前方識負薪人

其九

仙人樓閣九天張
桂作榱桷杏作梁
憐君材是干雲者
何得塵沙伴野棠

其十

躡蹻揮斤上翠微
松枝常掛薜蘿衣
迴看下界不知路
雲破林開始得歸

十一

靄靄雲林虎豹啼
陰陰巖洞薜蘿齊
枕薪藉草卧初起
長嘯歸來山日低

十二

大別山高漢水東
松杉繚繞亂雲中
君看負櫓行吟者
何似當年荷蕢翁

十三

裊裊烟蘿細可捫
採樵歸去夕陽昏
山迴溪轉無人跡
一木橫斜石洞門

沙頭歌四首

岼柳溪桃春可憐
沙村漠漠浸湖天
魚罾斜掛洲前月
賈舶遙炊日暮煙

其二

江漢濤翻楚澤東
沙湖迢遞宅魚龍
九真山下桃花

月三汜河邊蘆葉風

其三

鮫女蘭舟桂作橈水光顏色不勝嬌
尋珠窈窕臨流照勿墮釵頭覆鳳翹

其四

水月江雲鴨鶴鷺浦離岬芷
睡鳩鶻蕭條獨有千里客怨綠愁紅無限情

竹居輓歌

寂歷春漪老修竹白雪紅霜飛
嶰谷烟銷雲黯鳳不來葉落叢稀
怨淇澳潭空秋月明寒飈颭
沓蒼龍聲

嬋娟啼盡湘娥血縹渺堪愁
王子笙

張山人儼松亭歌

泰山之高高插天日月黠澹石倒懸
花岩紫嶼萬壑暝老松如龍龍亦顛
翠黛紅濤飛碧落霜皮雪幹同芳妍
盤蘿密散天門雨樛枝遙掛諸峰煙
山人愛此松攀拳脫帽掀鬚松廬眠
江湖歸去日迢遞雲林縹渺空嬋娟
誅茅結亭傍巖谷山松彷彿當亭邊
霜宵木葉衝簷落月夜清陰入牖團
舉杯猶憶見滄海拄杖時疑臨水淵
竭來遊衍觀幽朔山松隱隱當市廛
興豪已買登山屐醉後長歌望月篇
山人好奇恣往

還愛松擬松何留連大夫封後祖龍死茯苓琥珀應
千年胡不服此壽命延洞天玉闕邀神仙風塵落魄
空茫然無由復至秦岱前洞中石牀風自掃谷裡桃
花春更鮮憑君寄語赤松子持予同上三峰巔

好古先生挽歌并序

先生今大中丞陳公祖也以詩名為蠡吾掾
欲滿之京卒任城南旺遂焚其柩瘞古廟邊
七十年今中丞為工部始負歸姚江與厥配
鄒氏合窆桐湖之陽初風雨大作比葬而止
事已復作人謂公孝誠所假也

粼粼濟川水厥草莽以紛古廟臨巨湖榜有孤客墳
客家何遠遙玉骨隨烟塵文字滿鄉縣行誼追古人
那知生死別淒涼七十春姚江豈不哀涕望嶧山雲
千里負遺骸辛苦哀厥孫歸來駐華表合窆桐湖濱
豈惟慰同穴首丘亡夙嗔念昔詎不悲撫今良痛膺
涕言徹冥漠回此風雨聲歎歎賢喆今古同沉淪
寄言負骸子收涕勒膚勲天機燦雲錦早晚照窳窳
張翁挽歌并序

張翁輓歌悼僉憲張公之父也翁貧而食力
抱樸亡華有桑三百株人盜之不問且畀以

美材嘗之野得遺金不發囊悉以還主翁所
謂隱者歟

素驂發萬里長旌陟崇岡中闢涕哀響歎息丘與京
睽茲灌園叟抱甕靡所長化疆詎中怵苟得寧允臧
桑林斧桑條郊野被遺光嘯歌率天性驚佻非我情
感此重嘆息遺德能奈何悲風落宰水薤華淒露多
昔賢今逶迤淪沒同烟沙哀哉拊心予巉巖泣山阿

徐州萃墨亭歌

吕梁波跳石欲裂東來百步仍橫絕白晝黯澹風雷
驚扁舟未濟孤愁結水曹忽致雙鯉魚中有安成郭

史書太守風流今緬邈空餘勝蹟留淮徐憶昔風流
在山水紫蓋朱輪時至止雲龍山人同讌遊袈裟更
有參寥子聯裾把袂到河邊明月正出黃樓前太白
一去宗之死此樂蕭條三伯年大書高碣石磊磊豈
知汴泗成滄海沙礫銷沉琬琰愁暮苔剝龍蛇改
千秋異物誰能獲鯨鯢晝泣波濤劫光靈欲比泗濱
磬惠愛寧殊峴山石水部風流勝昔人結亭貯此臨
河津雕飾再煩補天力呵護不用鬼與神更將諸刻
畫磨礪無數琅玕積高棟開戶時聞翰墨香登堂似
覺蛟螭動我來不與新亭賞聞此徘徊重慨慷遂令

險阻迴安流，羈懷旅思能閒敞。十六字三尺碑浮沉，
頭晦非無時。主人賓從今何地，惟有濤聲月色知。

武夷攢歌四首送建寧周推官

攢峯沓嶂，闕玄靈，繞澗飛泉。曲曲清君，駐輜勞問，舊
侶山川，猶自識先生。

其二

秋澗遙停九曲，舡雲光嵐色滿。修川開簾，憶紫陽
興鶴駕，冥冥凌紫烟。

其三

石林高標天柱，峯虹烟縹渺。麗秋容，板羅直上三千

丈長望，燕闕百一重。

其四

聞道龍湫落紫岩，石羅瑤草自毵。月明風淨秋如
洗，三十六峰搖碧潭。

勤王凱歌四章為廣昌令作

南州大將掃兇氛，插羽遙徵龍虎軍。角鼓夜喧廬阜
月牙旗，晴掣楚江雲。

其二

戰艦征帆江上來，揚旂撾鼓勢如雷。降王謀業緣何
事，十萬蠻兵頃刻摧。

其三

湖上樓舫殺氣摧水軍百萬廣昌來九江城作屯兵
地五老峰為繫馬臺

其四

水映旌旗日照營談克復豫章城金城錦綉相塵
淨天子親開麟閣迎

嗟

登山嗟

岷嶽兮岍泐谷轉兮陵起足躡兮星迴日瞥兮雲視
挽松桂之偃蹇兮撫菌桂與杜蘅攬薜荔兮予以為
帶兮集蕙蕝以縑乍噉吟而比嶠兮儵碗碗以砢砢
墮嶺曲抱而迤邐兮啟玄岩與丹窟鳥嚶嚶於灌木
兮鶴翮纏於高原鹿麋麋飲此流泉兮蜴蜥穴處
而蜿蜒黃熊綠熊齧談以伺人兮狐狸而綏綏九尾
獮獠蝮蝮之嗥嘯兮鼉鼉空而無技予將偕樵子以
入雲兮又聞牧犢之謳吟陟從龍以晞髮兮俯瀝澗

而滌纓望春艸之萋萋兮塊予心之踽踽忽飄風之
自南兮聊嬋媛而容與

思越嗟送上庠洪子歸杭

昨泛西山湖歸來送遠別因君憶西湖見此燕與越
燕臺何岩堯塵空久汨沒眷彼西湖勝空明滄超忽
羨子鍾靈秀曾中幾溟渤朝遊燕闕迥暮返越山碧
扁舟湖上春一攬雲邊月龍蟠石潭幽豹潛岩霧黑
高翮在須臾去忒慎明發何時浮海槎相將濯玄髮

文

悼湘文

歲著雍攝提格正月既望維舟沔口有祠神
絳衣金幘焚檀薦精張燈燃炬鳴鯨擊鼉以
楮為舟環而謹之有祝氏執冊誦焉怪問其
故老叟隻曰此祀者為屈大夫大夫齋志自
沈故有兢渡之事今茲上元之夕舉焉以禳
沴而迎祥也予曰嘻楚人好巫豈為是哉大
夫九歌之作患也而假之以巫禘焉胡不諒
若是大夫有神不為淫祀享也作悼湘文

猗先生之皜皜兮揚厥靈於沅湘長齋志以深蹈兮
瘞玉佩之琳瑯九歌惋其於邑兮羗綢繆其吾未已
辭有婉而維則兮情有寓而唯似眇九閭其莫之叩
兮阻赤水於流沙豈龍輶之可駕兮望崑崙而畏賒
蘭幽柔而莫紉兮吾固知惠之不可縷効彭咸以抗
節兮終逍遙於舊鄉何斯人之弗諒兮蹇獨要之以
濁觥衆呌呌其奚為兮托魍魎之不情彼九辯既覺
亶兮魂夷猶其不可以招維大夫之潔白兮蟬蛻穢
以飄飄粲陳糝而薦椒兮焱遠舉而長逝嗟先生之
偃蹇兮鬱終古以侘傺已矣哉世溷濁其猶初兮誰

知吾之修能吊江臯而躊躇兮水潺湲而月明





卷之八

賦

感別賦并序

序曰夫離攜之感友生共所悲也况乎割席
 分簪辭群棄好慷慨之士不能無懷矣夫子
 立易敬踴行多蹟誠以特足者貴輔冥赴者
 貴引也管仲尼表德於益友子夏興嘆於索
 居豈不以良朋鮮遘峻德難成者哉是故鍾
 期既去伯牙絕絃晏子弗辭越石請去何也
 感於已知而郅於不已知也是故編椽未管



NATIONAL CENTRAL LIBRARY, TAIWAN, R.O.C.



爨釜餘薪遭時則聲諧雅律質配君子純鈎
 鏤錫泉阿湛盧世無風胡薛燭不過汗塗而
 已嗟乎此仲舒所以感賦於不遇也若乃鴻
 鶴翔燕雀莫知其志騏驎千里駑駘罕並
 其為顧非其儷已然秋蓬倚麻句者為直秦
 華載木卑者為崇託處之道然也是以清濁
 並吸危間所以廣匯流為交瑳璜琚所以榮
 輝故聖人之於君子有容衆之
 以廣教而弼德也龍湖君淵尚之操黼藻之
 才器本廟廊名颺霄漢如僕錄錄本非儔匹

也然託附登朝猥先下榻入造金閨則聯珎
 接席出辭瓊闈則並轡齊軒加之形迹靡存
 肝膈既晰言同如蘭之臭行愛麗澤之益自
 是交離可罄永以為好矣今君辭闕造湘投
 榮鮓寂揚舲江湖莫知其遠託跡山林伊深
 而密夫應龍之蟄以時梅也冥鴻之舉奮其
 志也是故秦者無所試其術羅無所施其
 功豈非蓄冲天之翎養乘風之翼者哉夫契
 深則誼專跡近則情洽臨歧送歸踟躕多感
 把袂贈言款款彌篤翰生之交孰無嬰懷是

以易水悲歌壯士為之愁髮河梁執手遊子
為之徘徊矧夫怨流去際恨生別外者耶夫
匹鳥翔霄臨風必顧其侶孤獸在野伏草思
索其群物之情也故千里論心有如抵掌因
風想故形神如在豈以遠近異情聚散殊致
哉嗟乎忠臣去國不渝其節達人體道匪徇
其名勗哉令德難崇清時易擲行矣自愛倘
策桂未招則東山難卧矣空谷之駒愛而莫
養豐城之劍離而終合於是感而賦之匪且
言別意申父喪云爾

夏悒悒以赫蒸兮鬱繁卉之區藹表朔旬之遠滬兮
易漾泫以瀾灑炎焱發而碭駭兮暎朝出兮照臨飭
祝融使先導兮駕飛廉與豐隆驂玄螭而服瑤象兮
載蠖絡之龍輶揚桂旂之蜿蜒兮樹翩翩之翠旂冠
切雲以岌業兮佩瑤琚之委蛇襲蘭衿以芬菲兮撫
湛盧之陸離乘玄駟以馳騁兮日維戊兮君以行蹇
朝發此幽都兮夕弭節於瀟湘雲晡霽以承蓋兮颺
芳塵於車下登遐隴以佇睚兮將以送夫遠者折瓊
枝以為臚兮攬蕙滋以為贈傷既祖而將發兮心嬋
媛而靡定開廣筵之秩秩兮屯衆軒之繽紛斟桂漿

之清涼兮蒸蕙肴之芳馨
絙瑤瑟而高張兮鳴笙篳
而交鼓揚飲謳以緩節兮
羗窈窕以會舞飛觥引以
之方僕夫告余以夙駕心
繼繼而難言兮將以繼
之登修途以發軔兮摠若
轡以上下余令鳳凰
之及謂余以不諒彼鴉鳩
之佻惡兮非余心之
以傲詞兮眇莫知其所云
也指皦日以嵯峨陳蘭橈
而玉鎮兮爛雲霞之旖旎
惹珩鳴而有踰兮曳織裾
之嫋嫋徽人望余而含睇
兮蹇又詒以芳藻既綢繆
而目成兮胡猷豫而遠去
不念管而

余棄兮胡不察夫下女余
既悲金蘭之伊阻兮悲修
能之日隊衆眩矐而溷濁
兮孰云寤而不念慈彼慢
惛以背偈兮余又焉能忍
而為此態君獨察余之中
情兮排溼霧而下招遠追
趨於閭闔兮聊遲遲以道
遙登雲達之逶迤兮齊玉
鑿之鏘鏘躡天庭之清塵
兮望青雲之未光捐微軀
以相從兮日高穹以為期
資靈修之浩蕩兮芳耿耿
其猶未衰伊流水之絕响
兮悵心期之莫同也彼樹
中之其饑兮亦所交之忠
也臨周道而不見兮胡寧
忍而釋此嗟山巒之遠遠
兮羗形往而神還望瀟湘
之淼淼兮木葉下兮洞庭

湘娥鼓瑟兮九嶷揚靈君臨睨以容與兮豈遺世而
逃名懷若心之耿介兮蹇留而惆恍目眈眈而延佇
兮情慘惻以獨往覽松桂其莫攀兮豈能服乎蕭艾
汨吾從此鸞皇兮高翱翔之翩翩揭太乙之靈旗兮
違招搖之洪旃服白霓之裳兮披紫霞之衣折鄧林
以為策兮命織阿以為御天吳為余奔走兮玄冥為
余先路周崑崙與咸池兮歷縣圃而遵赤水采若木
之芳桂兮餐瑤華之落蕊吾將超混沌而凌鴻濛兮
吸日月之元精揭斗杓而射撻槍兮使夫玄化之謚
寧又恐世之謠詠兮反謂余以不信撰續其馬之

兮蜷彷徨而不進怵偃蹇而太息兮悲遭廼之遠道
撫海嶽而望若兮又安能從夫所好亂曰噫嘻湘中
之人兮莫我留兮何萃獨而寡仇苟中情其信亮兮
又何恤乎離憂勉修姱以成言兮聊以慰夫好述

觀仙壇落花賦

嘉靖戊子仲春望日余遊玄妙之觀登閣憑
軒顧落花而感之抽毫作賦臨眺成篇匪嬰
情於落英期無負於登高耳閣即劉陶二生
讀書所緣書以貽之賦曰

朝振策以騁目臨玉虛之玄宮步瑤壇之窈窕陟峭

閣之玲瓏春熹微而就杪草綠縹而披茸條已抽而
布乘華漸凋而辭叢含纖陽以翳日逐霏烟而翔風
捐明璫而錯綵委輕綃而卷紅池無魚而半落逕來
鶴而遙通既浮漪而沉濁亦拂檻而掠牕或聯絲而
結隊或倚旒而矜容或濛濛而垂雨或娟娟而颺空
伊桃李之灼耀敷仙葩而拆蓋屬洪鈞之播氣樂淵
景之延晷托芳園而流芬鬱蒸霞而結綺何嘉辰之
奄忽去故柯而見委繫春序之靡常胡妍華之足恃
彼達觀以齊物固交繁而汰滓略紛麗而存質葆貞
期而返始慨榮悴之異時感舒慘於玄理日暉暉而
墮城鳥嚶嚶而隔水腸紆結而九迴憑櫺軒而十徒

石齋賦

貞介先生辟翳薙蒼崇芷葺宇堊坏紫壇葯房蕙圃
前有磐石嶄然峙焉礧礧砢砢參差崔嵬先生樂之
以名其齋他日以語洞幾子曰狀如何也先生曰高
矣厚矣功施茂矣粹矣靜矣厥靈美矣上干星辰下
含坤精環奇瑋恠莫可殫名洞幾子曰請為先生賦
之先生曰唯唯原夫鉅石之所生兮陰陽棼以緼結
秉天地之剛健兮記夫休之盤礫宅巖岫以紆複兮
標特建而嶙嶙勢崛壘而蓬勃兮根磅礴以砥礪負

巖嶮而表廣行兮臨巨壑之漪瀾顯祥鍾而發粹兮
華粹舒以中起爾其抱岷控岷枕嶽跨江魄魄磊磊
礚閉崇隆轟轟磷磷峩峩詎屈峻巖摧峻施靡鬱律
望之蚺蟒若螭龍之曲勃也頰而察之猊蹲虎伏鳳
鳥鴉狴狴乍夷儵旒造化罔擅其巧鬼神莫測其奇
刷其止則彤雲糾霞觸之變變膚寸而起絢若繒綵
霏霏印印斐亶織離霑霑對晰晰聯絲曼靡俄而湫湫
淒淒靄激雨施較輞沸涓漣瀦淋漓豐澤布護品物
含滋歆騰霧斂歸之寥希於是瓊芝瑤草石蘭巖桂
吐芬揚烈穴穿壁綴穠葩蔭藟繁葉茂甌偃蹇繚糾

必嘒籊籊 靡巖巖麝糜牲牲泚泚其下則涌醴滂
激汰沂瀾清泉透邈華池淡滂臨坻注河迴江溢川
機駭 矢發渾渾汨汨被以藻蘋綠以若蘅揭
車射干曉菱蘿生鷓鴣鷓鷓鯉鯉鮪鮪載浮載泳隨
流赴淙若廼焱騰雲涌跳波擊瀨訇磕砰磅湍湑澎
湃駭波迅復破破訇訇地徹天豁陽摧厓碣砥柱峩
嶮迴瀾障沫陽侯不能嶮岨天吳不能磳錯其中則
瑛瑰璿璣瓊璣砥青熒焯燦駁犖璘彬於是升明
堂振韶鈞薦清廟鳴球琳建瑤虞絙玉琴珩琚璜瑛
鎗鎗肅雝璋瓚芬馨盼饗豐融加神人之悅豫展駿

奔之穆容所以昭假蒿焘而福祿來同也盖沔國之
 至崇也顧稽玉趾敢摠素情公子廼舉帷而揖伏軾
 而聽父老曰在晉周封汝漢向風故喬木興漢廣之
 詠四月衍南紀之雄禹鑿太別之磯楚跨雲夢之槩
 衣延岢岷之流逶迤沅湘之派方斯時也廼左廼右
 于疆于理土夷曠以膺膺兮水連漪而瀾泝紛疇澤
 以區別兮又陂阨之千里漑蓄畬而霑霑兮原隰墾
 其既平積高廩於有秋兮百室開而恒盈潛鱣鮪與
 魴鱖兮加鯨鯢鯉之美肥彼芄蒲及葭葦兮雜籩
 籠篲篋于江隈亦有鴈鳧鷓鴣鴻鵠鴛鴦兮集茨蔕

於頌藻以振羽慶麇麇之儻俟兮鼃鼃蛟蛇而潛
 於是魚有樵有獵有耕業既澆沃民廼育生夫何
 時遷運改樂極患隨天有所弗卹地有所弗悲貽茲
 土之懷襄兮奚卒瘁夫下民江洶洶日溢湧兮河蕞
 泛而易淫灑瀕遠以流沴兮厥波汗而溷濁合襄源
 之迂派兮匯四野而成壑其始至也驚湍萬狀駭波
 千里奮乎雷轟突乎山圯搏之者折激之者碎厲之
 者沈揭之者斃決隄防溢廬室泛溝遂漂稼穡洪濤
 淳滴萬井傾側長波潛池百川涌滄怒如牛鳴奔如
 虎翔蒼兮雲蒸蔚兮霧茫騰波赴勢擊瀨鳴淙其既

至也噓喻江沱滌濯漢川其深入淵其廣如天冲融
混濇滂瀉漫漶潤瀾淪洩淡汗瀾測之若海望之
若洋涉之靡涯濟之靡航於是北極七澤之瀦西窮
五華之峰東歷滄浪之澣南盡瀟湘之江皆岨裂川
澗城復隍決草腐木朽疆斷理絕柱太壑于歸壑既
唯民之屬階既撼于巢窟亦浮游於降厓若乃蹈洪
浸兮龜鱉伺於靡齒湛重淵兮彼臭穢而浮屍骸
而使流離沈滯之鬼蕩漾不返之鬼晝掩塞於汪滅
夜慘惋於江濱是蓋神克慨嘆乎博施夏后胼胝於

疏鑿精衛悲憤而啣石文犀崛起而焚角蛟肆石妙
用覃布無外大徹鉅麗微極眇細媧重煉色玉衡酌
歲泗濱浮瑞商說作礪隋龢抱璞旦縣加脉或具瞻
南山或摘藻石渠皆則象而埒德亦淬砥而琢珣若
夫惠風微燠朱陽流景清沙碧苔鮮葩脆梗葱芊芊
色閒意靜幽池禽淥池戲藻牽荇鳴聲相和水波澄
靜或微霜下零衆奔銷落嵐浮潦清蘿盤薜剥夕露
厭浥涼月沉魄蛭蜉鳴祀玄洞驚鶴聲悲氣慄寥沉
虛廓爰有鴻賢碩士棲真葆靈澡心瀹體搜賾探冥
廼開璇房鑿瑤臺對碣石而啓疏敞洞戶之愷傲墳

素以容與精神察而玄鬱開於是命英侶抽素毫奏
雅玄登芳醪餐石髓之如華漱玉液以飄颻因稱曰
依磐石兮臨曲池戒逸豫兮惜清時彰微辯炳先幾
保真慤兮長棲逡客亦稱曰維石兮巖巖奠坤軸兮
靈德宣都房敞顯樂以衍延壽益祐千萬年

閔水賦

序曰夫蕭條者萬物之變也流離者有生之
阨也自霑雨降災洪水汜溢漢沔之墟幾於
陸沈居產漸盡百物胥溺道堦流移偃仰呻
吟之狀縱橫城野遂使春燕歸以木樓秋

過而長淚浸氣所被將無感傷至齎哉昔鄭
俠繪圖君子稱善今郡不啻數萬戶而昏墊
之災人各異狀縑素寂寥宜有不能盡寫者
愚竊悲之爰造斯賦聞寡見應麟辭慳調適蓋
覩縷而不能悉也賦曰

玉沙公子收唵發興戒御勅騶周遊乎竟陵之陸長
眺乎江漢之流裴回大堤之旁躊躇故城之上物塞
產而凋零景蕭森而板蕩情愴怛以慘慳心切怛而
怔悵還過三筵道見漢津父老召而問曰何為其然
也父老撫膺而長喟攬涕而前陳曰痛乎公子之問

人避巧於構室靈昏躍怒于潮波陽侯效力於水窟
支所競力於洪河誠皇天之降威匪斯人之能和也
公子悵然有間曰嗟乎詩詠靡遺之災書紀阻饑之
危今時則然矣若夫民之離病也顛顛之狀得無異
乎父老曰殷雷震威蝮蝮構雲滄風迅雷激雨作
鬱氣滂濘繁湮濡滋林樹霧迷寰宇晝失變隳亂
舉瀾滿漭遺沱肆矻沈沙激石韜三光潛列曜溢天
潢瀉丹壑浸淫凋瘵之心沈淪顛顛之身烟寂寥而
絕炊室垂罄以無營愁鷄鳴于如晦嗟羶羊之晝行
爾其濛密連瀝感膚沸滂沛既彌月以逾旬衆沴瘳而

註潰物胥泮而靡孑路淤潭而罕通遂藉疾而環瘞
爰抱瘻以長終公子曰若是其甚乎父老曰巽三壘
赫風夷肆酷噓撼軋維吸收坤軸江洶海涌谷轉山
頽浪翻波詭坼裂雲迴水怪碣礪河伯崔嵬礮石地
拆豁若天開龍揚鬢以嗔目虬騰驤而飛沫鯉一角
而噴浪鷁九首而滑渤厓隙為之泐崿區夏為之濁
昏居飄颻於驚颿舟摧折于湮湍或挈妻以蹈溺或
抱子以赴沉或委體於盤渦或託骨于瀟潏偃仰兮
混沌之府躑躅兮魚龍之區或載浮而載沉羗孰誌
其止居公子曰若是其甚乎父老曰歲莫時昏風起

雲沈掩霞翳日積晦紫陰霰兮淅瀝雪兮紛縉密兮
若絕踈兮若連穿細微透乘危暗摧掇之指裂親之
體虧如圭斯方如璧斯圓如縞斯白如玉斯寒是時
也火井滅溫泉炎風勁陽谷凝起瑤城於粉野攢
瓊枝兮玉樹天地閉而嚴肅隆結而寒沍於是敝
襦之夫枵腹之民膚發刺其骨粟烈鎖其形廼彷徨
而僵仆偃蹇而惇筮暴枯骸於交逵橫遺骸於蕪城
使肉飽乎饑烏臭避乎過客蓋終古之青億類之極
惋也公子酸顰而捧心歔歔而改容重進父老而告
之曰詩曰哀恫中國具贅卒荒靡有膂力以念穹

斯是之謂與雖然今聖明昭燭德意憫惻遴選臺戶
振出帑積加以使命者率其棠之政司牧者盡君社
之德父老其將被如天之仁豢掩骨之澤升父母之
堂就衽席之側當不淪沒於陷穽輾轉於溝洫也延
為鴻鴈之歌以廣之歌曰

鴻鴈歸來兮河之側河之連淪兮旅蒲其實可飲可
食兮去將焉極鴻雁歸來兮河之央河之清冷兮兼
葭蒼蒼可栖可宿兮去將焉翔鴻鴈歸來兮河之濱
沙淨波渟兮畢羅不驚返爾高翮兮其究安寧歌竟
父老再拜加額受命踴躍而去公子廼罷御叱徒僂

步水嘆歸疏所聞危待旦

嘉志賦

東山翁者判復郡泰順張君之父也君於翁有十慕焉玉沙子曰夫慕善志也孝真德也屢慕不足良苦志矣是故有孝之道焉作嘉

志賦

伊東山之崔嵬兮崖嶒峻礧硤硤壁施巖澌隙蟄
虺虺縈風歛月抱霧吞雲敞熹曜景吐葩揚芬蕤乎
東甌之觀也夫何一佳人兮誕飄飄以中起譽將偕
於幽洞兮長盤桓以衍只朝攬厓之菌桂兮多納覽

之蒞蘭畦留夷與揭車兮侶白鹿與玄援爾其嬋媛
為性綽約多情長松競秀幽泉比清扶筇曳履晞髮
濯纓餐霞煮雪穀霧紈冰漱頽川之孤潔躍首陽之
高蹤拙老氏之玄玄擇釋部之空空斯東山之靈也
若迺抗手長辭凌風上征既蟬蛻而遺世亦羽化而
僊昇秋蘭萎兮鶴怨春草萋兮猿驚終逍遙兮物表
宛陟降兮瑤京爰有鳳子岷魁山之奇秀森玉樹之
芬芳陟高岵兮送目眺白雲兮迴腸於是言念君子
載寢載興庭思鯉徹席懷曾尋詩繹禮績德繼能匪
言辭之髣髴亦造次之必繩慕端軌以正則保厥躬

于靜顯粲矩矱之有倫求尸居之罔訾慕內邀以外
睡垂家世之典刑樂墳麓於琴瑟亦標誨而準程慕
驩舞以承志欣堂上之怡顏悲歲月之云邁詹吳大
而涕潛慕義方之光訓垂燕翼之詒謀嗟嗣續之亡
功頤蘭玉而懷憂慕齊明以對越肅式禮於蒸嘗儼
鬻辜以夙夜望羹墻之洋洋慕俊詰之是延表生芻
於如玉頤尚友於亡前期久敬而弗瀆慕虛懷以與
賢整揄歎其弗私嘉休體以同物廣德心於春熙慕
推贊以貸乏昭先烈之義門紫福履而日新慕恬澹
以自給或飯糲而飲泉矢嘗苦以卧薪終相忘於太

玄慕見義而必勇亦在社之弗留敢四體之弗勤時
運甕之遠猷悵衆慕之盛而女痛手澤之猶新齋志
以■今欲繪其疇因仰靈修之罔極兮固十德之弗
足啟孝思而持敬兮斯執一而已篤苟余衷之有契
兮恒保吉而未貞思繽紛而未得兮恫鬱邑其恠營
維跬步之不可忘兮吳三年之無改奉遺體以遠遊
兮恭悻怖以俟罪覽江漢之淪漪兮望東山之嶽峯
頤三釜之無由兮撫棄梓以沾襟懷十慕之典則兮
恒夙夜以匪懈庶幾死生之無忝兮永家聲之清泰
玉沙子曰慕之時義大矣哉昔舜五十而慕唯魁山

近之廼作頌詩系以為亂其詩曰

粵稽先民篤於厥親大孝唯舜格茲頑嚚怨慕祇載
庶豫化臻猗與魁山肯構是新纘戎祖考隨德寓名
維德孔偕邈世鮮能儼其鑒只陟降蒿焘永言孝思
鉅細畢敷正以敦義孝以基仁匪仁無親匪義無君
服蠱之訓用淑厥身紛波漓澆式以敦敷政優優
東山之春東山云徂錫類在人我作頌聲庸味於民

桂洲賦

夫植之賢者有貴隅之桂焉境之幽者有蘇溪之洲
思玄主人徙靈根於招搖擗藂柯於皋塗掇繁英

於閩河湄崇條於羅浮廼葺茲標於江湄繚茲壁
水涯扈芷蘭以為佩蘂芙蓉而為衣沐芬敷而容
蹇修媵而遲遲客有進而問曰夫子奚託之斯也
人曰物有所契性有所協侔類儼倫惟吾之適客曰
復乎淵哉請為先生賦主人曰可何茲樹之茂麗寔
木德之靈昌秉南州之炎質萃陽精之貞剛貫四序
而挺秀含泝氣而浮香既連蜷以夭矯廼蒺綏而茂
翫布纖榮而耀黃冒素歲而炫紫鬱黝糾以傍巖紛
必第而臨水夾層臺之嵯峨匝周除而迤邐供欣賞
於休辰奉妍輝於君子主人曰盈盈芳樹宛宛幽姿

抽子峻思惠我雅辭客曰東陸獻歲青陽改序條風
颺霄朝霞絢宇蘭室捲帷芝房啓戶廼集華裾携文
侶烝惠肴薦椒醕攬紛綸於麗景嘉氣盪於洪鈞翻
分鸞鷲振翮以軒翥爛兮瓊珠錯彩而璘琳悵煩章
之藿靡嗤夫桃之晶瑩爾其金商御節皓魄耀規微
歎畢歛長河半垂軒墀忘景樓觀揚輝廼御織羅曳
方駕維雅琴激哀遠颺戾兮吹帶露漚漚沾席願
清影之便娟詠幽香之有苾燦若卿雲縹緲層霄溼
若霓裳熠燿舞空碧蕪徒秀於卑叢椒何辛於斷壁
如霞兮先集雪兮紛糝芊綿衍益漙漙浮浮崇臺

壁紆徑連璆群葩畫萎修幹早凋凌慘慄而
蒙冰霜而獨蒞於是積暉承幌凝華燭帟重裘初御
飛爵齊揮美蚘蟪之縞甲詫瑤璫之素翬巖松挺而
比峻江梅綴而聯薇茲百藥以之為長而非凡木之
可希也主人曰樹有華而無熏亦有芳而易隕未若
茲桂抱節吐芬並休蕪美絕類離群故楚纍矯以絲
蕙離婁和以餌竹陶朱服而結丹粿佗采而獻靈粿
倩承露以飼龜吳猛度梁而飲玉小山攀援以招隱
太丘高蹈而比躅歆一枝於郟林豔五株於燕麓
翫縹而耽祭願葆貞而希馥客於是歌曰冠英華

閱春秋綠曲瀨兮散中洲棟靈波之殿兮檝玄志之
舟託佳人兮聊淹留少歌曰建木滅景標中天兮琪
樹璀璨照昆侖兮猗嗟桂德相昨宣兮質文全兮亭
亭而不言兮君子樂胥亘千年兮

東征賦

巨川李侯貳吾郡進走官舍出東征八詠示之走欽
是偉績當有述焉弗敢避不敏為之詞曰

皇帝御天下十有四載內戮權姦外撻四夷叶海內
又安治極而偷宗藩伺窺乃有邪謀其積心鑄譽結
士用財叶足食則日剝民血聚陰納群偷蓋非

一年于茲叶矣是歲六月既望設爇于宮叶誘狀大
臣衆寮魄喪叶奮彼豺虎以制群羊遂集舟師下鄱
陽望留都攻安慶叶妖氛蔽乎四野白日為之無光
于時奏報未及乎朝志慮未定乎民諸守若令或可
或否或疑貳而逡巡嗟吁太義孰倡孰伸唯吾邑侯
城復于隍謂仇讎之密邇奚拊背而搔吭乃捐幣金
募民力畫遠邇程時時日徵罔及於隸寡後不避乎
豪碩不日成之隱然一國又闢隙壤集駢士教之以
騎射激之以忠義決拾拊的之巧進退坐作之勢常
山背水之形握奇八陳之秘莫不習之以耳目領之

以心意虎豹在山誰余敢覬及其聞變而起也屢及
乎玉華之堂劍及乎公門之闕鍛我戈矛整我士卒
峙我饌糧風行琴瑟爾乃命廉以前導召豐隆使駟
乘屏翳于焉清露黔羸為之助兵日皎皎兮如灼氣
鬱鬱兮若蒸嗟毒暑兮何避塞獨托分忠貞於是發
哨於白露之洲誓聞于市汊之澣戒渠魁之必殲聽
來歸之勿拒賞言不食於予弗共別擊於汝有中丞
以為之師有太守以為之輔下則恐負乎知己上則
思報乎明主雲興十一之旗颺鳴數萬之艣午夜銜
枚七門陳旅聯第崇繡斷橋南浦壺漿具迎巢穴中

剖百年瑰宮蕩然一炬斯時也賊因城守之堅旋慮
益兵之計進不能前退無所據叶彷徨靡歸靡定奪
氣固已噉面而讀書隱几而假寐矣湖波如練月色
微明順流而下戢戢舟橫士人狐疑軍旅宵驚爰乃
不俟將軍之令遽提義勇之兵暗中赴敵沙上聯營
風蕭蕭兮笳鼓咽兩兵交兮戰方決陸騎驍兮舡火
烈矢如雨兮刃如雪萬薨摧兮橫雲裂羨衝破兮寶
刀折擠紅粧兮隕為血面縛兮繫纍體頽兮無衣黯
莫語兮魂悽傾城觀兮咲以嬉擲瓦礫兮躍童兒天
門兮大開義陽兮載輝忠孝立兮譽四馳不負學兮

文武資宴太平兮炮羔摧牛鼓鍾鐺兮頌聲流師既
班兮各歸其疇督民以耕兮歲仍大秋績既奏兮登
吾侯侯不自喜兮侯有嘉謀顧天子兮鴻厥猷外寧
兮內憂戒復戒兮無疆惟休

申志賦

予讀易至豫之六二讀論語至篤信好學而有以知
君子出處之難慨然興懷于是學為古賦以申其志
焉時丙寅四月二日也其詞曰彼荒林之闐窳兮豈
君子之攸好嗟周道之崎嶇兮廼託跡而高蹈賢者
見幾而作兮不待火烈而沃以水余非果於忘世兮

思前修之遺矩羨夔龍之遭時兮悲孔孟之栖旅歎
巢由之迂固兮慕夷齊之高誼景長孺之剛直兮申
屠觸輪而帝明說子卿之秉節兮不摧志於牧羊寇
鄧豎漢使中興兮狄張討亂而復唐魯連談笑以却
秦兮留千載之芬芳曰余非敢會正而趨怪兮眎紛
零之將橫也慨三皇之久逝兮嘆不生於唐虞也願
騁足而高馳兮棄人寰而遊乎天外晨九陽而夕流
沙兮役群神而遐邁觀秦華而若幽兮睨江海之如
帶翱翔跨越乎九垓兮永終老而無累亂曰西方美
人佩服煥兮何千百載不復見兮爰被霓裳衣雲衣

內方集元○卷一
軒然乘風遊天際兮仰吸沆瀣餐至和兮三光在
下何森羅兮回眎羗盜關飛蛾兮操寶以待海不波
兮

奏疏

寶瑞并頌

粵若稽邃古玄黃權輿陰陽 參綱緼煦姬品物敷
蕃總總搏搏混混茫茫遊于胥靡嬉于鴻荒於維
皇哉皇執疇得而名也爾其造契代繩創制開物
文昭麗衍溢旁燭玄德元功涵濡胃覆稟靈含氣
不翔泳太和優游禔福廼有乾瑞坤珎駢貺疊符
月合璧星辰連珠膏露醴泉麒麟鳳皇嘉種異卉克
牒盈圖而龍馬出河神龜浮洛元樞天樞天啓靈機
地合盛哉紛綸歲蕤顥顥乎熙熙乎其五二之時乎

是以聖人披圖而畫繇演書而叙疇斯皆睹神物而作則建皇極而對景命萬世之丕休也厥後醜質雕撲風清俗湮以為繼韶夏隆昭號者七十二君於是泰山梁父云云亭亭登封降禪其說繽紛夫所以答嘉貺奉休徵者豈必御蒲車陟介丘而後德隆道尊也哉仲尼之作春秋二百四十二年之間災異九十六然猶興慨於鳴鳳絕筆於獲麟蓋悼聖王之遼逝而道莫之行云爾由是言之有其瑞無其德幻也有其德無其瑞闕也是故聖人德以為基弗徼其瑞也以為寶弗替其德也漢稱典引麗而無歸唐稱寶

符瑞而匪覈豈聖王之全治盛節哉自元腥膻天地冥晦皇綱斁而靡振人極淪而昏墜斯諸華之極出也

高皇帝誕膺天眷丕闡 聖謨慶鍾祥發締造

皇輿麾黃鉞握赤符龍躍而鳳翔爰騰而靈驅於是掃氛侵於舊宇還開闢之洪圖乾精重曜坤維再扶此何帝於黃虞之初也是時彩霞卿雲赤烏白兔瑞暎異禾布濩流衍舒粹委和而其露之論嘉瓜之贊獨被 宸藻禎祥是俱豐和為寶

皇情祇肅昭假穹昊是以踵武軒唐而齊聲義昊也

皇上早冠群聖超軌百王伊昔行清誕

聖鍾祥及續承 洪業奉若

天命建中和之極衍隆盛之運迺揭爰興修贖禮和
大臨秩群祀昭憲度立經紀康兆人熙庶事豐澤流
峻功峙猗與盛哉

帝王之業我

祖明之

祖宗之烈我

成之是故至和大順汪濊薰蒸神人悅豫物類驩

言滋寶露零瑞麥出黃河清縞鵲翔皓兔產素

應王夫道莫廣於天地物莫穎於動植今清波泚派

素華玄液嘉穗異穎皜儀皓質沾漑率土之中翔舞

靈圖之四雲蒸霧涌川滄海匯披觀三五之瑞莫不

應圖協謀同符合契睹之者欣聆之者慰

皇心冲虛遜而弗安或至於再或至於三於是太宗

伯進曰

陛下禮序樂和仁洽義浹八埏九垓皆甄陶

浴鮮澤四靈並畜諸福畢集此信順之極功位育之

至德也詩承聿懷之福禮謹升中之制令休鬱而

彰帝典闕而弗綴非時以敕景貺明昭事也於是獻

九廟呈 兩宮然 緩朝群臣受嘉瑞夫訢和克塞至
和也 撫謙抑畏大公也 告獻駿奔純孝也 迓休承祐
極恭也 答元符之蕃祉 昭陳錫之丕眷 撫兆庶而立
極 顧胤嗣而詒燕於穆

聖皇固已播欽天之頌 衍敬一之箴 齋心無逸之殿
觀德 幽風之亭矣 對揚

皇祖超軼

帝王夫孰得而尚焉 宜令史臣推原德瑞 載之簡冊
以示罔極 俾後世常戴 兢兢履業 業遵顯謨 闡弘烈
工允釐 四裔咸賓 茂綏地祉 永奉天經 千萬年

明用光于熙 皞懋哉懋 茲厥惟寶 哉頌曰 民之

熙于我 明明我

祖 祥發慶膺 受命于天 既輯既寧 跂行喙息 登于

穆清我

呈嗣之業昌而懋 惠化孔洽 治教純備 泰和訢合 覆
育庶類 蕃釐茂祉 應于協氣 瑞雪雰雰 湛露漚漚 河
流再澄 來牟降祥 靈魏馴擾 緡鵲迴翔 攸伏者 靈
澤其形 素毳比玉 皓彩符珍 儂儂麇麇 率舞于庭 乾
相表貺 坤靈薦禧 萬物嘉亨 不戢不戢 德假
天鑒於有仁 惟敬懋德 躋於

皇壽考申錫兆民縣綿

聖訓穆穆儀刑緝熙純嘏惟
明之禎敢告萬世欽哉丕承

奉

聖旨覽奏知道了頌留覽禮部知道

請告疏嘉靖二十一年三月

臣係湖廣承天府沔陽州人由正德十六年進士改
翰林院庶吉士授編修歷陞今職竊念臣父旭以山
東兗州府知府致仕在家於嘉靖四年病故臣任編
修回籍守制勉強營葬迨今一十八年綠地形異

江漢迭漲而先臣丘墓適當其衝自二十四年以
來屢遭滄沒臣心每切悲念近年江水猛漲將先臣
墓所衝啗樹木浸死臣聞之日夜號慟至廢寢食禮
宜改卜善地別營宅兆况臣母恭人田氏於弘治十
七年病故祔葬舊塋與先臣未會同穴臣心亦有未
安茲欲改遷合葬使臣父得就吉壤臣母得歸同室
實臣拳拳一念圖報罔極之心也且臣自嘉靖十一
年起復到京又經十年臣繼母太恭人張氏在幾六
十抱病在家久曠定省累有家書皆稱念臣欲得一
見臣少蒙撫養不覺感涕又臣妻宜人沈氏病亡七

年有餘至今尚在淺土臣私憂煎逼內顧彷徨瞻望故園心神交瘁比者廷臣徃徃奏蒙給假然家蠶最集私慮紛紜未有如臣所遭者也况京官十年以上俱許祭掃省親具有明例臣任已逾期廼敢陳乞伏望

皇上念臣官備講幄察臣情切親闈特賜矜憐准臣還鄉改遷省親事畢之日回任供職庶臣心無歉於事親義可專於報

主舉家存沒感荷天恩於無窮矣臣不勝懇切祈望之至 奉

聖旨吏部知道欽此該本部覆題看得本官奏乞遷葬省親情詞懇切况查有前例合無准其回籍事畢之日依限前來供職但係近侍官員臣等未敢擅便 奉

聖旨童承叙准給假着馳驛去欽此

問安疏嘉靖二十二年正月

臣伏蒙

聖恩賜假展掃還家以來僻處江鄉敦事丘壠十一月終偶聞掖廷群逆驚犯宸居臣不勝震竦仰惟皇上道格玄穹功昭景運

帝心眷佑神明擁呵禍變潛消兇邪隨剪此實宗社
臣民無疆之福也臣久叨法從仰荷明恩驚憤之餘
繼以忻忭緣臣私情未竟夙疾方嬰跡伏草萊心馳
天闕伏望興居崇慎茂迓單厚之休福履駢膺益衍
靈長之祚臣無任拳拳瞻戀之至 奉

聖旨覽奏知道了禮部知道欽此

養病既嘉靖二十二年三月

臣仰荷

皇上拔擢之恩竊科第者二十三載糜廩祿者一十
六年久玷清華虛叨榮遇臣雖塵粉無以塞責去年

三月內臣以離家日久先臣墳墓荒圯具奏展掃於

蒙

聖慈允臣給假仍賜給驛上席寵靈下賁幽側臣感
激奮發莫知所報緣臣舊患痰火眩暈比因敦事臣
隴觸冒暑濕前病復作去冬以來痰涎壅盛衄血時
出飲食減損怔忡不寧屢親醫藥未見痊疴伏念臣
官備侍從職在講讀分當依限前來圖效萬一而疾
病浸淫形神彫瘁將發復止驅策不前常恐一旦身
先草露委填溝壑是臣烏鳥之情雖盡而犬馬之願
竟遠也矧今

內方集卷八
聖明側席賢才奮庸臣至愚陋豈忍自棄但委質而
出固臣盡瘁之心抱病而行非臣量力之義用敢哀
鳴輒求自便伏望

皇上憐臣疾勢纏綿衷情迫切准令在家就醫調治
庶得專理藥石稍養精神倘蒲柳之質幸苟免於先
零則葵藿之忱尚可責於後効矣臣不勝懇切祈望
之至 奉

聖旨吏部知道欽此

卷之九

箴

博文堂箴并序

博文堂者

孝宗敬皇帝所命額

遼光澤王儲書所也嘉靖辛卯叙居廡夏納既禫

王以其從紀事後使使授簡焉於是堂成三十年矣
諸學士大夫言堂者意義幾徇然所稱引悉止於圖
籍而進者未廣也叙不佞重惟文之時義大矣庖犧
之畫一而已爾黃帝堯舜廣其制周公孔子演其義

圖籍者蓋其末也博文之道奚啻是哉天地之大也其渾渾之謂質燦燦之謂文天地之至著者也故庖犧仰觀象於天俯觀法於地觀鳥獸之文與地之宜近取諸身遠取諸物天地也鳥獸之文也地宜也物也文也或仰焉或俯焉或遠焉或近焉或觀焉或取焉博也是故帝王之文非醕酢襲禘之繁也非旂常冕服之飾也非藻翰篇韻之麗也帝王之博非鈎玄獵奇之異也非析微窮取之瑣也非選辨取給之富也亦法乎庖犧而已矣夫大學之道始於格物致知而下皆物也文莫博於物故身也修家也齊國也治天

下也平文孰加焉而修之而齊之而治之而平之惟孰加焉故天下之粗存乎迹天下之蹟存乎道道也者無乎不傳無乎不文者也故能以人文化成天下其餘蹟焉而已今王圖史琴瑟克乎其室規矩準繩周乎其身精華穠郁飫乎其口禮樂教化洽乎其國是其文也博矣然文者將以為質也博者將以為約也故文之無文文之至也博之無博博之至也易曰白賁無咎曰天下之動貞夫一賁者文也白者質也動者博也一者約也其庶乎

先皇錫名與王構堂之意也叙不佞乃作箴曰

方集三卷九
與斯文交錯柔剛包羅乾坤參贊陰陽經緯人極
紀天章燦爛開物道傳軒唐仰擬修察遠取近量
簡籍而具西圖而彰殷質周文異制殊章非世易轍
法緝治荒小儒逞詠亂離道古穆穆 潘后峻德飲
追琢其章金玉其相嘉樂惟令聞令至疑彼巫作
鎮漢襄邦人文攸暨庶事允濟維城二王乃啓爾室
乃闢茲堂嘉名肇錫

聖謨孔彰 王拜稽首對子

敬皇朝斯夕斯緝熙就將矢其文德贊我 明良執
中守一含粹葆光還淳登樸厘于鴻芒道隆易簡功
著平章子子孫孫勿替引長敢效執御箴示無疆



頌

詒謀頌

遼光澤王堂成

先惠王以忠愛名焉王曰是詒謀也延命諸名卿士大夫言其義間特以示叙叙楚之鄙人遼之鄙又楚之故郢都也延為楚歌而楚聲莫王歌以思其先君且以昭示方來庶夔翼之謀將詒於世也詞曰

猗嗟 明興蓬藩輔此肅肅 遼祖肇啓土此分茅自天捍邊圉此改受赤社哀荆之旅此列辟嗣服侯

NATIONAL CENTRAL LIBRARY, TAIWAN, R.O.C.

度維謹夢皇皇 惠王世守共靖夢保茲江漢世為
翰屏些追于 光澤文德是秉些開國於襄建邸於
郢些析圭綴旒被華衮些廼經廼營闕都房些雄麗
美與敞高堂些夢葑榴蘭棹文杏梁些網戶綺疏刻菲
茅些瑤堦金墀連玉廂些雲屏畫壁鬱晶光些

先王廼眷錫以嘉名些曰忠維君曰愛維親些彤軒
華榜揭瓊英些服膺光訓揚德音些夢忠以伏孝節孝
因心些夢冠冕百行順以貞些培地之義立天之經些
嗟嗟哲王克峻德些夢温恭朝夕秉淵塞些仁以為則
義以為極些夢左右典墳雜丘索些球琳載陳緇琴瑟

些禮樂雍容河間是式些夢汪洋藝文候曹植些對揚
王休勤周召些夢世德作求遠昭宣些

天子是若罔敢弗虔此永言孝思弗忘愆些媚茲
一人勞望瞻些邦國丕變王道平些維此燕翼仰詒
謀些禹作司空勞九州些夢姬公負宸開有周些烝烝
惟舜為親憂些孝哉魯閔繼前修些於乎

先王躬率由些嘉謀在堂披虜藻些感思懷德宛蒼
昊些如彼羹牆見幽眇些陟降厥家神縹渺些夙夜
匪懈永以為寶些侯助侯貢供常制些惠綏蠻方奠
遐裔些庶幾於忠能勿替些以孝以享謹大祭些開

國承家守帶礪夢庶幾於愛錫爾類些繩繩后王敬
佩服些手澤芬芳時薰沐些出斯入斯儼在目些端
居寗與慎幽獨些肯堂肯構衍嗣續些於萬斯年期
戩穀些

迪儉堂頌并序

迪儉頌浦母也母以貞純相夫訓子躋顯庸
蒙褒嘉焉堂曰迪儉昭

寵命也浦子以使過余余為頌俾登堂而壽
焉凡八章六章章六句二章章八句

潘皞壽母毓秀於黃門閥衍盛洞庭之望迢迢習齋

駿發而昌

其二

維此壽母淑問有年孝惠端懿既貞且賢始相厥
嬪于桂巖

其三

我我桂巖博綜墳籍藝苑摘華儒林振節式後傳
融光矯跡

其四

母也儼美攻苦茹淡箕燈侑勤辟纒崇儉含純履約
壺儀惟範

其五

有翮者雛誕膺世禧茂承手澤克奉母儀為時龍光
振聲 天達供奉 經幄翊贊 儲闈

其六

宮臣于後肅將

帝命自燕徂齊舊鄉稅荆玉斲焜煌金醕芳潤

其七

陟彼高堂乃薦瑶席華榜在楣

綸章有赫詎曰畫錦寔維母德融融春暉照此顏色

其八

倚堂之深兮第祿爾來兮倚堂之廣兮子孫靡不承
兮堂中之人兮躋千齡兮

序

送張龍湖先生擢南京吏部右侍郎序

龍湖先生張公蚤以異質茂才貞操素履崛起湖湘間今

上龍飛楚甸公適魁南省被簡詞林陪法從與編摩再陟宮案兩校留都士林聲望焜耀時初交人弗共上命遊朝賢奉詔懷綬之慎惟其所司首以公薦上親擢公學士兼舊秩以往且俾扈從南狩比還詔不果下會考核公據例辭

上弗可至是復有南銓之命既戒行館閣諸大夫重

茲別屬叙為文以贈叙往聞履道執德厚積深蓄之士其爾攄洩非於注措於規畫則於著述論議見之或名卿碩士或炳然而勳勣隆或琅然而文辭顯非其致不同其所委任之地異也

國家翰林之設精擇預儲積資累望以備 顧問資啓沃故其官以言語獻納為職至於秉鈞握樞筦而後清節偉烈廼可槩見然非久歷而薦更不可得也公抱奇才負大志在禁近二十許年寬閑優裕得以肆力經綸之業故其學閱深演迤不可究詰每對客掀髯抵掌英氣勃勃輒見眉睫其論天人微奧闡

王霸純駁若指燕粵辨涇渭而別薰蕕也若王良造父之不惑多岐也其論事勢成敗幾會得失若挈領振綱之不容贅亂也若破竹解牛無不迎刃適宜蔡也若羿之射秋之奕無不竒中也至其作為文辭豪宕博雅若波濤湧而雲霞絢也若風穡陣馬之決而駛也若端冕正笏之嚴重鳴球戛玉之清越也故見者力屈聞者心醉此公之發於著述論議者也茲廼舍近密而就疏逝去風議而處散軼或者疑焉夫登崇陟顯必由於歷試而銓衡品藻之任留都之公卿莫先焉謂之散軼疏逝不可也矧公之賢上結

主知下繫物望其去必且復來而熟歷飽諳周遊廣覽恢豁其度而增廓其識他日居宥密之地成贊襄之業使事功文章聯輝之耀以彰

昭代得士之盛揚君子不朽之休其在斯行乎叙不類幸與公及洞野廖公同楚產又為同升洞野既去敘復潦倒其能激昂振迅以副加會者惟有公爾茲別也於叙為尤重故究其平生言之致期待焉亦庶幾久要之義也

壽羅峯張公序

十三年冬十有一月少師羅峰公壽六十維時四方

岳牧之官嘗與公偕第者二十有四人適覲京師見公相邨公問藩於珠對曰官政昭昭爾矣問郡於繼禮暨于宗周對曰吏治循循爾矣問邑於應奎對曰民事訢訢爾矣翼日諸牧將詣公壽以小子敘為同升且官吏也俾以辭先焉廼敘再拜諗曰小子何足以知公然二三大夫之言也備矣聞之書維天純祐命則商實自

明天子龍興公即應期翊運然久違時晦若或需之歷試諸艱若或翼之謂非純祐命不可也故公踐台鉉九年於茲年復耆艾

天子視為休戚天下倚為安危而公自任以天下之重蓋不徒商實也故公以平則黃耆不足期也以階則師傅不足崇也以勛則旂常不足銘也諸岳牧曰何哉某曰惟公燮理陰陽寅亮天地入叅萬幾出總百揆內匡朝廷外刑邦國故昭昭者其董正者也循循者其允釐者也訢訢者其保又者也書曰百姓王人罔不秉德明恤小臣屏侯甸矧咸奔走公其以之諸岳牧曰廣矣大矣蓋天下之壽也某曰天子聰明睿智文武聖神公協心比德允為毗依孤忠峻節注于淵衷訢謨讜猷贊于睿慮故於董正見

官政之修焉于允釐見吏治之飭焉于保又見民事之誠焉廼其啓沃之誠引翼之幾則不可知矧可見聞故

明天子惟堯舜公亦惟稷契惟夔龍方來之稱今猶今之稱唐虞焉書曰惟時建無窮之基亦有無窮之聞子孫訓其成式惟義公其以之諸岳牧曰遐矣述矣蓋萬世之壽也於是稱詩之下武曰公其萬年之佐乎公亦答以詩之烈文曰無疆之惠子孫其求保之

奉贈大宗伯毅齋孫公便道展謁先祠還朝序

事之相遇出於殊絕奇偉恒情之所駭歎而豔羨未
必其幾之偶逢亦其誠之素積也蓋人心孚契神理
幾通有不可誣者也成化中華亭孫翁以進士高第
來守吾沔凡若干年晉擢南曹出知延平府以歿翁
才學弘贍器量恢偉官方吏事無不精練百度咸肅
諸廢具舉強禦歛迹而善良安輯郡之老黎戴翁父
毋士大夫談賢守指必為之先屈蓋僉議之同也叙
草郡乘亦推翁為良牧首正德初間翁入祀名宦頌
聞延平之士寔建翁祠沔之人曰吾其可後乎乃所
城東隅故臺構堂為專祠示不忘也初翁仲子後

公少侍於沔先大夫亦方弱冠為太守公嘗謂
公擢第猶及拜翁翁每屬言仲子以為克大其家
齋公登辛未甲科敷歷翰苑簡置

青宮侍

天子講讀晉貳禮卿為

上所眷遇平生以太守公之誠不能忘情於沔而沔
之人士亦於宗伯瞻望焉蓋三十餘年于茲矣今年
秋

上有事 顯陵遣公代告于

二聖沔為興都屬郡相距甚邇公乃以祠成之後取

道展謁神位時堂適告成郡人嘆異罔不走迂克途
寔路如見其先公而公亦降尊屈重視沔如歸十二
月謁告於新祠遂延見縉紳吏民勞問慰藉如禮教
不類濫跡詞林從公後者二十餘年辱公愛最久會
賜告歸掃先墓日覩盛美廼作而言曰維太守公遺
澤在人久而起慕崇報之典益專而虔維宗伯公托
處深嚴簡注宥密四方之人不能一望丰采今乃奉
使節撤講席即故郡續舊游奉帷露冕光動澤國陳
牲酌醪釐延郡人亦奇會矣且新祠初落舊主既升
而公適自遠至若夙期然者其會尤奇謂非誠之

孚理之相感不可也昔萬石君父子尊寵然位不過
二千石亦未嘗復至故郡邵廖齋再至永州自謂其
棠子孫而未有都爵至於專祠特饗樂天之期今公
以名卿鉅儒清階華胄旌旄再臨山增子孫之榮
深則所謂奇會者匪直公之幸蓋沔人之幸也
明天子制隆 玄寢事嚴祇告公以寅清之職齊明
之念致孝親之誠於數千里之外又復對揚孝思追
崇先祠克篤前烈風示後來所以為江漢望甚大又
豈幾會之殊絕奇偉而已且太守公為民之德在
郡宗伯公為上之德在四方又將為霖雨為舟楫世

九不第...卷九
三
策未究實引而昌之則勲績隆茂不必出於太守公
而愛戴欣慕謂四方之不若二郡者未嘗信也在周
君牙之命必及乃祖乃父鄭武公父子為周司徒鄭
人為賦緇衣穆王之誥公且有後命矣而太守公宗
伯之封擬之武公父子一也敘不佞敢敘述之以附
言館授餐之義

壽太師桂翁六十序

嘉靖辛卯夏五月寔太師相桂洲夏翁初度之辰於
是翁六十夫叙叨撫翁卿孱知且久末由致祝時
萬壽節屆叅政孫君副使楊君適奉表入 賀台

二三大夫廼緘詩寄書...
極咸欲躋斯民於仁壽之域而靈長之祚昌隆之
必久於其道而後成至於翊贊王猷培植元化亦必
有耆壽俊乂之臣多歷年所而後可以衍純禧綏介
福也故堯舜禹湯文武之君臯夔稷契伊傅周召之
臣並享期頤躋耄耄則雍熙泰和垂之無疆者有由
然哉惟我

明天子應圖受錄駿德鴻烈逾二十年廼者

聖誕四方畢賀而桂洲翁秉鈞持軸俊偉功烈適登
六十之辰君臣媿休家國純祐厥維盛矣夫扶輿磅

內方集卷之九 九
礪清淑之氣久積厚蓄必有攸發故

聖帝賢臣應期撫運非偶然者叙竊觀乾闥坤闔委和舒粹澤於江漢而我

明天子挺生其間乘龍御天建極錫民翁亦膺慶儲祥崛然於靈山弋水之間奮庸熙載康主庇物雲龍風虎并起南服誠氣機之感千載而一時也天之陰隲默祐敷錫壽祉以成中興太平之業者豈在唐虞二代君臣之下哉矧翁遭逢之盛知遇之隆春禮之重付托之大倚毗之專自古罕儷蓋翁徽猷訐謨深契宸嚴孤忠亮節上孚淵默故綱紀盈縮非翁不

法制損益非翁不立道術邪正非翁不辨治化汗非翁不齊機微出入非翁不決事變紛糾非翁不理贊久成之化收仁壽之効於翁允有賴焉則天壽平格雖欲不底於期願蒼耄不可得也夫物莫壽於金玉金出於麗水玉出於藍田而皆克清廟明堂之用江西固翁之藍田麗水也翁之用不止於軒縣而其年豈後於金玉哉詩曰維嶽降神生甫及申又曰王國克生維周之禎敘不佞既以嶽降之祥為一方賀又以維禎之勛為天下後世賀也

序次濱

漢水逕郢東播為潛古者置邑因以為名潛有
高陂湖有港可達於郭以在邑內稱內港先是大
初公奉其父封監察翁塋高陂之上港實縈紆其前
大叅公以松楸故號內濱志不敢忘親也公弟大竹
君因號次濱志不敢先兄也大竹君謁選

天宮乃告其戚內方子而屬之序內方子與大叅公
為同升為同郡知其以孝友厥家既以子與公冢嗣
婚後在北雍與司成涇野呂公同僚公嘗曰初公徃
以御史按河東予通判解見其言及父母昆弟輒流
涕後聞其弟被薦則甚喜尋遣來就學初公蓋為

人也內方子乃知名賢取善必有前徵忠信懿德
必見重君子而大竹之學固有師不獨得之繼述也
夫堯舜之道孝弟而已孝弟也者稟諸天命為性積
諸人心為德質諸古人為學達諸斯民為政實則一
理爾惟初氏植行累誼代有顯德封監察翁掇科耳
節以孝友教於家大叅公躋華樹勛以孝友措於國
則大竹君訓迪之所漸聞見之所習其蘊蓄亦多矣
是故涉斯港焉陟斯隴焉曰吾親之所宅也有弗思
進於孝者乎涉斯港焉陟斯隴焉曰吾兄之所託也
有弗思進於友者乎其於大竹與人之子言事親與

人之弟言事兄凡施諸民社者不啻如施諸家庭者
焉則邑之不進於治未之有也矧君內有賢父兄外
有賢師友交養互修厚植久畜不止小試一邑他日
為郡為藩為廊廟亦舉斯心加之而已傳曰孝者所
以事君慈者所以使衆事君使衆率由是道而後百
姓順焉四海刑焉謂孝弟為仁之本非邪推監察公
未行之志究大叅公已試之業以無忘涇野公之訓
參將於次濱乎考之

卷之十

書

荅柯雙華書

承叙皇恐言敝郡僻在草萊人文荒陋比歲幸遇
名賢駐節開府觀民省方激揚之餘首敦風教章縫
之士咸就繩墨士習民風為之丕變誠一方之盛際
也茲者僕以

予告而歸適庠士小試之後側聞執事欲令郡中開
塾率諸庠友來相講藝僕殊不知所自無任慙悚僕
本寡昧庸鄙人也執事過聽舍短取長此 高明採

人之弟言事兄凡施諸民社者不啻如施諸家庭者
焉則邑之不進於治未之有也矧君內有賢父兄外
有賢師友交養互修厚植久畜不止小試一邑他日
為郡為藩為廊廟亦舉斯心加之而已傳曰孝者所
以事君慈者所以使衆事君使衆率由是道而後百
姓順焉四海刑焉謂孝弟為仁之本非邪推監察公
未行之志究大叅公已試之業以無忘涇野公之訓
參將於次濱乎考之

卷之十

書

荅柯雙華書

承叙皇恐言敝郡僻在草萊人文荒陋比歲幸遇
名賢駐節開府觀民省方激揚之餘首敦風教章縫
之士咸就繩墨士習民風為之丕變誠一方之盛際
也茲者僕以

予告而歸適庠士小試之後側聞執事欲令郡中開
塾率諸庠友來相講藝僕殊不知所自無任慙悚僕
本寡昧庸鄙人也執事過聽舍短取長此 高明採

內方集卷十
錄葑菲之量培植菁莪之功然非僕之所敢當也謹
以其勢不可者四力不能者二為 左右陳之僕之
歸也本以先壠久荒慈闈多曠賴

上恩得請然暑方蘊隆事且紛沓歸逾三月終一展
掃而松楸未樹畚鍤未興憂思皇皇至忘眠食何心
復對經生析微言闡奧義哉此勢不可一也自備官
講帟廁名 宮采沃心輔德交與其責公家程期未
敢久違為學之事必假歲月必由漸漬僕安能事雍
容於倉卒辨精微於匆劇此勢不可二也秋高水落
土木可興八月以來僕多止宿先塋親敦匠事去郭

頗遠來學往教皆不得便此勢不可三也僕雖登科
久而年未及老庠中多比肩故人今 尊教一下其
少者莫不從而摠衣其長者不從則違命從則僕斷
不敢受強受則不惟無益祗取罪耳此勢不可四也
凡學之道有四一曰理性二曰訓詁三曰詞章四月
科舉夫訓詁僕所不能詞章亦所未習姑不暇論若
理性則聖賢之學莫先焉僕少時未免為俗學拘纏
頃年頗知嚮往勉冀樹立然言有尤焉而無所從辨
也行有悔焉而無所從正也盖方自處於茫昧搖杙
之地早夜兢惕之未暇而暇淑人乎至於科舉業當

時稍稍記誦以應有司叨竊二十有三年今悉棄置不復道久矣且時文之弊必決裂道術破碎章句綴緝成語牽聯舊事而今之士率厭棄卑近馳騫高遠侈涉獵而忘咀嚙習問架而昧涇沫未出於藍而謂其已青未出於冰而謂其已寒病痼已深非一七可療即使僕力反正則不合時習若屈意徇俗則非其本心二者交戰莫知所決既以自誣又將誣人一不能也且僕貌若和易衷實過嚴和恐尚同嚴恐近福故平生雖無忤物亦多啓釁力欲芟除病根未拔又習於踈懶居常高眠靜坐聞入公府則先已覺覺生

遇俗客則不覺厭怠今臯比既設朝夕追趨三涉公程便為官務樛散之人豈勝羈束且通座諸士莫髮濟濟本所樂親然人心不同或如其面况督率而來非其本志一有不合輒難於處與其鮮終於後孰若蚤斷於先二不能也夫勢之不可如彼力之不能如此僕豈敢強其所不能而當其所不可哉 執事此舉旣以愛僕且愛諸生撓謙之德下逮凡愚迭就之力徧及俊乂其不感發而鼓舞者非夫也僕不足道然勵志強學名附甲科修身律已譽竊鄉曲固亦諸君子之所觀而摩焉者也即此二者諸生殆有餘師

美奚必開塾講藝而後可以掇科躋仕哉偶有傳聞披誠以告伏惟 執事特賜鑒亮急収成命勿致徃復煩瀆 清聽幸甚幸甚

與殿學白菴豐老先生書

往歲淮浦以張都帥便一申 問候時方舟解顛覆中未能披悉悚仄悚仄比薛生至捧讀 教言伏承齒錄慚怖何堪叙無似仰戴 明恩雖起居或後下瞻依未忘人自閩來每承動定鬼神純佑禔福維新下情無任欣忭

賜環之詔初若稍稽近諫垣復有言者恐海上行無無復久淹車從矣斯亦天數人理剝復之道也叙無似自遠 講席即遭喪病跼伏草野殆將十年壬辰北上乙未冬承乏教胄

朝廷又以資序頗久假以中允丙申又以修書微勞再進洗馬自惟謏劣薦荷 恩命蚤夜皇懇矢圖報稱但導化不明士心盡壞瀾倒山頽非綿薄所能撐拄耳伏惟 門下教之茲因薛生人歸謹此奉 復仰望 儀刑不任馳邈不宣

與總督劉松石書

無似自元年一承京邸 緒論今十六年矣薦嬰凶

閔父滯江鄉稽違 問淚匪徒以道里綿遠爾也及
公視河於瀉不以其不肖而惠教焉比制國於邊又
不以其不肖而惠教之加頻疊焉無信何人也過辱
存注然識慮庸闇曾無一得以裨萬分悚愧何如惟
公經世之才紆籌於疆場體國之誠盡瘁於夙夜驕
虜在門部落盈塞其或承突而復鼠竄者以公捍禦
之力保障之功也然制馭之策供餽之需司兵農者
乃為之漫然而且遙度而中制焉公所以增其憂勞
而不能自己也夫事之可憂其在于今莫甚於邊事
之可憂莫甚於虜之聯絡而我之無備也今群公不

以為虞而又諱之舉天下迫急重大之務而付之恬
愉鎮靜所謂抱火積薪而寢其上此區區之慮不在
於疆圉而在於 廟廊也東坡曰西北有可勝之形
而中國無可勝之備時如東坡虜已盛矣而曰可勝
今之賊勢雖有黠酋主之叛卒誘之然志不過搶擄
則其可勝猶有易於昔者特患吾失所以備之之道
爾趙充國破西羌計之熟矣賴魏相贊之於內是以
卒成其功李綱識患於蚤捍患顛危而卒無救於禍
者以主之者無其人也由是言之為可勝之備者豈
獨司邊鑰者之責哉公雄畧足以濟時精忠足以動

王心望是以懾敵恩信足以結士北門鎖鑰西賊破
於一時安危惟公是倚願決計策如趙將軍持議不
克如李忠定而利害不顧焉則未有不能制勝哉記
成大功者已况假

國家靈長之運隆盛之福哉人去謹復併陳
借瑣瑣伏惟 左右博察

荅顧東橋書

興都大典特歸鉅筆爰自

簡命殊切欣慙頃承 台翰采摭遺逸不以謏劣猥

見咨訪而府吏奉 教亦復枉及遠荷 謙光祇增

慙慙叙荆之鄙人也謏聞寡見無足仰冀然竊謂事
有體要文有義例今日之志志 興都也法當以建
都政府為始而歷代之沿革合郡之文獻附焉示先
所重也若

獻皇聖跡睿製與凡嘉言善行固已登之實錄藏之
天府有非臣民所能聞見者恐亦非茲志所敢具載
也諸凡賞詠景物宣教邦域有功興都見於恩紀含
春堂集者併可恭錄餘從省略示不敢同實錄也至
聖主中興制禮作樂此自關 朝廷事達諸天下傳
諸後世非舊邸故都所得專紀而

誕聖養潛之期入繼南狩之典 尊從嚴奉之制祔
祔祭告之禮建置改易之規

詔諭傳宣之文品題詠歌之什則當以次備書
惟取其關於舊邦者示不敢用史例也其都邑故
則司徒孫公志安陸荆門司成魯公志景陵大叅初
公志潛江而叙亦妄志沔陽欲求承天之事大抵具
矣又 興邸舊臣與一時從 龍諸君子及都內大
夫其存者但當列其名氏官爵亡者亦當采其物論
所歸數人為之立傳示勸戒焉可也叙不佞竊以為
睿考知大守道誕 聖啓運今

上膺圖受籙達極錫民此實

國家中興之業無疆之基近而四海遠而萬世所共
仰戴非一方一時偶出而僅見之欲藉以鋪揚盛美
誇詡後來也故今日之志當紀其大而畧其細錄其
切要而舍其繁複宜謹嚴不宜汎濫宜質直不宜炫
飾宜統括不宜瑣屑 明公學綜七畧才具三長承
纂緝之任操筆削之權據實以書之毋徇以衆論之
異同秉公以處之毋牽於人情之好惡則金匱石室
傳信於無窮楚水荆山託名於不朽矣

與黃卓峰書

孤再拜奉吊執事猶括髮杖而不衰是未成服也按禮聞喪不得行則成服而後行註謂使事未竟也朱子家禮亦謂不奔喪則四日成服不奔喪即不得行之謂也故其儀節於又哭之哭猶括髮袒衣三日成服即不復括與袒也若聞喪亟行則但當變服於禮無括髮袒於家言不可以是行於道路也喪禮小記奔父之喪括髮於堂上袒降踊襲經於東方亦謂不得行而成服者爾故禮奔喪者不及殯先之墓括髮事畢遂冠歸入門猶括髮夫必冠歸者嫌於道路也且初喪被髮小歛括髮至四日而成服禮之節也括

髮未有過三日者也執事聞喪於崇想已括之矣不必至沔而再括也况自聞喪至今不止四日則成服之期已過不當至沔而後成也執事判郡攝邑公事未竟謂之不得行可也則成服而後行無疑矣若今但括髮而不成服則不惟無久括之禮且有道路之嫌若道用冠至家而又括髮是三括髮也斯亦過矣若禮奔喪亟行不言括髮成服欲其至家行之也惟不即行則遂括髮成服不欲久廢禮也此聖人至精至密之制也且禮有衰而不杖未有杖而不衰者執事不成服則不當杖杖則必當成服若不冠不經而

杖是違也執事純孝哀痛深至不覺其過然先王之制不敢過不敢不及孝子之於親諸無所盡其心惟盡禮而已故曰葬之以禮也孤於先人之喪亦多草草近於讀禮之餘竊有悔焉茲復敢以告執事者真執事謹之於始以盡誠信之道無若孤之有悔焉可也僭及無任瑣瑣之懇不具

奉張羅峰公書

不拜光儀歲月荐易台斗在望如何可忘昨來使陳動履迪吉甚慰頃緣亡妻櫬歸方茹酸痛又徙舍監署道復迂僻且不虞使之亟歸也故失問候耳健懷

棟叙無似伏惟明公恢忠大節任德元功震耀百履冒函夏乃者體稍遠和力求還山

主上重遠雅志暫聽歸戀天下之人不能不謂其無可見之幾而有不終日之決也茲賴社稷之靈鬼神之神福已勿藥矣

主上眷顧今遣使丘園特勅起公又令藩臣身之勸所以延佇之意何如也明公自度謨明稱

主上可一日無公平隆恩異數公可一日忘主上乎夫心膂之重寄不可執以形跡之末務也休戚之大義不可拘以去就之小節也故召公之去姬

公留之責以篤棊之業告以猷裕之道甚惓惓也明
公建立在旂常者已光明雄偉矣然平生之所期許
聖明之所倚毗四海之所繫屬萬代之所瞻仰者抑
亦有未竟而可為者乎夫棊忱之命猶不敢知時幾
之勅舜與禹之所交儼也明公欲修姬公之業而
又欲遂召之無待乎叙無似受公知遇之深
自惟謏劣不能為重敢因人便具書以速伏乞明公
察之寬之若夫芻蕘之見或可備采擇者則侗芻蕘
至日陳之左右

復毛東塘書

去歲伏聞薦嬰哀疚適胡巨卿吏還已嘗致書奉慰
近庸之奉表至叙因與子才未君謀修絮酒之敬旦
暮便當顛致爾伏惟孝履無恙大事克襄幸甚幸甚
人來荷手䟽感仰彌切臺主之推寔

聖明所親擢南師議起知將以大帥屬公然未有
明命而公禫期尚遠計必具辭昨䟽入

明命始下叙不才無所知識然竊為公難之夫起復
之說貴鄉一峰先生論之詳矣况御史大夫總司綱
紀可不慎重但金革之事古人率以墨衰從事而
主上於公深眷於撞撼之餘屢起於顛頓之後簡畀

之重知過之隆有不可以故事拘不可以私情辭者
公將何以處此乎叙不才竊觀南征之師所繫甚大
近分遣錦衣往勘而唐平候䟽論剴切以為師不必
興勘官亦不必遣若公以金革遽起脫使勘者至亦
如平侯言則公將仍終制乎遂留而不返乎此不可
不熟計也叙不才今欲留公於家以終禮制以事君
也夫南夷不貢雖非門庭之寇然、朝議興七省之
師勤萬里之後不可謂非金革之大者公亦可以起
矣叙不才固不敢望公匍匐於道以犯違禮之愆亦
不敢望公偃仰於家以取方命之罪顧禫期頗遠

師議亦尚未決公且出舍於外以示不敢內顧之
然後再䟽請俟勘官至日如果

天威一臨醜夷伏罪則

朝廷可免師旅之興公亦可終先王之制若果負固
不服必勤天討公即當星馳赴 闕躬受 廟畧如
欲先事處分乞且料簡士馬裒集糗糧凡軍中事宜
許公條奏恭候

聖斷身未即起口當盡陳如宋劉琦故事况盛夏大
暑不利興兵議定師行必及秋杪此時服制亦至終
矣如此度 國家兩盡其義 君親交致其情用此

興師無師不克用此問罪無罪不服寔通權達變之機也公忠孝之德通於神明經緯之才炳於朕兆臨大事決大疑必有道矣而叙復不免於喋喋者蓋欲以一得之愚報終身之知遇也伏惟台鑒不宣

復周光載書

伏省華牘文繡遠意甚厚念自睽別奄及十年緬惟昔遊英諭偉識實啓昏蒙不虞鄙陋槩見投合切劇之義佩服良多伏惟執事洞悟冥探潛心鴻業覽春秋之奧得丘民之雋作為文詞闖入垣域振大雅之音成一家之言一時釘飴之說蕪蔓之詞形穢多矣

敬羨敬羨叙也鄙少竊願學性質蠢愚氣志慵惰毛髮既變蹊徑猶存以年暮嬰凶閔久在呻吟舊業都廢惜然無益往歲還朝沈淫舊列進不能抽金匱石室之秘取長楊甘泉之意以獻納

聖朝發輝偉麗退不能把三寸弱幹費油素四尺與天下上計吏問其異語摘之于繫而徒低眉結舌抱愧何堪執事不察猥賜稱許過矣過矣即謾出一語何啻鼠垣之與牛場也所冀君子不遺瓚尾時枉開益伏瞽矇得與於爛熳之觀跛躄得踵於遼逖之跡叙之幸也非所敢望也如何如何披悉無期馳瞻為

切裁書奉答不盡所云

與宋巡撫書

敝郡地窪水鍾漢逕其北江延其南沱潛衍派雲夢
匯澤故水之患無歲無之民田率壅土為曲隄隄之
大者以百數歲隙繕隄其勢高堅而來歲水緩故得
有秋不然無不立決自正德丙丁水大漲壞隄障沒
田廬民死徙殆半病者至今未蘇息今年六月中江
忽暴漲勢如建瓴隄皆瀰漫無垓衝崩一夕水猝至
夫餘民無所措手足又無山岡可避或巢木末或棲
屋巔風飄波蕩非溺則饑有闔門為魚鱉者矣故今

湖北之災視他郡尤異往歲水災輒得徑自
上聞今則謂有新例但申呈而已昨撫院奏至雖槩
及於沔然湛溺之狀豈能獨詳於沔哉夫民之疾不
能上達則所仰者明執事一人爾頃者賑恤之典雖
行恐所捐有限數十萬命未易周洽况給發之時其
實有甚焉者乎蠲租之令雖下而尚徵三分洪流千
里尺寸之土皆無何由復辦况催科之際其弊有甚
焉者乎伏惟明執事控制諸藩總司風紀而撫綏之
任為重其在今日猶莫有重焉者伏望仰體
當宁畏災憫窮之意俯念小民昏墊流離之苦或移

節躬臨或命官覈勘先以倉庫所積銀粟盡行給散以救張口待哺之衆帑銀至日數有不敷多方查如太嶽香錢州庫魚課之類普施大賚其見徵三分之租自沔歲運計之不過三千即以賑代補之斯亦良法也然說者曰給賑不如折租蓋以賑之不均不如折租之為實惠也夫天下之弊患其不見不見猶將圖之豈有目擊之乃委於難而為是不得已之計哉民之有租是有田也此平日之號為有恒產者今雖饑或不假於賑又從而折其租是惠獨沾於有產之民也彼轉徙之衆單寡之丁既無租之可折又無

賑之可賴其不至於填溝壑膏草野亦焉往哉是大可悲也况所折之租不過三分今至困極災雖中人家不免垂罄而司牧者但曰折租此何救其目前之急乎且民有田者少無田者多使就食之民扶老携幼滿道而來乃託曰無租之可折也則將坐而視其死歟伏惟明執事純德閎才周知博識居撫臨之任值凶歉之時拯援之計必有得於咨諏之餘固無俟於喋喋也然救荒之策自古所難偶有所見不敢不言明執事虛懷遠訪有不容默而同室之患亦不可相視如秦越也丙子之災

朝廷遣東湖吳公賑之東湖公才大謀疎故當時賑格頗有遺慮如作粥一事反滋弊而聚死耳及東湖公按部至沔諸生入見首問郡志而已此何異不能三年而總小功之察哉僕在諸生中為之痛心嘉靖初沔復災儲知州洵專務休息征科一切報罷歲租悉以庫銀代之民不知也及散賑洵計道里遠近具舟載粟約民不得入州洵躬立村市給之民隨至隨支人人沾足而吏胥亦不得為好故民始以催科不至輒流及聞洵賑濟得宜雖流亦輒復是歲之災不甚病者以有洵故也僕時以使事過家蓋親見焉夫

饑民之來必經里胥里胥之報或非甚饑之民也不散賑之日民遠者卒先期而集或過期而不給經旬夾月不能得夫人不可一日而無食故有口腹未充而先橫道路升斗纔得而遽償市肆者矣夫荒大災也賑渥恩也而其苟且若是是可忍乎故如洵者可謂盡心焉耳矣明執事在上數郡生民倚以為命必有如富鄭公朱文公之策者而僕獨曰洵者蓋自夫近者言之也然僕之所陳者沔也是未免於鄉土之私也僕嘗以為歲之凶也有饑民有流民饑民者我民之有籍者也流民者他民之逋亡及我民之東

西轉移者也賑之所及皆有尺籍可呼名而唱籌者也流名則不然斯其賑也亦狹矣夫我民之在他猶他民之在我也可以差等乎當公朱公之所活皆流民也故其命以數十萬計今明執事之所統四省之民皆赤子也而以二公之心為心則所活又止此乎使有司者皆以二公之心為心則所活不如二郡無是理也故擇賢有司而使之救民不啻療病而任良醫也惟 明執事留神

上余方伯書

大方岳余老大人先生門下執事比來一再奉書但

辱候納感何可盡茲者不揆復有所請孤苦塊中在事謝絕率不與聞去歲臘中諸河泊官吏業民相與過孤為言 朝廷徵取魚牙上官督催甚急顧湖澤中實不產此謂孤可以一言進欲令斡旋其事孤以為有司自能申達當路必能處分無俟孤言謹謝遣而去今春復來言郡中具申不聽奈事頗急請以價折之孤以為無與於已亦復謝避日者復相聚而至人益衆爭言折價亦不復聽然來使日相責索願各捐資遣人詣荆岳收買之顧差人督責亦嚴若不可以須臾緩者請遺書左右少寬其期已而陳刺史亦

至深為之勸孤重遣其請兼以鄉里之珍瑣瑣為
一言之夫沔沮茹之區蓬蒿之澤誠魚鳥之所聚網
罟之所集也夫水之滙聚莫如沔而勢最清淺其湖
苟不演湘江與夫漢流皆無支派可通非有洪濤巨
浸則各為一區如陂塘而已非若江淮河海旁通遠
引泓深空濶也夫沔之湖誠多矣亦誠廣且大矣然
皆萑葦菱芡之所生婦人孺子駕輕舸短楫可涉而
過冬窮水涸有可以蹇裳濡足者矣夫物不足以容
者皆不足以息也擊水之鯢必居尾閭垂天之龍必
盤幽島非可責之溪壑也夫沔之人固皆以捕魚為

業然苟得尋尺之鯉則相顧而喜矣故魴鱮鯉鯉
鱖鱔鱔此沔之所服食而商販之所貿也且今所徵
魚牙則鯉也鯉非沔有也即有之不過徑尺而止耳
必如來式非重百斤不可且其色必正黃餘魚不用
此於洞庭大江徐求之或可具也然擇之精而求之
切雖洞庭大江亦罕矣况於必無之沔陽哉或以為
沔涉大江此亦足致者殆未躬履其地也夫沔惟西
南一隅與烏陵相望荆岳相連然必深夏川流泛溢
江水灌河此魚乘流而入容可得什一於千百也且
今所需至百二十斤以魚計凡千有餘斤此何異求

珠玉於茅茨擇常布於扣繡哉夫以必不可得之物而索之必不產之地以必不可已之舉而付之必不能致之人君子於此必將為之地矣歛郡陳刺史寬而愛人慎而克幹得檄以來蚤夜焦勞深慮無以奉命而塞責下至河泊官吏亦惴惴焉惟恐及於罪也夫以腐敗摧割之物而上下為之弗寧孤於是而獨不知所以為謀矣伏惟執事深察地勢遠鑒民情惻然興感昭然垂慮惟念折價責付沿江郡縣代徵或復假以時日俟其備累並召來使明示期限使上不乏用於公家下不遺憂於荒郡 朝廷氓誅求之跡

官民省督責之煩於執事為仁術而孤也有榮施矣如何如何越胄台威無任悚責

與胡寵之書

叙自遠隔逾秋怔悵增勞想離群以來繾綣一也僕之於君異體偕心合道齊軌併以弱冠結駟京國佔畢鉛槧戮力相規出則聯袂九衢入則并棲一舍芝蘭同臭何殊於茲丁年分携馳驅塵鞅君則遊覽梁晉僕則經涉魯粵東西南北奄忽歲時睽絕之思如何可言往者角藝鄩都藂桂秋山復叨附驥生平意氣乃茲一信縱黃鶴之大觀吊鸚鵡之廢蹟踈大別

東倒障漢波使西逝何其驩也獻賦上都翱翔雲
路僕復不幸創痛浸淫皮膚痛苦方卧長卿之病薰
動馮驩之歌而君時枉軒車垂意眄睐古云知己昔
謂無之廼今已矣感嘆發憤莫得同升以求咲樂而
劉蕡見忌李邵謬登命也如何九在雋流同斯嘆惋
嗟乎漢婦無命楚和失時雖揚蛾入宮懷瑜赴闕祗
益其悲泣爾若擢秀鄧林駛流清派隱神物於豐城
秦夜光於川澤良時多暇高朋萃止躡屣覲首接離
倒着舒懷習池銅鞮齊唱重以鯉對趨踰萊衣熠燿
俛仰之樂孰踰于茲且夫駉驥垂耳於槽櫪游鳳委

翅于枳棘固未殊絕也及其霜蹄蹠躑勁駉聯翩高
翔青雲顧盼千里豈必借翰於扶搖假力於蠶策哉
僕浮名罷繫夙病糾纏欲委置長徃則親心未慰低
首跼蹐則羈情潦倒又恐毀棄路遠傷其明喆是以
輾轉徘徊重增切怛旦則廢食夕則倦寢每不自持
輒從二三君子或周章在途或歌嘯永夕或濡吳毫
宣暢紆結或張蜀絲雜引商徵加之秋氣蕭瑟木葉
辭幹明月入帷涼颼夜起悲笳微吟哀角徐動于斯
之時百感駢集五情並亂仰鍾陵之日莫太行之雲
楚畹蘭芬湘臯草綠言念初服何時可忘此阮籍時

六當途而哭王粲所以登樓而悲者也安得從君尋
故山之樂信久要之雅哉夫達士論交匪寄形神千
里之談有如傾蓋何也以其相信也故特與君陳其
大較逸情隱志庶其亮之嗟序飄寄沙磧悵離隔矣
周河伊阻杳難涉矣悠悠我心何時歇矣努力明德
敬歆身之地義存斷金飄颻北風有懷德音

田之書

賦頌等日誦雄篇若扣金石發文園之春華得詞塲
之元路近日諸家誠不多及但中皆懷鄉憂國之辭
悲愴別之思遠志孤懷悠然可諷矧今玄冥迴馭

青陽未舒霜霰載零廣莫風至羈旅之人益用興懷
夫禮有弛張詩美善譴登高能賦可為大夫故周遊
廣覽之適群居燕笑之樂所以開煩紆息勞瘁而暢
神志也客有謂然者欲就閒曠之地聊陳尊俎之惟
尺簡方臨幽情先往然習池騎馬實籍風流滕閣揮
毫竟湏才雋僕雖不敏猥廁同升輒擬濠梁之招共
為洛社之會倘剡溪之雪不妨乘興則西園之蓋竊
願追隨將使離群之感慙慙於從席同心之言得盡
於扞掌亦一樂也若乃臨觴展志即景命篇使曲水
之亭存其雅蹟東橋之竹增其勝槩又他日話柄也

客亦欽慕未遂招延謹托報書庸為紹介伏惟惠然
叙頓首

復熊南沙書

日者在朝偶承 台山問及處變之禮時方震疊語
不可悉但以三日哭對未復草數言以足其說不意
誤達 執事致匿來誨又博覈詳究務底精當所以
為教甚盛叙也鄙無足與議鉅典然因 清論所及
亦復有疑敢相是正 執事謂日食太廟火不得終
禮雖接祭有所不能安論殺不殺故且以日食時人
所知司曆奈何不以告而行祭曾子奈何以為問

以其文之不類而疑後人之所篡入叙竊謂
舉當祭為問故孔子以牲至未殺則廢為言明牲殺
而行事則不可中輟亦惟接祭而已若未殺則未祭
奈何不廢孔子此說蓋推言之意義亦明近何燕泉
嘗以問王陽明陽明謂當祭而日食則固已行禮矣
如是而中輟不可也非以為後人所篡入而疑之也
至於日食而不知則官失之也傳已言之矣 執事
以為本無可疑叙則謂以當祭為詞則其疑亦有不
得不然者爾 執事又以成三年新宮災三日哭引
釋例諒闇初闋而遇天災則感而哭之以致哀異於

內方集卷一
餘廟且引西宮桓宮僖宮災皆不哭致謂哭廟雖或有之苟毀於諱闇之後與世次之遠者皆本不哭因以檀弓為付會春炷叙疑滋甚夫西宮惟穀梁以為閔公廟公羊杜以為小寢別宮 執事以群公稱宮遂疑為廟然則司鐸大火踰公宮亦可以為廟乎桓僖宮災孔子聞而知之杜謂親盡而不毀胡謂季氏出於桓立於僖以是為悅而不毀孔子之言蓋為此也故或不哭即哭亦例不得書皆非新宮之擬也至於命出御書如南宮敬叔諸臣所言孔子不以方色與兵之說蓋謂救火之道非處災之禮也似不足

春秋書災雉門兩觀之外宣榭火亳杜災以外事皆書聖人之重災也如是故新宮災三日哭書新宮胡謂宣公薨至是二十有八月緩於遷主書三日哭杜謂宗廟親之神靈所馮而遇災故哀而哭之善得禮也鄭玄亦以為天火人火哭皆當三日今 執事舍注疏而據釋例不幾於棄經而信傳者乎且謂檀弓之附春秋可也不知春炷又何所附乎叙竊以八廟嚴奉之地一夕並燬

成祖

仁宗二主又為祝融氏奉迎而去此正臣子攀號泣

血之時雖欲勿哭不可得已故妄謂災之明日
君臣當臨而哭之略如居喪之儀可也夫 二祖不
遷之室 六宗昭穆之宮一旦煨燼在天之靈無所
憑依豈桓僖當祧之廟可彷彿耶昨有 旨奉安
列主於內殿恭顯 二主於陵又以 睿考之主不
得獨安為言又欲避殿撤樂則深哀極痛發於
聖衷已惴惴焉不須臾寧矣凡奏謝 郊社遣告群
神皆得處災之禮獨臨視而哭或少略爾 執事又
引晉杜夷江淵議修墓比廟災而不行服梁何倫之
議改葬依三日哭而不服叙按禮天子諸侯易服而

葬又曰改葬總子思又曰父母改葬總既葬而除之
不忍無服送至親也韓昌黎亦議之矣 執事引諸
子謂六朝禮學最精不知夷淵諸人所議於禮何如
也如以改葬為例則總固不可易服亦不可易乎故
叙欲烏帽角帶而縞衣亦易服之意也其謂今之修
省令甲往往青衣蓋處尋常變異之禮非謂事出曠
聞禮不經見者也若夫仁次則太室之前皆為瓦樂
灰燼矣不於都宮之前而何叙諛聞 禮學謬承 下
問姑據舊說以復 執事高明博學更有攷考以
為僭且妄而終棄之幸甚

內方集卷十
與張龍湖書

往歲遇貴鄉販薑者詢起居頗悉因具素書致區區不知能徹左右否人之相知雖斷疆絕壤精神夢寐殆相往來不在音問踈密即有感念之作繾綣之書不必寄與否雖寄不問其達否也蓋殷勤浹洽之意出形迹声音之外嘽嘽嘈此兒女子情耳向在黃州與王稚欽內翰論此亦以為然數年來兄無一字見及豈坐視耶抑偶遺耶伏惟禮制當終福履駢集經帷啓心玉堂倚德足樹海內之望但綵鷁之發未識何時過洞庭經烏林赤壁之間有戍名茅埠者馮地也去敝城百餘里借少艤舟令戍卒為之小舸穿紅湖與君一會瀟湘之浦不惟償數年之別亦足為平生之樂也如何如何孤再遭家禍多歷殷憂孱弱之體已不能堪而母氏在堂百口交累歲歉囊貧無所仰給每課諸僮事田廬具饘粥守玄抱拙幾與田舍子無異靜言思之踈踏不堪王都護在否倘得通書附致此懷伏惟垂亮

與王鼎文書

叙再拜奉讀學志續彙事物該備本末之類煥乎足觀矣敬服僕荒陋蹇淺屢荷不鄙辱臨之問昔春秋

游夏莫贊 執事深究三傳之 敢當一
詞之助亦君借聽為堯采擇葺葬之 聖聞孔
子廟庭從祀諸賢代更會議及今而後定其禮甚嚴
故名宦鄉賢別祠於外所以慎禮也獨吾庠列於東
廡之上垂錯特甚今雖徙居廡下然未免涉從祀之
嫌今直書其地與其改遷之所而不言其故恐後之
人以為既改矣無復別建之意而不知改者之限於
勢力姑徙置之以示其意耳茲欲附數語於下以告
後來如何至於從祀者自四配而下已有定制聖賢
事業人皆誦法無俟史書獨名宦鄉賢乃出於部人

之追慕學校之議或取其一事之功或仰其一
善非天下所共聞見如七十子者也今存其名而不
究其實歲月寢遠誰復知之且使士民徒瞻其名位
而不知考其功能不惟無以為法效之地亦何據以
展其對越之誠乎况拾遺編陸鴻漸既得特書而顧
略於諸公亦或未可也茲欲更拾遺為祀事編大書
諸公之名而以功業附書其下使先輩名實托以不
朽而觀者興起斯志之切要也漢濱老父而下則附
是編之後妄意陳說忘其膚近高明幸取裁

雜著

陳風

史氏叙之居廬也內基劉子省方于楚使使
 陳風而觀焉史氏叙曰夫風之激颺乎無弗動物者
 也夫物之蓬勃乎無弗動於風者也明庶至而物萌
 景風至而物遂閭闔至而物斂廣漠至而物閉故物
 視乎其風也君子之於民亦以其風風之爾已故以
 德則君子風小人草其動至易也夫荆勁也然北接
 乎雍豫風也龐南介乎峒谿風也脆故江漢之間樸
 瀟湘之間浮沅澧之間佻弗之乎

夫子之按楚也



以之乎用令矣禁之乎用法矣風之乎用德矣故條
其品節課也不可以齊操切抑勒齊也不可以動開
其風裁則威不施而肅故風教敷則俗不勸而善風
之至也夫樸之流野浮之流躁佻之流鄙是故風之
禮而樸者歸厚之仁而浮者雅風之義而佻者敦也
仁結之義裁之禮節之義禮德立而脆者動於靡靡
者動於醇禁於是乎無殊風矣今

天子建極於上四方嚮風于下而楚為岐豐又首善
之地也子勉之既以其風風楚矣抑將以楚之風風

天下也

衍壽

待御劉子之父罷令沁水歸野塘老馬

辭於楚諸子以壽野塘於是子立言樸擬之

子陳言畜擬之乎塘也子叙曰請衍之夫塘

而水鍾也水善利萬物而不爭處人所惡而無

心而不爭水之德至矣故水澹而味生焉天下之

和靜而動生焉天下之至文也然而水弗之知也今

夫水象匯而不澤至清而不溷川也流坎也止風

撼石也激流止撼激因之乎非其體然也故水

或疑弱而或剛波濤之阻盜弗怒也舟楫之溺賈弗怒也是之謂無心而不爭夫必樸而後飾是飾可窮也必畜而後發是發可窮也皆有心而爭者也至人者無所事畜無所事飾無所事發而亦無乎不樸無乎不畜無乎不飾無乎不發是故至要而不煩有功而不勞長久之道公之令也而弗喜無心乎令也免也而弗怒無心乎免也不為用喜故不爭是而於沁水有餘功也不為含怒故不爭非而於野塘有餘樂也故公可以飾可以畜可以發渾渾乎莫之涯也天地無心也故久水無心也故不息公也體焉故量器

故守恪故神粹故壽堯子曰上善若水此之謂也

明樸

玄漠先生讀道德還童章至見素抱朴少私寡欲客有過者童子相以入請曰余生也盲父名之曰淳賓字之曰元良頗其卷曰朴因以為號敢請言之先生曰夫見者天下之至文也不見者天下之至朴也故朴具乎文文生於朴天下之道見者有盡不見者無窮見者亂不見者專見者微不見者察無狀之狀無象之象是為恍惚迎之不見其首隨之不見其後樸孰大焉惚兮恍兮其中有像恍兮惚兮其中有物窈

受之以良不終動也良而受之以漸不終靜也
故曰動靜不失其時其道光明是皆健之義也夫上
之止者學者之事無止之止者聖人之業也知無止
之心可以言止矣

得失論

太谷子曰老子曰少則得得者少之實也少者得之
招也得而後失故得非得也失而後得故失非失也
牛之尊溝中之斷同材而異託其失性均也扶桑
之木樛社之樹同植而異尚其得天年均也故有天
有人得得天之得者得得人之得者弗得

得故有弗失也得之而弗得故有弗得也故曰求則
得之舍則失之是求有益於得也孔子曰吾之於道
求之度數五年而未得求之陰陽十有二年而未得
得豈易言哉臧挾筴讀書而羊亡得浮於失也穀博
塞而羊亦亡失浮於得也鳧脰之續則悲所欲甚於
得也鶴脰之斷則憂所惡甚於失也故虎狼之入檻
不可以為得也馬之入於胡不可以為失也求燕石
而寶之得眩之也見破釜而失聲失蔽之也庸詎知
夫得之為失也失之為得也而亦不必得不必失也
而亦未嘗不失未嘗不得也故深藏若虛良賈也盛

德若愚君子也今有一人焉其得也若附贅縣疣其
失也若決疣潰癰又有一人焉其得也若獲拱壁其
失也若解肢體是以得失為患者也夫惟至人得
之而有弗得失之而有弗失珠玉之在囊也鳩鴉之
在籠也一也盜之胠篋也毛之脫睫也一也故得魚
而忘筌得兔而忘蹄得意而忘言是遺得失者也故
足乎已則物不能役裕乎道則事不能累充乎內則
外不能遷故不知得亦不知失故常得故常不失

平南雅上中丞秦公

明明我公有捷其武憬彼柳夷來歸亡侮矢此王旅

式辟裔土

叢彼柳夷徼於南邦既醜而醜囂狡毀常肆其大
瀆于天章

彼亮負固實毓其居有石斲巖有山崎嶇緩之則驕
殛之則逋

赫赫帝怒廼眷南粵誰其正之廼授公鉞徃行予
柳夷是忽

公拜稽首天子是副既類既禡唯師旅是鞠公拜
首臣曷敢弗邀

醜攸行濟于沅湘旃旆斯揚蒸徒皇皇有萬其航

水湯湯公服斯煌慈珩有鶴

公涖止陳於南郊腰褭且閑巾車孔膠虎士如懸
下修厥矛弗吳以教邠夷則咆

邠夷維喙來享來王式叱爾狂南土允荒唯邠之
于理于疆唯邠之民于焉徜徉

邠功告成唯義之正亡煩于兵自昔周公荆舒是平
顯允方叔征伐蠻荆曰公與京

明明我公經營四域昔在中夏矢其文德耆定庸公
作屏王國於皇遐哉文武唯則

公之歸兮嗟挽其衣兮山平川夷厥功巍巍兮

公圭錦衣孔輝兮天子聖神四方來威兮於萬斯年
唯公功是依兮

捷武十有一章五章章六句五章章八句一章章
十句

送崔東洲序

東洲先生崔公之在館閣也領史事直經帷侍
明天子講讀清德雅望蔚為儒宗會善治之初簡侍
從典岳牧用以輔理弘化且試難也於是公參議湖
藩無何遷憲副眎學二年進參閩政或曰公之出也
將無勞乎勞也將無乂乎史叙曰夫為理莫教之富
之之重也故盡倫以厚俗盡力以厚生理執大焉公
之在楚於藩也盡富於學也主教是故阜財豐殖爬
弊剔蠹而民利焉正誼崇道敦軌陳則而士興焉寢
寢乎理矣闕楚雖遠其人之情一也故公之往惠化

之所治皞皞而熙者必其民矣風聲之所被雖雖而
變者必其士矣如是即勞且久也不益為公重乎或
曰館閣內也藩臺外也公亦無是較乎史叙曰非也
夫富也教也天子而下董之者相焉故舜以稷命棄
以教命契然必以伯禹宅揆周官司徒之職寔兼教
養之事公上沃主心下勞庶政士也熙民也恬亦幾
乎相之業矣矧公相才也其行也所以為相也而
又奚較乎昔仲山甫以柔嘉明哲之德內保王躬外
式百辟入司喉舌出任經營是以有烝民之誦至其
終篇又以補衮許之蓋相道也公不吐不茹既育其

德而若天子賦明命又不啻其勛則大富教之
與稷契媲美焉奚啻如吉甫之誦乎故公之出適以
為入而勞於外將以逸於內也曰較云者淺之乎知
公矣是行也沔之人士實愛慕公微言于史叙叙門
人也嘗執筆從公後知公為詳故備言之以附詩人
穆如之風

